

13


CLAVDII SESELLII,  
VIRI PATRICII,  
DE REPUBLICA GAL-  
liæ & regum officijs,  
Libri duo.

Ioanne Sleidano, Interprete.

Adiecta est summa doctrinæ Plato-  
nis, de Repub. & Legibus.

ARGENTORATI, IN  
ædibus Vuendelini Ribelij.

Anno M. D. XLVIII.



22

# S E R E N I S S I M O

Principi, Eduardo, eius nominis sexto, Angliæ, Franciæ & Hi-

bernæ Regi, Ioannes

Sleidanus

S. D.



INTER ALIAS PHILOSOPHIÆ partes, qui doctrina reliquis omnibus præstiterunt, Plato & Aristoteles,

hanc etiam diligenter atq; copiose tractarunt, serenissime rex, quæ civilem societatem & reip. procuratorem complectitur. Nec enim satis esse putabant, ea solum mandare literis, quæ vel ad ingenij cuiusq; culturam, vel ad formandos mores, vel ad sinceram atq; perfectam animi tum voluptatem tum consolationem pertinent, sed elaborandum etiam sibi ducebant, quemadmodum publicè prodesse, & eam qua præ-

## P R A E F A T I O.

diti erant, facultatem ex umbra in ap-  
 pertum solem proferrent. Hunc e-  
 nim ueluti finem suorum studio-  
 rum atq; fructū esse uoluerunt. Mo-  
 uit eos haud dubie, quòd passim in  
 imperijs & magistratu illaudata cō-  
 spicerent exempla, quòd plæriq; &  
 ambitioni & suæ priuatim cupidita-  
 ti maiorem, quàm utilitati commu-  
 ni operam darent, quòd suis emolu-  
 mentis omnia metirētur, quòd fauo-  
 rem, odium, gratiam, inimicitiam,  
 magis quàm iudicium, rationem ac  
 æquitatem in consilium adhiberent,  
 quòd simulata sæpe clementia liber-  
 tatem hominibus eriperent, ac re-  
 gnū malis artibus occuparēt, quòd  
 de dñs atq; religione tum tempor-  
 ris nota & usitata, impiè ac irreue-  
 renter sentirēt, quòd literis atq; uir-  
 tuti minimū deferrent honorē. His  
 illi causis excitati, quod & uaria do-  
 ctrina, & longo rerum usu, & cōsue-  
 tudine



tudine atq; conuictu bonorum, & natura duce præstantissimum optimumq; esse iudicabant, memoriæ prodiderunt, et cuiusmodi esse debeat reip. forma, definierunt, ut etiam si sui temporis conditionem atq; statum non emendarent, tamen posteris relinquerent sempiterna sui iudicii monumenta. Nam hi ipsorum libri, quoniam optimis atq; sanctissimis referti sunt præceptis, magno cū fructu & admiratione leguntur, & quandiu studijs literarum suos constabit honos, in doctorum hominum nō bibliothecis modo, uerum etiam sermone, insignem locum obtinebunt. Cum enim naturæ hominum & uitæ ciuili nihil sit conuenientius aut optabilius, quàm legitimo & æquabili imperio contineri, & quia uim atq; seruitutem omnes oderunt: illi, quid magistratum deceat, & quantopere ipsos oporteat

## P R A E F A T I O.

ab omni uel suspitiōe tyrannidis nō  
 miqꝫ potentig alienos esse, demon-  
 strant, & ad moderationem atqꝫ ius-  
 titiam & populi tutelam perpetuo  
 hortantur, & quibus indicijs agno-  
 sci debeat tyrannus, dilucidè osten-  
 dunt, & eos, qui liberum nacti po-  
 pulum, in seruitutem redigunt, aut  
 alioqui non suum faciunt officium,  
 acerbè grauiterqꝫ reprehendunt, &  
 non hominem sed feram potius at-  
 que beluam uocant eum, qui simu-  
 lato pastoris atqꝫ parentis nomine,  
 ciuitatē exhaurit, in eoqꝫ tantò plus  
 sceleris esse dicunt, quò magis oc-  
 cultæ sunt atqꝫ tectæ rationes illius,  
 qui damnum reipub. infert. Verum  
 hæc aliquantò prolixius ego, quàm  
 institueram : nunc ad propositum  
 reuertar. Præter eos, de quibus di-  
 xī, Platonē & Aristotelem, aliī qui-  
 dam in simili uersati sunt argumen-  
 to, & superioribus aliquot annis,  
 Claudii

Claudius Sefellius non inſœlicem operam in eo nauauit. Fuit hic natione Gallus, & iureconſultus ualde celebris, poſt etiam, Epifcopus Maſſilienſis, & Ludouici duodecimi, Gallia regis, ad Leonem decimum, Pontificem, aliquot annorum legatus, uir cum primis doctus, & cuius extant non paucae lucubrationes. Nam & Thucydidem, & quædam Xenophontis, & hiftoriam Eccleſiaſticam, & alia multa Gallicè uertit, adeo quidem ſœliciter, ut etiam ii, qui Græcæ linguæ magnū uſum habent, plurimū ei tribuant: ſed in leges etiā atq; ius ciuile quædam ſcripſit ac in lucem emiſit. Deſunctus autem multis uarijſq; negotijs publicis, & inſtructus plurimarum rerum ſcientia, tanquam ſuſpellectile quadam pulcherrima, contulit ſe ad ocium & quietem, ut & Eccleſiæ, cui præfectus erat, offici-

## P R A E F A T I O.

um suum præstaret, & reliquū tem-  
 pus honestis literarum studijs con-  
 sumeret. Post mortem uerò Ludo-  
 uici regis, librum hunc, de monar-  
 chia Franciæ, sic enim ipse uocat,  
 Gallico sermone conscripsit, & Fran-  
 cisco primo, ad quem nuper erat, ex-  
 tincto Ludouico, delata regni sum-  
 ma, dedicauit. Nā etsi à curia se re-  
 mouerat atq; foro, tamen, ut suū er-  
 ga rep. atq; patriam, amorem de-  
 clararet, absens etiā regi suo prodes-  
 se uoluit, eoq; magis, quòd aulicę ui-  
 tę morem omnem atq; statū habe-  
 bat exploratū, et quàm multis adula-  
 torū illecebris atq; corruptelis expo-  
 siti sint reges, præsertim ætate mino-  
 res, non ignorabat. In hunc ergo li-  
 brū, quicquid est optimorum præ-  
 ceptorum comportauit, & singula-  
 rem quandam rationē secutus, quæ  
 superioris ætatis atq; etiam nostri  
 sæculi uiri docti tradidissent, non  
 sibi

sibi putauit huc accumulanda, sed  
 praesenti rerum conditioni atq; tem  
 pori totum accommodauit sermo  
 nem, & quod usu compertum habe  
 ret, diligētissimè explicauit. Et quan  
 quam Galliae regi peculiariter haec  
 scripta uidentur, tamen ad omneis  
 equè reges pertinent. Sunt enim res  
 ges omnes monarchæ, paucis qui  
 busdam exceptis, & sicut nullius im  
 perium agnoscunt, ita quoq; sum  
 mam merentur laudem, quando le  
 gum uincula, quibus populum co  
 ercent, sibi etiam induunt ipsi. Hæc  
 autem sunt ea, de quibus ille oratio  
 nem instituit, officia, quæ regē prin  
 cipemq; uirum decent, quæ si negli  
 gat, neque lege se putet ulla teneri,  
 splendorem atq; gratiam omnem,  
 & decus & nomen ipsum regium a  
 pud uiros bonos amittit. Tribus au  
 tem uinculis author, quicquid est of  
 ficij, quod regem oporteat præsta

P R A E F A T I O.

re, complectitur, Religione, Iurisdictione, Politia, & hæc quidem ordine tractat, ipsæq; totum librum absoluit. Quod secundum est atq; tertium, adeo copiosè, dilucidè, prudenter explicat, ut cuius etiam, mea sententia satisfecerit: ad primum uerò quantum pertinet, erunt fortasse, qui nonnihil in eo desiderent. sed his cogitandum est, qua uixerit ætate. Scripsit enim hæc ante annos circiter triginta treis, cum in densissimis adhuc tenebris, & illo, quem Plato describit atq; fingit, specu detinerentur hominum mentes. Quod igitur ille scribit, religionem esse regibus diligenter colendam, & hæresim omnem profligandam, & Ecclesiastici ordinis homines in honore habendos, & Apostolicam Ecclesiam præcipuè colendam & obseruandam: uera sunt ista, si recte quis accipiat. Ille quidem, ut tum fuit rerū status, intellexit,

intellexit, quemadmodum & hodie complures intelligunt, qui Deum existimant, unum aliquem locum atque personam in Ecclesia uoluisse præ cæteris eminere & esse illustrẽ. Nos autẽ uerẽ ac generatim de rebus atq; personis omnibus interpretemur. Nam & religionem reges colere debent, & hoc officiũ inprimis requirit ab ipsis Deus: ut autem uera sit, non fucata, non ambitiosa religio, sed talis, quæ Prophetarum & Apostolorum habeat testimonium perpetuum & immutabile, prouidendum est ipsis. Hæresim nullam reges aut falsum dogma suos intra fines admittent: recte. quæ sit autem hæresis, ut nunc quidem est eius uocis usurpatio, non ex uulgi, uel eorũ qui suspecti sunt, clamore ac præiudicio statuent, sed ab ijs libris iudicium petent, qui testimonium ac suffragiũ habent ipsius Christi, quod  
à spiritu

P R A E F A T I O.

à Spiritu illo ueri commōstratore dī  
ctati sint, ut ad omnem uitam no-  
bis praeluceant. Viris Ecclesiasticis  
honorem deferent reges: pulchrè,  
si faciant quod est ipsorum profes-  
sionis & ordinis. Nam alioquin ut  
regis est, doctos et pios Ecclesię præ-  
fectos amore ac beneuolentia com-  
plecti, sic etiam eius est providere, ne  
quid populus aliena culpa detrimēti  
accipiat. Ecclesię, uel ut nunc loquū-  
tur, sedī Apostolicę primus atque  
præcipuus debetur honos, inquit il-  
le. Audio: sed ad persuadendum rem-  
tantam, nullum adduci possit ar-  
gumentum efficacius, quàm si eius-  
modi doctrina & uitæ sanctimonia  
& disciplinę seueritas conspiceretur  
in ijs qui huic loco præsunt, qualis  
fuit in his, qui Siluestrum eius no-  
minis primum antecesserunt. Ex ijs  
enim, ut quisq; fuit & doctissimus  
& innocentissimus, ità minime ho-  
norem



norem hunc affectauit. Hæc igitur et id genus loca huic libro admixta, neminem offendant, sed commodè interpretemur: ità nihil erit absurdi. Id autem eò magis faciendum est, quòd ipsemet author, sui temporis inscitiam & luxum & ambitionem grauiter reprehendit, & quàm nullus officium suum faciat, demonstrat, & reges ipsos inculcat, quòd indignos populi curæ præficient, quòd ambitio, fauor, gratia, corruptela, primum locū sibi uendicant in hisce rebus, non secus imò plus etiam quàm in ciuilibus præfecturis. Cum igitur ad eum, de quo dixi, locum, uenietur, non erit subsistendum, sed quæ sequuntur, antecedentibus accommodare oportet. Satis enim magnam laudem meretur, quòd eo tempore tantum & uidit & ausus fuit pronunciare. Atq; his ego de causis optimum scriptorem è Gallico

# P R A E F A T I O:

lico sermone Latinum feci, ac tuo  
 potissimum nomini, rex Eduarde,  
 dicandum esse putavi. Quamuis es  
 nim pulcherrimi regni possessio ac  
 hæreditas, à patre tibi relicta sit, ta-  
 men hoc nomine cum primis es be-  
 atus, quòd in hac tenera ætate, illa  
 quæ uerè sunt et dicuntur bona, tibi  
 comparas, eruditionē, optimarum  
 què rerum scientiam. Accedit, quòd  
 eum habes à patre tibi datum custo-  
 dem ac moderatorem, qui propter  
 insignem uirtutem ac studium pie-  
 tatis, maximam est, apud exteros et-  
 tiam, consecutus famā. Quod cum  
 ita sit, elaborandum est, ut quas do-  
 ces & adiumenta & præsidia tibi lar-  
 gitus est deus, naturæ, ingenij, fortu-  
 næ, educationis, ea omnia semper ad  
 nominis ipsius gloriā & populi tui  
 salutem conuertas. Plura non dicā,  
 neq; prolixius exhortabor, ne tuis  
 doctoribus, ornatissimis uiris præ-  
 scribere

scribere aliquid uidear. Hoc unum  
 peto, ut ijs, quos mitto, libris, Comi  
 nœo atq; Sefellio, quorum unus est  
 historicus, alter politicus, & nunc  
 aliquid temporis impendas, quan  
 do studijs literarum totus es addi  
 ctus, & in posterum, ubi grandior  
 factus, rempub. ipse gubernabis, ut  
 truncq; tibi familiarem facias. Nec  
 enim poenitebit operæ, & nescio an  
 ulli extent Gallicè conscripti libri,  
 cum his conferendi. quod & ipse,  
 cum maius accesserit iudicium, alio  
 quando sic arbitraberis. Vale.

Argentorati, mense Iu  
 nio, Anno Do  
 mini, M. D.  
 XLVII



1.  
CLAVDII SESELI

lij. de Republica Gallie, & Regum  
officijs, Liber primus.



MISSIS PHILOSOPHorum prolixis disputationibus, rem ipsam statim aggrediemur. Administrandæ ergo reipublicæ tria sunt genera, quum uni tantum rei summa permittitur, Monarchiam; quum pluribus atque præcipuis populi, Aristocratiam: ubi uerò multitudinis est imperiū, Democratiā uocant. Ex ijs optimum statum esse putant, Monarchiam, quando princeps est uir bonus & prudens & reip. amans. Quia uerò difficillimum est in tanta potestate, seruare æquitatem: alterum genus, quod est optimatum & hominum delectorum, uidetur esse præstantius & tolerabilius, & firmiore fundamento subsistere, quando uidelicet ex omni multitudine ij præficiuntur, qui uirtute & ingenio maximè antecellunt. nam qui sunt in his uitiosi, reliquorum imperio facile coercentur. Tertium genus,

b

quod ad promiscuum uulgus pertinet, semper habitum est tumultuosum, & periculi plenum, & uiris praestantibus inimicum. Fit autem, ut Aristocratia commutetur in Oligarchiam, qui paucorum est dominatus, quando ex optimatibus & primis ciuitatis pauci quidam, uelut cōiuratione facta, honores & emolumenta omnia inter se partiuntur, & suas priuatim fortunas amplificare student, neglecta communi utilitate, quam solam & in primis curare debebant. Relinquitur ergo, ut ex tribus nullum genus sit perfectum atq; perpetuum. Temporibus enim omnia mutantur & deteriora fiunt, ac tunc in primis, cum augeantur & maximè florent. neq; rarò fit, ut perturbatione quadam alterum alteri succedat. Exemplo est respublica populi Romani, quæ totius orbis terrarum longè fuit amplissima. Eam initio gubernabant reges, inde consules, postea decemui, sed & tribuni plebis, ac postremo Cæsares. Consulium autem atq; Senatus imperium ceteris fuit praestantius & diuturnius. Tunc enim aucta fuit ciuitas perpetuis incrementis. cuius rei causa fuit, mixta & bene temperata gubernatio.

## LIBER PRIMVS.

natio. Consules magnam in plerisque re-  
 bus auctoritatem obtinebant, præse-  
 rim foris, deinde senatus, qui ex opti-  
 mis lectissimisque uiris constabat, summā  
 rerum moderabatur, & tanquam guberna-  
 tor nauis, clauum tenebat, & quicquid  
 alicuius esset momenti, ad eius cogniti-  
 onem pertinebat, Populo etiam sua con-  
 stabat dignitas in suffragationibus &  
 distribuendis muneribus publicis: item,  
 cum de pace, bello, & id genus alijs re-  
 bus aliquid statuendum erat. eaque de  
 causa creabantur tribuni plebis, quorum  
 sine consensu ac uoluntate non erant fir-  
 ma senatusconsulta, in eoque senatus ac  
 populi imperio, potissima pars orbis  
 terrarum in ipsorum ditionem peruēnit.  
 Erramen, si quis omnia diligenter ani-  
 maduertat, comperiet non fuisse perfe-  
 ctissimam reipublicæ formam. Ex mul-  
 tis unum recitabo, quod parum ab eis pru-  
 denter constitutum, labefactauit amplis-  
 simum imperium, & ad unius domina-  
 tum denuo perduxit, qui et ipse tandem  
 concidit, ac uix nomen adhuc suum tue-  
 tur. In initio, post electos reges, quum sena-  
 tus atque nobilitas nimis magnā sibi po-  
 testatē arrogarent; populus qui nullo se

re in numero tumerat, grauissimè concitatus ob sui contemptum, secessionem ab illis fecit, & imperium detrectabat, neq; prius reconciliari potuit, quàm sui quoq; ratio haberetur, & ut placari posset, multò plura senatus illi, quàm oporteret, concessit. ex quo deinde fonte manarunt dissensiones omnes atq; discordiæ ciuiles, quæ perpetuæ fuerunt, sic, ut etiam exortis bellis contra finitimos, uix conquiescerent. quod in regum imperio nunquam acciderat. Sicut enim cōparatum est, ut homines uni soli multò libentius quàm pluribus obtemperent, quibus sese putant esse pares. Iam, si paululum modò ipsis tribuatur, sensim plura sibi sumunt, ex eoq; magna post oritur perturbatio, quod in populari statu urbis Romæ scimus accidisse, ubi nimium plebs lasciuebat, tum propter tribunorum potestatem, qui optima sæpe consilia euerterunt, tum propter publicorum munerum distributionem & ius suffragiorū, quoties de rebus arduis discernendum aliquid erat. Nam his in rebus omnibus plurimum poterant largitiones atq; factiones. quò fiebat, ut qui donis & pollicitationibus multum ualerent,



rent, ij uiris bonis & reipublicæ studio-  
sis præferrentur. Hí deinde recuperan-  
di causa quod profudissent, & ut ad lar-  
giendum suppeterent copiae, socios &  
amicos populi Romani expilabant, &  
belli præfectis atque militibus, ut idem  
facerent, permittebant, partim emerendi  
favoris causa, partim metum, quod in  
eadem ipsi essent culpa. Sic igitur uitiata  
fuit & omnino dissoluta uetus reipubli-  
cæ forma, quam integerrimi prudentis-  
simique uiri olim instituerant, & multis  
sæculis, ad posteros, ueluti per manus  
deductam, seruauerunt incontaminatam,  
donec auctis tam priuatis quam publi-  
cis facultatibus, omne uitiorum genus  
paulatim inundaui, & ciuilibus bellis  
materia subministrata fuit. Nam qui  
uirtute & meritis non poterant hono-  
res atque dignitates in repub. consequi, ij  
multitudinis cupiditati & auribus ser-  
uebant, & multa communis utilitatis  
mentionem facta, hoc solum spectabant,  
ut plebem in senatum inflammarent ac  
ipsi, per eam occasionem oppressis alijs,  
regnum occuparent. Hanc rationem se-  
cuti sunt Gracchi, legis Agrariæ inuen-  
tores, quæ magnas excitauit turbas, ex

eaq; postea natum est illud inter Marium & Sillam, dissidium, quo uehementer fuit afflicta respublica. Nam & disciplina omnis militaris, et senatus potestas, quam in belli duces atq; legiones habere consueuerant, hoc ipso interiit, eoq; deductares fuit, ut qui uiribus et armis plurimū possent, ij suo arbitrio remgerent, non militiae tantum, sed domi quoq; & in urbe, neq; iam senatui parerent, et quos inimicos sibi crederent, eos omni genere acerbitatis diuexarent. Fecerunt hoc Sylla, Marius, C. Caesar, & eo sublato, Marcus Antonius, Lepidus, Octauianus, triumuiroi, et hic quidem suos collegas non destitit persequi, donec ipsis euersis, imperij summam ad se unum traduxisset. quo quidem in principatu multa designauit in perniciem reipublicae, ac ipsius exemplum secuti sunt postea reliqui propè omnes Caesarres. Hec igitur incommoda nata sunt in illo populari reip. Romanae statu, eaq; non pauci prudentes ac docti uiri, multo ante quam accidissent, preuiderunt, & scriptis quoq; sunt testificati, sed impendentibus malis non potuerunt mederi. Is igitur quem dixi, status, quamuis sit mixtus, non

rtus, non potest esse perfectus, quando  
 summa rei est penes multitudinem, ac  
 longè prestat Aristocratia, cuiusmodi ui  
 detur esse Venetorum respublica, quam  
 certus primorum ciuium numerus ad  
 ministrat, in eaq; summus presidet Ma  
 gistratus, quem Ducem appellant, quod  
 ipsum ad Monarchiã aliquo modo per  
 tinere uidetur. populare uerò nihil est  
 ibi. Nec enim ullam ibi potestatem plebs  
 obtinet, uerum senatui paret in rebus o  
 mnibus, & seueris coercetur legibus  
 atq; decretis. Hac ratione in tantam cre  
 uit amplitudinem ea ciuitas, & contra  
 potentissimos sæpe principes imperium  
 suum ad hoc usq; tempus defendit. Nec  
 enim perfectiorem remp. ulla uidit æ  
 ras, & qui rationes ipsorum perspexerit,  
 idem quod ego, sentiet. Neq; tamen est  
 nihil quod ibi desideres, & illud quidẽ  
 tanti momenti, ut & in summis aliquan  
 do fuerint angustijs ob hoc ipsum, et de  
 incept quoq; esse possint, nisi caueant.  
 Nam sicut corpus humanũ ex quatuor  
 cõstat elementis atq; humoribus inter se  
 contrarijs, et quoãd rectè se aggregaue  
 rint illi, ualeitudinẽ tuetur & auget etiã,  
 paulatim uerò, cũ exijs unus aut alter his

Xuriari cœpit, quod temporis loginquitate fieri necesse est, in ægritudinem incidit ex illa dissociatione & inæqualitate, cunq̃ unī membro medicinam facimus, alterum lædimus: ad eundē quoq̃ modum, humana societas, quam ciuitatem appellamus, & corpus reipublicæ aggregatū ac cōstitutum legibus, initio quidem crescit & amplificatur, post, ubi ad summum euasit, in eodem statu cōsistit aliquandū, tandem uerò propter dispārem & contrariā eorum, ex quibus cōstāt, naturam, instituta, mores, dilābitur & planē corruit. Vulgò numerari solent quinq̃ gradus humanæ uitæ, infantia, adoleſcentia, uirilī ætas, senectus, & ætas decrepita. Hunc ad modū uiri quidam docti partiti sunt imperiū Romanū, & cerē cuiuslibet ciuitatis aut imperij cōsimilis uis detur esse conditio. Atq̃ ut ad institutum reuertāmur, sunt in repub. Venerum, quæ nisi emendentur, allatura sint aliquando multum incommodi. Ex ijs præcipuum est, quod soli nobiles, munera publica, in quibus aliquid est dignitatis & emolumentī, omnia ferē, aut maximam illorum partem obtinent,

quod res

Quod reliqui ciues, in quibus plurimi sunt facultatibus & ingenio præstantes, grauitè ferunt, eoq; magis, quò nunc est amplior factus nobilium numerus. Qui uerò in reliquis ipsorum ditionis oppidis habitant uiri nobiles, nullo ferè sunt in numero, & publicè minimum possunt. quod eò uidetur institutū esse, ne si cum imperio sint, motum aliquem excitent. Iam, qui Venetias incolunt ciues, consequendi aliquod munus aut præfecturam, spem nullam prope habent, eò quòd aucto, ut diximus, nobiliū numero, uix satis est, quòd in hos distribuatur. Alterum est, neq; parui id momenti, quòd cum in continente bellum est gerendum, rei summæ præficiunt externos, non autem suæ gentis homines. ueriti, ne qui exercitum habeat in sua potestate, regnum occupet & dominatum inuadat. Natura quidem illi & uitæ instituto plus mercaturæ student quàm scientiæ bellicæ. quò fit ut pauci reperiantur in re militari præstantes. Verum in eo quòd diximus, hoc est malè: quòd externi, quos mercede conducunt, non æquè sunt erga rempub. affecti atq; ciues, quorum ibi salus agi-

tur. Et quanq̃ imperatori semper adiungunt legatos, quos sua lingua prouisorum belli summa redit, & quorum absq̃ uoluntate, nihil ille, quod alicuius sit momenti, constituere potest, tamen non est idoneum istud remedium. Nam quoniam hi, quos diximus, legati, plerunq̃ sunt homines imperiti rei militaris, per facile est, ut grauissimè errent. Deinde, exercitus imperatores, quum illorum se potestati deuinctos, & ipsis parendum esse uident, non ea sunt alacritate, neq̃ fidelem operam præstant, & indignitate quadam commoti, non raro cupiunt malè rem administrari, eiusq̃ rei documenta quædam proferri possint. Sed & inter nobiles ipsos existunt simultates. Nam qui originem ducunt ex primis illis rei pub. authoribus, n̄ multò se debere præferri putant alijs, qui postea sunt in eum ordinem allekti, ac nunc multitudine superant. Hæ duę factiones, de dignitate, deq̃ potioribus reip. præfecturis ita contendunt, ut sæpe graues inter ipsos oriantur offensiones, dum suis cupiditatibus plus quàm utilitati communi seruiunt. Nam animi perturbationibus æque

quæ ac reliqui homines, adficiuntur. Quamuis aut nullum adhuc ex ea rema-  
 gnum incōmodum hactenus apud illos  
 extitit, quod prudentiæ quorundam &  
 eximiæ uirtuti tribui debet: tamen me-  
 tuendum est, ne tandem, ubi corporis hu-  
 mores, ut antea demonstrauius, nimis  
 uum aucti fuerint atq; corrupti, morbus  
 sese prodat, & adeo quidē uehementer,  
 ut medicinæ non sit futurus locus. Et hæc  
 quidem non eò pertinent, quasi aut meū  
 sit, aut mihi sumam, aliquid in ipsorum  
 repub. uituperare: quæ, meo iudicio,  
 longè est omnium præstantissima, eius  
 quidem generis; sed ut demonstrem, fie-  
 ri non posse, quin eiusmodi in statu atq;  
 forma reipublicæ, præsertim si ampla sit  
 ciuitas, plura, quàm in Monarchia, de-  
 siderentur. Nam singularis aliquis, qui  
 solus rerum potitur, facilius mederi po-  
 test incommodis, quàm multi simul gra-  
 du & dignitate pares. natura etiam com-  
 paratum uidemus, ut unum aliquē excel-  
 lenti dignitate, plus reuerentur & ob-  
 seruent & metuant homines, quàm coā-  
 ctum aliquem numerū delectorum, qui  
 tempore cōmutantur. Ratio quoq; præ-  
 scribit, in omnibus rebus ad unum ali-

quem

quem, uelut ad caput atq; fontem neces-  
 sario confugiendum, & rem esse ple-  
 nam incommodi atq; periculi, cum plu-  
 res simul imperium obtinent. quineti-  
 am doceri potest, Monarchias, etiam si  
 uel interitu principum, uel alio quopi-  
 am humano casu fuerūt immutatae, diu-  
 turniores fuisse & tranquilliores, quā  
 uel optimatum uel popularem statum,  
 ut in Afsirijs & Aegyptijs, & Parthis,  
 imò, ut propioribus utamur exemplis,  
 in Britannia, Hispania, Gallia uidemus,  
 quibus sanè prouincijs nullae aliae res  
 publicae, temporis longinquitate con-  
 ferri possunt. Deinde, quae regna succes-  
 sionis aut haereditario iure transferun-  
 tur, multo magis florent, his, ubi suffra-  
 gijs & optione res agitur, ut in Imperio  
 Romano satis apparet. Cuius rei haec  
 est causa, quod malis ferè artibus pla-  
 riq; ad fastigium illud enituntur, & uim  
 saepe faciunt, quod non semel accidisse  
 constat, quum Cæsare mortuo, nouus  
 erat deligendus. Ac faceret Deus, ut non  
 eisdem artibus ad Pontificiam digni-  
 tatem, aliosq; honores Ecclesiasticos,  
 ubi sola uirtus locum habere debet, mul-  
 ti contenderent. His igitur alijsq; de cau-  
 sis,



sis, quas uitandæ prolixitatis gratia prætermitto, satis constare puto, unius imperium multò esse reliquis præferendum. Galliam uero cæteris regionibus præstare, ac non solum ad diuturnitatem, uerum etiam ad incrementum & amplificationem, optimè esse constitutam, demonstrabo, si nonnulla, de quibus postea dicemus, emendentur, quod est factu non difficile. Et primo quidem singulare est illud, quòd ad solos masculos Galliæ defertur imperium. Salicam uocant eam legem, qua istud cauetur, & optimo quidem consilio. Si enim foemine succedant, fieri posset, ut in externi aliquis potestatem rerum summa perueniat, in quo permultum sit futurum incommodi. Nam is cum & educatione & moribus & lingua & ingenio differat, à natura ipsa diligere quodammodo cogitur, & in rebus omnibus præferre, suæ nationis homines, ipsæ quoque honores & præfecturas & ubi cunq; est aliquid emolumenti, communicat. qua quidem ex re necesse est, graues oriri offensiones, ac inuidiam, tum multitudinis, tum nobilitatis. Cum uero soli masculi locum habent, certus ac perpetuus est hæres,

res, quoniam qui genere proximus est, is indubitato succedit, eūq; populus reueretur & colit, ut magistratum suum legitimum, etiamsi remotiori gradu distet ab eo, qui decessit: quod nuper uidimus mortuo Carolo octauo atq; etiam Ludouico duodecimo. Et quantū superioribus annis, ac paulò supra hanc memoriā, uehementissimę dissensiōes grauissimaq; bella uident ob eam rem extitisse: tamē non obscurū est, eam causam, quòd ueri similitudinem aliquam haberet, obductā tunc fuisse. Nam & ius tandem obtinuit, eoq; res deducta, & legibus ad eum modum est cōfirmata, nihil ut posthac turbæ sit idcirco metuendum, nulla etiam ut dubitatio residere deinceps possit. Atq; ut doceam, quod facturum me dixi, Galliam prudēter ac bene præ cæteris gubernari: præsentem reip. statum, ac ueteres etiam leges, quibus usa fuit, explicabo. Illud inprimis magni est momenti, regiam potestatem, ac reliquos omnes regni ordines, adeo cōmodis et equis rationibus inter se deuinctos esse, ac uelut coagmentatos, uix ut ullum possit inter ipsos magnū dissidiū oriri. Scio equidem nihil esse

hil esse firmum, nihil perpetuū in rebus humanis, & fore uti regnum hoc quantumuis amplum ac potens, aliquando corruat, quod omnibus alijs imperijs euenisse constat, ut supra diximus: uerum ut homines, quò sunt meliori corporis cōstitutione, et quò sunt in uictu temperantiores, eò firmiori utuntur ualitudine; ad eundem quoq; modum, regna, quò prudentius administrantur, & quò melioribus utuntur legibus, eò consistunt diutius. Atqui in Monarchijs, ubi successionibus est locus, ut in Gallijs, plena detrimenti uidetur esse illa principum mutatio. Fit enim sæpenu-mero, ut præstantissimo regi succedat aliquis ineptus & uitiosus, aut etiam ætate puer, in quorum utroque multum inesse potest incommodi, uel propter illius, qui solus imperat, uel eorum, qui tutorio nomine rempublicam procurant, nequitiam. In eum uero casum res deuenire solent, cum Deus aliquam prouinciā, pro ipsius merito atq; scelere, ulcisci constituit. quod ubi fit, nullus est amplius humanæ prudentiæ aut rationis locus, ac tunc ferè solet euenire, cum regna maximè florent, cum ad  
summam

summam foelicitatem & amplitudinem  
 excreuerunt, & cum propter potentiam  
 nihil eiusmodi metuitur. quod eò fit, ut  
 homines securi, ac uelut ebrj dulci for-  
 tuna, rerum humanarum mobilitatem,  
 inconstantiam & imbecillitatem perspi-  
 ciant, & Deum reuereantur, à quo salus  
 & interitus rerum omnium dependet.  
 lam, si qua eiusmodi tempestas nobis  
 metuenda sit in Gallijs, quod Deus a-  
 uertat, in promptu sunt remedia, quib-  
 us & regem immoderatè dominātem,  
 & eius, qui per ætatem regere non po-  
 test, nutritios & procuratores, coërcea-  
 mus, ità quidem, ut regi constet sua dis-  
 gnitas, & non quod libet, sed quod iuri  
 ac æquitati consentaneum est, ei liceat.  
 Optimis enim legibus sanctissimisque  
 decretis huic rei prospectum est, quæ  
 nō nisi magno negotio uiolari possunt.  
 tametsi uis nonnunquam intentatur.  
 Sunt autem tres tanquam freni, quibus  
 Galliae regum summa potestas tempera-  
 tur, Religio, iuris dictio, & politia. Ad  
 primum quantum pertinet, Galli semper  
 præ cæteris ualde fuerunt dediti re-  
 ligionibus etiam tunc, cum Dei nullam  
 haberent noticiam, & Druides, qui ipso-  
 rum

rum erant sacerdotes atque pontifices, præcipuam habebant auctoritatem, ut Cæsar commemorat. Vbi uero Christi doctrina cœpit innotescere, primi omnium inter longinquas nationes, eam sunt complexi, & semel admissam magno studio tuentur ac retinent, in hodiernum usq; diem, nec ullam patiuntur hæresim apud se residere aut inueterascere, quod & Hieronymus memoriæ prodidit. Et adeo quidem in hac parte cæteris antecellunt, ut et Britanni et Germani et Hispani suas Ecclesias ad Galliæ præscriptam atq; regulam non semel constituerint ac emendarint. Nostrorum quoq; regum semper maximè fuit insignis ac memorabilis diligentia & assiduitas & ardor in profligandis hereticis & defendenda Ecclesia: & ad hoc usq; tempus reliquæ nationes omnes, Luteciam Parisiorum, uelut ad uberrimum fontem, confluunt, discendæ causa religionis, ac his, quas dixi, de causis, Christianissimi cognomen, est huic regno attributum. Qui igitur acceptus esse populo, suumq; studium illi uult approbare, hunc oportet religionis diligentissimum esse custodem. Nisi enim hoc interueniat pos-

puli de ipso iudiciū, minus amant, & inuitissimi dicto sunt audientes, & si qua calamitas regnum affligat, totum hoc regis tribuunt impietati, ut non semel est compertum, tametsi nonnunquam in alijs potius quam in regibus culpa residere solet. Cum autem ad præcepta religionis uitam accomodat, nihil agit superbe, nihil auare, nihil iniuste: sin minus, iam cuius Episcopo uel Ecclesiastici ordinis homini, qui sit inculpatae uitæ & acceptus multitudinī, reprehendere illum & palam admonere sui officij concessum est, absque ullius metu periculi, quandoquidem regi uerendum est, ne si quid grauius in illum statuatur, populi uoluntatem alienet. Eiusmodi libertas nullo est, in alio regno, quod sciam, aut certe non æquē magna. Sed à paruulis & ab ineunte ætate reges ita ferè instituuntur, ut et Deum reuerentur, & ordinem Ecclesiasticū in honore habeant. Atque ista religionis opinio, cum uidelicet persuasum est uulgò, principem uti propitio Deo, magnam ipsi beneuolentiam atque gratiam apud omnes conciliat. Alexander Macedo, qui propter rerum gestarum amplitudinem appellatur

pellatur Magnus, Ioue parente natum  
se prædicabat. Qui per Græciam olim fu-  
erunt fortissimi duces, originem suā ad  
Deos referebant. Numa Pompilius, al-  
ter Romanorum rex, quia colloquiū si-  
bi esse cum Aegeria Dea fingebat, mul-  
tò obsequentiorē populum in rebus o-  
mnibus effecit, quā Romulus ui ar-  
morū et disciplina militari. Scipio A fri-  
canus idem fecisse dicit. Ex his uero, qui  
Christi doctrinā sunt professi, Constan-  
tinus & Theodosius, & Carolus Ma-  
gnus et alij quidam scelicissimos habue-  
runt progressus, et fortuna sunt usi maxi-  
mè secunda, quod religionis nomine ac  
opinionē multitudinē erant cōmendati.  
Reges igitur Gallie, quia persuasionem  
istam populi uident suis rebus esse ne-  
cessariam ad deuinciendos animos, eti-  
amsi fortè natura & sponte sua minus  
ad pietatem inclinent, tamen diligenter  
cauere solent, ne quid publica repre-  
hensione dignū admittant. Et hoc qui-  
dem est primum, ut dixi, frenum, quo re-  
gū suprema potestas inhihetur. Alterū  
est, iuris dictio, quæ in Gallijs maxime  
uiget, ideoq̃ sunt instituti Senatus atq̃  
iudicia, quæ nostra lingua uocantur par-

lamenta, ut ne plus, quàm iure concessum est, illis liceat. Eorum enim iudicum is est numerus, eaq̃ potestas, ut decretis ipsorum rex quoq̃ pareat, & in controuersijs aliquando causa cadat, neq̃ suis aduersarijs, quibuscum sitigat, præiudicare possit. Ab his etiam expendantur literæ regis ac intercessionēs, & si quid est in ijs uitiosum aut suspectum, repudiantur. Quantum ad crimina & maleficia pertinet, etiam si rex alicui ignoscat & poenam remittat, tanta est tamen illorum in his rebus seueritas, ut spe impetrandę gratiæ, nemo ferè audeat aliquid grauius designare. Quamuis enim uicti aliquando regis autoritate, nimioq̃ fauore, dissimulare & actionē intermittere cogantur: tamen ubi fauor ille paulatim desijt, eum qui deliquerit, grauius multò puniunt, quàm si intercessionem nullam obtinuisset. Accedit, quòd perpetua est ipsorum functio, & nisi propter atrox aliquod facinus non remouentur loco. quod cum obijcitur, ad reliquum senatum eius rei quæstio defertur. Quòd si forte non seruata curis formula, de gradu quis deijcitur mandato regis, tum qui uel detulit, uel qui locum

cum



tum alterius uacantem occupauit, non est quòd solidum sibi gaudium illud polliceatur. nam ut sui facti rationem accuratissimam aliquando reddat, oportet. Quò fit, ut propter hanc muneris perpetuationem, quando sciunt, nihil sibi posse, præter sua ipsorum maleficia, fraudi ac detrimento esse, maiori tum fide tum diligentia ius reddant. Est igitur summa per Galliam, ut diximus, auctoritas iuris, quæ flecti quidem & uariari gratia fortasse potest, euertere autem & aboleri tota non potest: tametsi habeat suas maculas atq; uitia, quæ certè requirunt emendationem, ut est rerum mortalium conditio. Tertium frenum est, uti demonstrauius, politia. Hæ sunt leges atq; decreta, quæ Galliæ reges, alij post alios, fecerunt ac confirmarunt singulis temporibus, neq; temere illis derogant: ac si faciant, populum non sint habituri obsequentem, in primis, quantum attinet ad ipsorum, hoc est, regni Galliæ, patrimonium, quod ipsis alienare non licet, nisi magna cogantur necessitate, quæ multa senatus deliberatione a deo curisq; examinatur & disquiritur, ut propter incertitudinem uenditionis, pauci

earum rerum aliquid sibi emendū, & sub-  
 beundum esse periculū putent. Quamvis  
 enim regibus concessum est uti frui pos-  
 sessionibus ac facultatibus regni, suo ar-  
 bitrio: tamen omnium expensarum ratio-  
 nes referuntur ad quæstores ac ærarij  
 præfectos, qui illos minuendi potestatem  
 habent, si uel immoderatos esse uel in-  
 utiles cognouerint. quod summa profes-  
 sio equitate nititur, et cōmunem utilita-  
 tem attingit. Nisi enim conseruentur &  
 recte distribuantur publica regni decri-  
 galia, & annui prouentus, iam olim re-  
 gibus attributi, necesse est, cum bellum  
 aut aliqua uis maior incidit, ut popu-  
 lus magno suo detrimento pecuniam  
 conferat. hoc igitur, ueluti freno, ni-  
 mia regū liberalitas coercetur. Mul-  
 tæ quidem sunt aliæ regni nostri leges,  
 quas breuitatis causa non recito, ac fa-  
 tis est mihi, præcipua illa dixisse, qui-  
 bus regū authoritas temperatur. quod  
 ad ipsorum laudem imprimis pertinet.  
 Nam si quiduis possent, multo essent  
 imperfectiores: ac sicut Deus omniv-  
 potens, non idcirco, quia peccare non  
 potest, iudicatur esse minor, sed illu-  
 strior sit eius, hoc ipso, & admirabilio-  
 perfectio

perfectio: sic etiam reges, quum suis ipsi legibus obtemperant, multò maiorem laudem merentur, & ad perfectionem propius accedunt, quàm si ad nutum ac uoluntatem suam iubeant omnia fieri, & ad hunc modum temperata ipsorum potestas, proximè ad Aristocratiam accedit, & firmitus consistit. Sunt in Gallijs etiam tres præcipui ordines, Nobilitas, populus, uulgus. Hi singuli, pro sua quisque conditione, suas habent, leges ac instituta, quibus utuntur, & adeò commodè sunt inuicem aggregati, ut ægrè facultatem habeant, alij alios opprimendi, aut etiam aduersus regem coniurandi. De Ecclesiasticorum ordine postea sum dicturus. Nobilitas igitur Galliæ siue equestris ordo maximis fruitur commoditatibus ac priuilegijs, eoq; sit, ut magno quodam affectu regem complectatur, et uitam quoq; pro ipsius ac patriæ salute profundant. Nec enim ullum pendunt tributum, et armatis licet ipsis esse quocunq; loco, & multa habent uitæ præsidia, sic ut non sit opus, illiberalem aut quæstuariam aliquam artem exercere. Hoc enim nostris moribus minime illis conceditur, nisi for-

te domi mancant, ac rei familiari studeant. Sed si regem sectari uelint, habent quo se honeste alant. Plurima enim sunt domus & aule regiae ministeria, quæ solis nobilibus attribuuntur, qui singuli, partem aliquam anni, in ijs procurandis consumunt, & reliquum tempus uacuum habent ac liberum rebus priuatis atque domesticis administrandis. Hi omnes annuum accipiunt à rege stipendium, & ampliora sperandi magnas habent occasiones. Principes autem uiri, ac maioris dignitatis procures, quoniam & ipsi regis beneficentiâ experiuntur, ac partem reipublicæ procurant, nobilibus, qui sunt rei familiari minus lauta, uictum & alia sæpe communicant. Deinde, reges perpetuum alunt & amplissimum equitatum, exercendæ & alendæ causa nobilitatis, ac in tanto equitatus numero, plurimæ sunt præfecturæ, quæ in illos distribuuntur, eaq; ratio non minus pacis quàm belli tempore durat. Maioris quidem loci nobiles, pro sua quisq; conditione ac uirtute, præficiuntur equitibus: ex reliquis autem alij sunt legati, alij signiferi, alij equites cataphracti, alij sagittarij, & qui per ætatē nō possunt

sunt ferre arma, reliquis famulantur, & cum nullum intercedit bellū, licet ipsis manere domi, suisq; stipendiū partem nō mediocrem parsimonia conseruare. Ad hæc, nemo credat, quā multæ sint per Galliam præfecturæ, ut sic dicam, urbana, quæ soli nobilitati committuntur. nam alij prouincijs, alij ciuitatibus, alij oppidis, alij finibus, alij castellis & arcibus, alij uicis præficiuntur, ut interim nihil dicam de maioribus illis muneribus, quæ principibus tantum tribui solent, cuiusmodi sunt, qui nostra lingua dicuntur, Connestablij, Marecalli, Ammiralij & id genus alij, Sed & annuā pecuniam, uelut honorarium quoddam, reges, liberalitate quadam elargiri solent in multos nobiles, qui nulli sunt addicti ministerio: hi appellantur nostra lingua, pensionarij. Satis igitur ex his quæ diximus apparet, ordinem equestre ualde honeste & liberaliter in Gallijs haberi, & recte quidem. nam & patriam ab hostibus defendunt, & natura ferè ceteris antecellunt, et nō solum ipsis, uerum etiam maiorum ipsorum meritis atq; uirtuti istud tribuitur. Alter ordo suas etiam habet commoditates, non

exiguas. ad hunc pertinent mercatores, qui eò faciunt maiorem quæstû, quòd tu tò ipsis per Galliam proficisci ac negociari licet, tum, quòd nobiles & mercaturam nullã exercent, & splendidè ferè ac sumptuose uestiuntur. Hæc etiã ordini conueniunt ac ferè tribuuntur quæsturæ & rationes nummaria, item præturæ & quicquid ad iurisdictionē pertinet, qua sanè in re plurimum est honoris ac emolumenti. Sunt enim in Gallia iuris administri, iudices, aduocati causas farum, procuratores, scribæ, & id genus alij, multò plures, mea quidem sententia, quàm in reliquis omnibus orbis Christiani prouincijs, quod per oppor- tunè illis accidit, qui relicta mercatura, his rebus operam nauare uolunt. Et adeò quidē est fructuosus hic ordo, ut nobiles etiã inuideant. quanquam certè dignitate atque splendore reliquis præstant, & qui sunt alterius ordinis, ferè student ad hunc peruenire, ut postea sum dicturus. In tertio genere est uulgus & promiscua hominum multitudo, qui & agros colunt, & omnis generis artificia tractant. Vt autem hi uel nimia utantur libertate, uel admodum sint

sint diuites, uel in armis etiam exercitati, non est consultum. Nam quia conditionem seruitutis oderunt omnes, & natura suas fortunas amplificare student, facile sit, ut arma capiant & potentiores opprimant, quod & in Gallijs & alijs in locis non semel accidisse constat. Ut autem eiusmodi sint ordines, ac ueluti gradus in omni republica, necesse est quemadmodum in corpore humano uidemus infirmiora & ignobiliora membra subministrare dignioribus. Neque tamen est, quod hi suum statum deplorent ac indignè serant, quoniam & ius cōmunicatur ipsis æquabiliter, & quam a maioribus acceperunt, ea utuntur libertate, & multis etiam reipublicæ ministerijs adhibentur, & sola uirtute ac industria & assiduitate possunt ad secundum ordinem emergere, quod secundo non licet, ut ad primum uidelicet euadat, nisi regis beneficio singulari, quod ille solet ijs impertiri, qui aut iam fecerunt, aut pro republica uidentur posse aliquid facere egregiè. Et prout denter quidem istud est institutum. primum, ut ordo conseruetur equester, qui propter belli exercitium fere minuitur,

nuitur,

nuitur, & sumptus uix tolerat, deinde, ut homines tantis excitati præmijs, uirtute contendant & ad superiorem gradum eluctentur. Hac etiam spe confisi qui sunt plebei & infimi ordinis, aspirant ad secundum, & cum in eo uersati fuerint aliquandiu, ad primum. Itaque fit, ut minus sit inter ipsos inuidiæ ac maleuolentiæ, quando uident, meritis ac uirtuti patefactam esse uiam ad amplissimos honores, & propositum esse periculum, si malis rationibus eosdem obtinere studeant. Quod si uel conatus nimium difficilis, uel spes nulla esset ampliora consequendi, tum qui sunt mediocris & infimi gradus, magni præsertim animi, causam reperirent & occasionem excitandi motus, & sui ordinis homines contra potentiores armandi. nunc autem minime difficilis est ratio, & uideamus, quàm multi ex humili sæpe loco ad summum fastigium euadant. Hanc quoque rationem diligenter olim seruabant Romani. nam à populari statu gradum faciebant ad ordinem equestrem, & huic deinde ad patritiam & senatoriam dignitatē patebat aditus. Est præterea ordo Ecclesiasticus, nulli non communis,



munis, qui modo animum huc adiiciat, & pro Galliæ consuetudine non raro accidit, ut etiam homines plebei, uirtute ac eruditione præstantes, amplissimos in eo genere cōsequantur honores, Cardinalatum aliquando, uel Pontificatum etiam. quæ sane res ad uirtutem ac literarum studia homines inflammare potest. Quare ad reipublicæ utilitatem semper existimaui pertinere, ut mos ille seruetur, conferendi sacerdotia & Ecclesiarum facultates ijs, qui suæ diligentiae ac literaturæ documentum aliquod egregium dedissent. Nisi enim ita fiat, potissima pars earum facultatum erit in potestate principum ac Episcoporum, qui suis deinde familiaribus atq; seruulis ea distribuunt: reliqui autem, qui Romæ et apud regem nullos habent amicos atq; sollicitatores, frustra laborem omnem sumunt. Neq; tamen hoc ita uelim accipi, quasi in ea sanctione & lege, quam pragmaticam nostri uocant, nihil sit uitij: non enim hoc mihi summo disputandum: sed quòd publicè mihi profuturum esse uidetur, expono. Vellem equidem inueniri posse aliquam in eo rationem, quæ & reipub. Galliæ, & Romanæ quoq;

quotq; curiæ sit non incommoda, sed plu-  
 ra de eo non sum dicturus in hoc loco.  
 Quæ aut dîxi omnia, eò pertinent, ut of-  
 fendam, quàm aptè & uenuste inter se  
 cohæreant omnes regni ordines, è quib-  
 us si quis aliquid delinquat, facilis est  
 medicina. Nam si nobiles iniuriam cæ-  
 teris faciant, coërcentur ab ijs qui ius  
 reddunt, quorum est tanta authoritas,  
 ut quantumuis magni principes eo-  
 rum cogantur parere decretis. quòd si  
 populus etiam atq; uulgus aliquid mol-  
 atur, ut nonnunq; accidit, non est diffi-  
 cile nobilitati, propter potentiam, & u-  
 sum armorum, illos ad æquitatem & of-  
 ficiũ adducere. eoq; fit ut suarum re-  
 rum finibus ac ueluti cancellis sese con-  
 tineant omnes. ac pacem alijs cum alijs  
 colāt, quando neq; causam habent, neq;  
 facultatem etiã aliquid conandi, &  
 periculum in eo summum esse uident.  
 Itaq; regem tantĩ beneficiĩ authorem  
 complectuntur & amant omnes, ac cum  
 tempus incidit, libentissime impera-  
 ta faciunt, & publicis necessitatibus ma-  
 gno studio subueniunt. Quòd si pri-  
 uatim aliqui ab officio discedant, para-  
 ta sunt remedia, sic, ut malum non pos-  
 sit longè

fit longius progredi. Et hæc quidem satis est dixisse, ut demonstrem quod supra diximus, Galliam optimè constitutam esse legibus. Nunc ad alteram partem uenio, quæ plurimum habet, ut difficultatis, ita etiam utilitatis. nam & quæ sint nostræ reipublicæ uitia, & quemadmodum ea debeant emendari, completur. Ac sane magnitudo rei non unius modo sed multorum peritissimorum hominum sententiam postulat. quod tametsi ita sit, tamen studium & amor reipublicæ persuadent ac propemodum impellunt, ut quicquid & labore & ingenio & rerum tractatione atque usu, multis nunc annis, quos publicis negociis impendi, cognitum atque meditatum habeo, proferam. Nemini uero legem aut modum hic ullum præscribo, sed quod conueniens & utile mihi uidetur, explano, & ijs qui melius rem cognoscunt, iudicium permitto. Et quoniam in eiusmodi republica, qualis est nostra, totum a rege dependet, præcipuum ac summum esse uidetur, ut sit uir bonus atque prudens. Nam si populū habeat obsequentem, facile efficiet, ut quæ bonæ sunt & salutares leges, uigeant atque seruentur.

tur, quæ uerò minus, hæ ut abrogentur ;  
 Deinde, cum rectè uitam instituit, mori-  
 bus & exemplo suo præluceat omni po-  
 pulo, & ad sui imitationem incendit, &  
 cum reipublicæ studium in eo apparet,  
 reliqua præfectorum turba minimum  
 audet ab officio recedere, & promiscuè  
 omnes elaborant, ut ne quid animada-  
 uersione dignum faciant. Iam uerò, si in  
 regibus hæ quatuor inessent uirtutes,  
 ingeniū, experientia, prudentia, & amor  
 reipublicæ, nihil desiderari posset ampli-  
 us: sed quoniā uix pauci reperiuntur ta-  
 les, et ut fortasse reperiantur, tamē quo-  
 niam imperij non uirtutis est hæredi-  
 tas, & quia uis tota in actione consistit,  
 ueniendum est nobis ad earum rerum,  
 quas in bono principe requirimus, ex-  
 plicationem, quod et Aristotelem, Alex-  
 andri magni præceptorem, & alios com-  
 plures doctos & exercitatos homines,  
 fecisse constat, traditis totius uitæ præce-  
 ptis. Quomodo autem regenda sit Res-  
 publica, & quibus uirtutibus oporteat  
 principes uiros esse ornatos, de his re-  
 bus omnibus adeò luculenter & copio-  
 sè multi scripserunt, tam Græci quàm  
 Latini, atq; etiā nostræ linguæ homi-  
 nes, ut

nes, ut nimis prolixum ac planè superuacaneum sit ea omnia congerere, temerarium autem, uelle aliquid ijs adiungere. Nulla enim noua ratio inueniri potest, quam non superioris ætatis homines demonstrarint, sed dialogis nonnulli rem tractarunt, ut Aristoteles & Xenocrates & Thomas Aquinas, alij uero historice, ut Xenophon, in eo libro, quem inscripsit Pædiam Cyri, quē regem describit, eiusq; uitam & mores & res gestas commemorat, non quidem, quod reuera is fuerit, sed quod talem esse oporteat, qui boni principis personam sustinere uelit. Est enim Cyrus ab illo non ad historię fidē scriptus, sed ad effigiem iusti imperij. Alij orationibus aut panegyricis rem demonstrāt, ut Cicero, dū Pompei laudes recitat, & Plinius, dū Traianum Cæsarem prædicat, eiusq; generis quædam cōscriptasunt etiam nostra lingua. Sunt alij, qui cum principum facta commemorant, uirtutes eorum celebrant, ut reliquos ad exemplum inuident, ac uitia quoq; grauius ac odiosè reprehēdunt, ut homines deterreant, quo quidem in argumento præstat Valerius Maximus, qui non modo Romano-

rum, sed & exterorum preclare atq; etiam improbè turpiterq; facta diligentissime conscripsit. Quod si uiri principes uel legerent ipsi, uel ab alijs audirent eiusmodi libros recitari, & menti animoq; infingerent optima, quibus ij libri sunt referti, præcepta, non esset ijs opus ulla institutione maiori; sed quoniam earum rerum omnium recordatio & usus difficilis est, propter prolixitatem & multitudinem, tum etiam propter humani ingenij atq; naturę infirmitatem, inprimis autem, quoniam principes & qui magistratum obtinent, si sunt prudentes, grauibus implicantur negocijs, & parum habent uacui temporis, aut si sunt ætate minores, delitijs atq; uoluptatibus ferè se tradunt: his de causis, quæ mihi uidentur ad bene gubernandam Rempub. Gallię inprimis pertinere, paucis comprehendam. Ità fiet, ut nec illos, qui serijs rebus occupantur, ab labore & industria reuocem, nec ijs, qui seria parum curant, molestiam aut fastidium adferam. Atq; istud eò paratius aggrediar, quòd regem, qui nunc præest, ea bonitate ingenij esse confido, ut quæ optima esse cognouerit, libenter

benter sic amplexurus, & Deum habitu-  
rus propitium, qui cum corda regum in  
sua potestate habeat, orandus est, ut sa-  
na consilia magistratui suggerat. Pri-  
mum ergò generatim de ijs, quæ huc  
pertinere uidebuntur, uerba faciam, an-  
teq; alia quæ sub ipso genere latent, in  
medium adferam, medicorum exem-  
plo, qui cum aliquid in ægroto depre-  
hendunt, quod causam alicuius magni  
morbi adferre possit, solent ei tantū ma-  
lo providere atq; consulere, interim au-  
tem de eo, quod totius ualitudinis recu-  
perationem attingit, nihil ad tempus  
præcipiunt. In primis cauendum est re-  
gi, ne quid immoderatè aut præcipitan-  
ter ulla dere statuatur, sed suorum utatur  
consilio, sicut præstantissimos semper  
uiros in rebus magni momenti fecisse  
constat. Nam & Mosi Deus attribuit  
homines prudentes, ex tota multitudine  
delectos, quorum adiutus consilijs  
rem administraret. Fieri enim non po-  
test, ut unus aliquis, aut etiam pauci  
quidam, quantumuis excellentes, tan-  
tam imperij molem sustineant, imò, ne-  
gociorū multitudo caliginem quādam  
mentis obducit ijs, qui nimium in se re-

cipiunt. quia nec ingenij satis habere possunt, nec etiam temporis, ut idonee res omnes considerent, & ualde peccatur, cum subito ac tumultuose aliquid agitur. Sed prouidendum est etiam, ne quod tacitum & arcanum esse oportet, cum pluribus communicetur. Sape enim fit, ut nonnulli propter locum ac dignitatem, quam obtinent, sint adhibendi consultationibus, & quod maiori parti uisum fuerit, illud ferè decerni ac recipi solet: sed in eo sepe periculum esse potest, quoniam ex multis perpauci, ingenio simul & usu rerum atque iudicio præstant. Cum ergo magna sit in eo difficultas, & quia consiliarijs carere principes omnino non possunt, opus est, mea quidem sententia, ut præter iuris administratores, de quibus antea diximus, rex instituat tres senatus, quibuscum de rebus omnibus deliberet, exemplo seruatoris nostri, qui præter septuaginta duos discipulos, habuit apostolos duodecim, in quibus solum tres maxime familiares, Ioannem, Iacobum, Petrum, quibus & suam diuinitatem separatim ostendit, & de morte atque cruciatus suo, quum iam eius cogitatione uehementissime perturbaretur, plurima



rima dixit, quinetiam in his tribus, Iocannem præ cæteris ualde complexus fuisse, ut sacræ literæ testantur. Ad eundem quoque modum, de publicis negocijs rex cum frequenti concilio communicabit, cui intersint principes, Episcopi, cubicularij, & id genus alij præfecti domestici ac si res ita postulet, senatus ac Iudiciorum præsides, ac primi nominis consiliarij, & omnes in quibus aliquid est dignitatis atque consilij. & si forte absint, euocandi erunt. quod tamen raro ac tunc solum est faciendum, quando de summa rerum agitur, cum uel bellum est suscipiendum, uel ferendæ nouæ leges, aut aliquid simile. Tunc enim ex præcipuis regni ciuitatibus adhibendi sunt prudentiores, & hic quidem senatus non est perpetuus, uerum temporaneus. Illud uero dicitur perpetuum et ordinarium concilium, cui adhibentur ij, qui regem ferè comitantur, in eoque concilio tractari debent ea, quæ maturam quidem & grauem deliberationem, sed tamen nullam requirunt taciturnitatem. Sæpius autem cogi debet hoc concilium, etiam si negotiorum magnitudo non flagitet. in tanto enim regno fieri non

potest, quin nouæ quotidie res offerantur, quæ consultationem requirant: Quòd etiam si nihil ferè in deliberatione ueniat: tamen ipse conuentus per se laudem quandam ac honestatē habet, et incidit semper alicuius rei mentio, quæ futuris etiam actionibus accommodari possit. Ad hoc aut munus allegēdi sunt uiri boni ac prudentes, & reipublicę amantes: neq; ad generis nobilitatē aut conditionis amplitudinem, sed ad solam uirtutem ac integritatem respiciendum est. quoniam reipublicę salus in eo uertitur. Hi numero esse possunt, ad duodecim, aut etiam paulo plures, si modo qui sint idonei, reperiantur: nec ulli, qui non sit in hunc numerum ascriptus, concedi oportet, ut sese ingerat, nisi forte aliquid sit oblatum, de quo alius extra concilium hoc, plura & certiora cognoscat, sed rarò faciendum est ita, & non nisi graui de causa, ne paulatim alij minus apti sese insinuent. Atq; ut singula ordine gerantur, necesse est, ut uel rex ipse consultationibus pręsit, uel ex omnibus aliquem constituat præsidentem, cuius ea sit uirtus, ut reliqui, non tam propter eum gradum ac dignitatem, quàm propter

pter ingenium, in honore ipsum habent. Sed profecto utilissimum est, ut ei concilio frequenter intersit ipse, præsertim quum arduis de rebus agitur. Neque enim satis est, ut decretum ei recitetur, quod plenè perfectèq; intelligere non potest, nisi coram audiat disceptari. Quum etiam adest ipse disputationibus, ingenia suorum melius cognoscit, et quibus optimè uti possit, intelligit, & studium in illis excitat, ut & diligenter omnia ponderent, neq; fraudem admittant, quando illum suæ eruditionis & animi testem atq; iudicem præsentē conspiciunt. Ex hoc autem numero tres aut ad summum quatuor, quorum uirtuti plurimum tribuit, sibi deliget, quibus cum de rebus oblatiis, anteq̃ ad conciliū deferantur, communicet. Hierī enim potest, ut aliquid occurrat, quod non oporteat à multis cognosci ac deliberari, uel ideò quòd silentio regendum sit, uel quòd ad aliquem eius concilij propriè pertineat. Cum ijs re disceptata, cognitisq; eorum sententijs multo facilius & perfectius, quale sit reliquorum iudicium, æstimabit. Cum etiam in frequentiori cōcilio decretum est aliquid,

ſeparatim cum ijs, quos dixi, paucis, de  
 eo colloquetur. nec enim ſtatim opti-  
 mum eſt, quod maior pars iudicauerit,  
 Quòd ſi uel diſſidere ipſos, & opinio-  
 nibus uariare uideat, uel communem il-  
 lorum ſententiam non per omnia pro-  
 bet, nihil in præſentia decernet, ſed gra-  
 uiori cogitationi rem ſeruabit; & ſi fir-  
 mam habet ſui iudicij rationem, leniter  
 ac ſine ulla repræhenſione, in proximo  
 deinde conuentu, cauſas proferet, cur  
 aliter, quam ipſi arbitrentur, faciat. aut  
 ſi ſilentium res poſtulabit, diuerſum ab  
 eorum ſententia faciet, ac tunc demum  
 ſui facti rationem illis explicabit. Sed  
 raro, ac non niſi grauiffima de cauſa,  
 diſcedendum eſt ab opinione commu-  
 ni, quoniam & periculum in eo eſſe poſ-  
 teſt, & illi, ſi repudiari plerumque ſua di-  
 cta uideant, offenſionis cauſam habituri  
 ſint, & ſtadium diligentiamque remitte-  
 rent. prudentiam igitur adhibebit & ca-  
 teat, ne his authoritatem omnem, illis  
 uerò nullam tribuat, in primis autem, ne  
 ſingularem aliquem in tanto habeat ho-  
 nore, ut reliqui diſſimulare, & illius o-  
 mnia dicta factaque probare cogantur.  
 Nam alioqui ſeruitutem ſibi compara-  
 bit ipſe,

bit ipse, & author illi sit futurus, ut sui commodi priuati causa, reipub. plurimum noceat. Aequitatem enim uix est ut seruet, qui summam rerum occupat, quantumuis etiam natura sit bonus & integer. Vbi uerò præcipuam alicuius uirtutem atq; fidem perspexerit, non temerè fidem ijs habebit, qui de illo aliquid deferent, & delatori, si falsum esse compererit, pœnam denunciabit, et tam eius qui accusatur, quàm qui accusat, personam atq; causam totam diligenter considerabit, & si fictum esse iudicabit, eum qui detulit, grauiter atq; seuerè castigabit, & delatum interim certiore faciet, tacito alterius nomine, ut uideat quemadmodum sese purget. Quòd si crimen sit eius generis, ut ad ipsum aut ad rempub. pertineat, dissimulanter eū, qui delatus erit, obseruabit, & si forte qui detulit, fidem facere uelit eius quod dixit, non est repudiandus. Nam si secus fiat, hoc sit aditum præcludere ijs, qui regem de sua salute uelint commonefacere. Ac sicut leuitatis est, omnibus indifferenter habere fidem, qui aliquid defecerunt: ita quoq; imprudentiæ est, repudiare omnes, qui quacq; de re aliquid

enunciare uelint. Mediocritatem ergo seruet, & quibus authoritatem tribuit, ijs non sic indulgendum est, ut putent sibi quiduis impunè licere, sed continendi sunt in metum, ut indubitato sciant, si quid præter officium fecerint, poenam duros. Vt autem ex omnibus unum aliquem habeat sibi præ reliquis familiarum, quicum de rebus priuatis atque domesticis loquatur, non repugno, et magna foelicitatis parte careat, hoc ei si non esset concessum: sed in rebus arduis atque seueris minimè istud recipiendum est. Nemo enim unus cuncta regni negotia satis aut nouisse aut procurare potest, & quò quisque prudentior est, eò minus tantum onus in se recipere uolet, nisi fortè ambitione & arrogantia sit demens. Nullam rem igitur maioris momenti rex occultam habebit, sed quibus plurimum fidit, ijs totum se patefaciet. Non minus enim est aliquando in tacendo uitæ atque periculi, quam in efferendo. Caveat autem, ne cui ita sit familiaris, ut in rebus magnis polliceatur, eius, quod occultè per indicium cognouerit, nihil se dicturum alijs. Nam qui sunt improbi ac scelerati, facile sic occasionem arripant

piant struendæ calumniæ, ac futurum sit, ut delata re aliqua, & per inuidiam sæpe ac odium excogitata, suspicionem grauissimam concipiat, & propter silentium promissum, acerbè se affligat ipse, nulla de causa, & aliquid designet, cuius ipsum postea pudere ac poenitere oporteat. Prius ergo, quàm familiares illos sibi faciat, fidem eorum ac taciturnitatem exploratam habeat, ut non minus tutò & liberè cum illis, quàm secum ipse loqui possit. Multa enim magna & præclara sæpe negocia interierunt, propter non præstitum silentium, & accidit non rarò, ut qui utiliter ac prudenter aliquid excogitarunt, inuidiæ metu non ausint pronunciare, ueritine non sitta-  
citur. Inprimis autem oportet, ut huius, de quo loquimur, cōcilij decreta sint quammaxime arcana. & quanquā iureiurando silentium illi polliciti sunt: tamen cum aliquid incidit maioris momenti, rex per occasionem denuo ipsos fidei & officij sui commonefaciet. ac si comperiet aliquid emanasse, dabit operam ut cognoscat à quo sit elatum, & authorem ubi repererit, pro magnitudine rei uindictabit, ut alij exemplo deterreantur.

Cum

Cum etiam res quæ in deliberationem uenit, est eius generis, ut si quod de illa decretum est, efferatur, periculum sit, ne tota corruat & euertatur cuiusmodi est belli deliberatio: cognitis omnium sententijs, nihil illis præsentibus decerneret, uerum secutus saniores sententiam, quod animo cõcepit, exequetur. Quamquam sanè tutissimum mihi uidetur, ut uni atq; alteri, quibus maximè omnium fidit, quid sui sit cõsiliq; demonstret, præfertim si parum se iudicabit eius, de quo agitur, esse peritum, in eoq; præstat, ut summissè de se potius, humiliterq; sentiat, quàm ut nimium per arrogantiam sibi sumat. Hæc ferè sunt, quæ mihi uidentur ad præsens argumentum pertinere. Nam si ad hunc modum, ut dixi, concilium instituatur, nullum potest tantum euenire discrimen aut incommodum, quod non facile depellatur, quandoquidem nihil ferè incidere possit, de quo non antea diu multumq; sit in omnem partem cogitatum. Quò fit etiam, ut minori motu atq; detrimento populi occurratur impendenti malo, quod fieri non potest, quando in ipso negotio consilium repente actumultuose capiendum



piendum est. Quamuis autem ea quæ dixi satis uideri possint: tamen quoniam plerique, quò sunt doctiores ac prudentiores, eò magis dubitare solent, ac plura semper inuestigant, nonnulla sum adiecturus, quæ ad tuendum & amplificandum regnum pertinent: quorum alia domesticam, alia uerò externam administrationem attingunt. Et primò quidem hoc mihi uelut fundamentum sumo. Res omnes ipsdem causis cōseruari, quibus ex causis ortæ sunt ac procreatæ. Iam quomodo natum sit Galliæ regnū & stabilitum, suprà demonstrauius: ipsdem ergo rationibus confirmari deinceps magis atq; magis & augeri quosque possit. sed quoniam plerique & maiorem explicationem desiderant, & à nostris hominibus ferè neglecta sunt hætenus, paulò sum de illis dicturus accuratius. Quod igitur antea diximus de tribus illis retinaculis ac ueluti frenis, quæ regum impetus uehementiores demorantur atq; sistunt, totum hoc æquitatenititur. nullam rem enim aut Deo magis gratam, aut populo magis salutarem, aut honestiorem etiam rex facere possit, quàm si disciplinam illam seuerè

conseruet. Hac enim uirtute atq; merito fit, ut populi tutor atque pater appelles tur. quòd si uerò secus agat, & suo arbitrio quiduis faciat, uoluntates hominum alienat, et crudelis atq; tyrannus ab omnibus nominatur. Et quoniã acti onum nostrarum omniũ initia et exitus ad Deum referri debent, Religionem diligenter reges procurabunt, Galliæ rex in primis, quem Deus omnium amplissimo fructuosissimoq; regno donauit, cuius etiã maiores, egregijs atq; præclaris suis factis, ut Christianissimi dicantur, effecerunt. quò magis pudendum sit, non insistere illis uestigijs, & ab ipsorum degenerare uirtute. Operam ergò dabit, ut fides ac religio Christiana sit inuiolata, ut nullæ hæreses aut sectæ iam olim damnatæ, in populo ressideant, ut nomini seruatoris nostri nulla fiat ignominia, quod pleriq; nimis licentiose faciunt. eam uerò petulantiam grauib; exemplis atque pœnis coercet, si Deum uelit habere propicium: permultum enim sceleris est in ea consuetudine, quæ nostris iã moribus propenullam habet infamiam. Ecclesiæ uerò Apostolicæ magnum in primis defectu

rethq;

ret honorē, eoq̃ magis, quò secundiori  
sunt uſi fortuna, propter eam pietatē, &  
pluribus adfecti beneficijs, ipsius antec-  
cessores. Vt etiam Ecclesijs omnibus  
per Galliam sua iura ac priuilegia con-  
ſtent, & ut Ecclesiarum præfecti suum  
faciant officium, magno studio provide-  
bit, & quod in ea re uitij deprehenderit,  
per eos, quorum interest, emendari præ-  
cipiet. Neque enim satis est, quæ recta  
sunt et honesta, nouiſſe, uerum ad actio-  
nem prodeundū est, idq̃ cum primis de-  
cet eos, qui præſunt alijs, maximē uero  
regem, cuius nullum factum obſcurum  
eſſe poteſt. & quoniam ſui principis mo-  
res ſerē ſequit̃ populus, elaborare debet,  
ut optimis honeſtiſſimisq̃ uitæ exem-  
plis præluceat. Eccleſiaſtici aut̃ ordinis  
homines, eos præſertim qui præſunt ad-  
miniſtrationi ac toti diſciplinæ, in ho-  
nore habebit, ſic tamen, ut ſua ipſi maie-  
ſtas conſtet. Multum in ea re peccatur,  
tum hic, tum alijs in locis, quod eſi uitijs  
illorum ac impuræ uitæ tribui fortasſe  
poteſt: ordini tamen ipſi nihilominus ho-  
nor ſuus atq̃ cultus impendi debet: ſi-  
cut regiæ dignitati atq̃ ſplendori, pro-  
pter ipſius regis nequitiam, nihil dece-  
dit.

dit. Permutum enim est ubiq; uitiorū,  
 nec ullum est uitæ genus, quod non emendationem requirat. Sed reges incusari possunt, qui minus idoneos Ecclesijs sæpe præficiunt. plus enim est in eo peccati, quàm credi possit: nam & miserorum hominum salus periclitatur, & pleriq; dum in illos intuentur, remollescunt, eorumq; similes euadunt. Persuadeant ergo sibi uiri principes, hoc uno facto Deum grauissime offendi, eoq; magis, quò maiorē istud apud nos iam habet, nostris moribus, excusationem. Nam si in ijs rebus quę proprie ad ipsos pertinent, magno studio & sollicitudine conquirunt ac sibi deligunt, quos in quaq; re maxime excellere arbitrantur, coquos, tonsores, uenatores, aucupes, equorum domitores, satellites custodiæ suæ causa, item belli duces ac militum præfectos: quomodo tandem in aspectu Dei consistent, quòd Ecclesiæ, quàm sanguine suo Christus in libertatem uindicauit, eos præponunt, qui uel flagitiosis moribus atq; uita populum à recta semita deducunt in præcipitium, uel etiam si non turpiter ac scelerose uiuant, tamen omni destituti doctrina, suum officium

gium facere nō possunt. Certē, si quem  
admodum nomine, ita quoq; re ipsa uo-  
lumus esse Christiani, & si quidē Euan-  
gelio ac sacris literis fidem esse habend-  
dam putamus, itā statuemus, nullam pos-  
se reipub. Christianæ grauiorem pla-  
gam infligi. quicquid enim est uitiorum  
ex eo fonte profluit atq; redūdat. Nam  
eiusmodi Ecclesiarum procures, Episco-  
pi ac id genus alij, inferiores deinde præ-  
fecturas ac populi curam, sui similibus,  
hominibus indoctis atq; uitiosis com-  
mittunt, & facultates illæ atq; possessi-  
ones, in optimos honestissimosq; usus  
olim contributæ, nequiter & indignē  
consumuntur, & religio ipsa in ludibri-  
um atq; contemptum adducitur. Et  
quanquam huic ordini nomen ipse de-  
di, tamen quod res est, dicam. nec enim  
hoc agitur, ut aliqui de suo statu deſci-  
antur, uerum ut singuli officium su-  
um faciant, & offensiones ē medio tol-  
lant, & nō solum eius populi, quē curan-  
dum susceperunt, sed totius etiam Eccle-  
siæ miseriam & incommoda conside-  
rent. Vix enim paucos reperire liceat  
nostri ordinis homines, ad quos earum  
rerum omnium emendatio proprie per-  
tinet.

blitione originem ducunt, aut Romani  
Pontificis, aut regum sectantur familias.  
Huc certe malo, quantum meæ facul-  
tatis erit, medebor, ac Deum precor, ut  
conatum ac studium meum promoue-  
at, et ijs, quorum ad curam proprię perti-  
net sanare morbos et emēdare uitia, cle-  
menter adsit. Est enim officij nostri, ut in  
eo diligenter elaboremus, et detectis er-  
roribus, in uiam redeamus ipsi, et alijs, ut  
ad sanitatem reuertantur, simus autho-  
res atq; duces. Quod si rex animum huc  
applicaret, ac idoneis in eo uteretur ad-  
ministris: sanē quæ nunc sunt tempora,  
ualde proficeret, suiq; propositi multos  
esset habiturus adiutores, ac nihil fa-  
cere posset magis aut sanctum aut il-  
lustre, neq; Galliæ tantum, sed toti etia-  
am reipub. Christianæ magnopere in o-  
mnem partem prodesset. Si enim, qui  
sunt uelut deprecatores ac intercesso-  
res populi ad Deum, honestē uiuerēt, su-  
umq; facerent officium, exorarent sine  
dubio suis precibus Deum, & cōplures  
ad emendationem uitæ perducerent, &  
placatus Deus, bellum, pestem, annonæ  
caritarem & id genus alias plagas, qui-  
bus nos pro scelere nostro ulciscitur, au-

det. Proximum est, ut ius diligenter ad-  
ministrant, hac enim sola ratione consis-  
tunt imperia, quæ, nisi ius obtineat, la-  
trocinia uerius dici possunt. Et quoniam  
am beneficio Dei pulcherrimis legibus  
ac institutis ornata est Gallia, rex autho-  
ritate sua grauius ac seuerè illas cōserua-  
bit. proximè enim & secundum religio-  
nem nihil est præstantius, nihil utilius,  
& reges idcirco Deus constituit, ut ius  
cuiusque suum reddant, & planè sit contra  
regis officium, si quo modo iuris dicti-  
onem impediret aut labefactaret. Sicut  
etiam munerum ciuiliū & Ecclesiarum  
præfecti, nisi rem suæ fidei commissam  
diligenter & bona fide curent, nullo iure  
stipendium sibi dari postulant, imò,  
si quid eis depensum fuerit, æquum est  
ut restituant; ad eundem quoque modum  
iudicari debet de regibus, qui ius non  
colunt. Hoc enim Deus ab ipsis flagitat  
& requirit, et quanquam eo spectare in-  
primis oportet; tamen siue publicam totius  
regni, siue priuatam suam utilitatem  
considerent, ipsorum certè potestatis fir-  
mamentum in hac una re consistit. Ius  
enim administratio regibus authori-  
tatem conciliat, alioqui copijs & exerci-

His atq; gratiæ causa, ab equitate defle-  
ctunt, uel ingenio ac eruditione sunt  
destituti, incredibilem reipublicæ per-  
niciem adferunt. Controuersiæ enim  
crescunt ac producuntur in infinitum,  
& qui litigant, uarijs sumptibus exhau-  
riuntur, & nemo credat, quanta sit ea  
prouinciarum pestis, eoq; magis, quod  
horum in potestate facultates aliorum uer-  
santur, & honos & existimatio, in Gals-  
lijs præsertim. Itaq; si rex, qui custos est  
atque defensor iuris, ut antea diximus,  
hominibus improbis & auaris & ine-  
ptis, rem tantam sciens committat, æ-  
quum est, ut de damno & iniuria, quæ  
cuiq; sit ab illis illata, satisfaciat. quem-  
admodum præfecti aut etiam mercato-  
res, quod ipsorum procuratores atq; ne-  
gociorum gestores fecerint, præstare so-  
lent. Et quoniã qui semel in hunc ordi-  
nẽ allekti sunt, non remouentur loco, ni-  
si grauissimis de causis, ut antea dictum  
est, rex, ut eos in officio contineat, sua  
ipse uoce nonnunq; interpellabit, & gra-  
ues multorum de ipsis querimonias ad  
se deferri dicet, simul hortabitur seue-  
rẽ, ut quicquid est uitij, emendent, de-  
nunciata pœna nisi faciant: & quos præ-



Tanta est enim ipsius nominis auctoritas, ut etiam si profiteatur, uelle se, quod æquum sit, fieri: iudices tamen eius commendatione commoti, facile succumbant atq; remittant, præsertim in lite paulò difficiliore. quod in nostris iudicijs est procliuus, ubi secundum id quod æquum uidetur, magis, quam secundum ius scriptum, pronuntiatur, qua quidem in re plurimum esse potest incommodi. Hanc ergo si quis rationem sequatur, ueri principis officium fecerit, & intercessoribus illis aditum atq; spem omnem præcludet, qui semel admissi, nullum sint importunitatis suæ facturum modum atque finem. Et ista quidē ad causas ciuiles propriè, sed tamē ad criminales etiam pertinent, in quibus durum sese ac propè inexorabilem exhibebit, neq; temerè condonabit, præsertim si facinus paulò sit atrocius, ut uidelicet omnes intelligant, ipsum tota mente & animo ab eiusmodi flagitijs abhorrere. Quapropter & eos, qui pro scelerosis deprecantur, seuerè grauiterq; castigabit. sic enim & improborum audaciam reprimet, & in metu continebit omnes: contra uerò, si facilem atq; lenem se declaret, maximas

nocendi præbebit occasiones. Multa quidem adhuc dici possent huius argumenti, sed ad alia mihi progrediendum est. Vnum modò restat, ut scilicet communicato consilio cum uiris bonis et peritis, & reip. studiosis, rationes ineamtenuendi controuersias, ne in infinitum producantur, quod nostris moribus nimium inueterauit. Multi enim hac sola ratione ad summam inopiam redacti sunt, & complures, quod uel sumptum facere, uel aduersariorum potentiae resistere se posse desperant, optimas aliquando causas deferunt. Ad politiam, quod tertium esse retinaculum diximus, quantum pertinet, quoniam sub eo genere comprehenduntur Galliae decreta, leges, instituta, mores atque consuetudines, quibus in hanc tantam amplitudinem illa creuit ad hoc tempus: operam rex dabit, ut quicquid est earum rerum, diligenter et ipse seruet, & ab alijs quoque seruari præcipiat, eoque magis, quod cum ad ipsum imperij summa defertur, iureiurando facturum ita se pollicetur. Si quid ergo contrà faciat, & Deum iniustitiae uindicem offendit, & conscientiam suam ipse lædit, & populi uoluntatem alienat

alienat, & nomini suo maculam inurit,  
& infirmio rem se redigit ipse. Primum  
autem est atq; potissimum, ne sui, hoc  
est, Galliae patrimonij quicquam alie-  
net, nisi quantū ei moribus atq; legibus  
regni permittitur. Nam alioqui fene-  
stram aperiet multorum importunita-  
ti, & quum uni aliquid concesserit, non  
desunt alij complures, qui suis meritis  
idem beneficium deberi putant. quod si  
recuset, illos ut offendat, oportet. Hinc  
odium atq; simulas inter eius famili-  
ares, quod minimè sit futurum, si repu-  
diatis omnium precibus, non sibi licere  
dicat, quicquam earum facultatum lar-  
giri. Et quoniam in ijs quæ ad politiam  
pertinent, maior quædam est difficul-  
tas: ad eam partē, de qua suprā dixi, quæ  
consociationem animorum, et omnium  
ordinum regni coāgmentationem com-  
plectitur, oratio mea reuertetur. Nisi en-  
nim mutua quædam beneuolentia & a-  
mor & obsequiū intercedant, ne quicq;  
de rei summa bene sperabimus. Nobi-  
litem ergo, qui primus est ordo, ma-  
gno studio complectetur, ac non solum  
ijs, quæ iam olim habent, privilegijs ac  
immunitatibus uti frui sinet, uerum-  
etiam

etiam in cæteris rebus omnibus, & tribuere se plurimum ipsis & confidere, & fortunis eorum cupere quàm optimè cōsultum esse, demonstrabit. Huius enim ordinis industria & singulari uirtute regnum hoc & initium habuit, ac deinde locupletatum est atq; confirmatum ad hoc usq; tempus. Hi sunt, qui rebus duris et asperis communem patriam ab hoste defendunt, qui pro laude ac salute regis nullum recusant periculum, qui præ cæteris omnibus regem ualde diligunt, obseruant, colunt, uenerantur, quoniam & commodiore utuntur conditione, & honesto nati loco, iam inde à paruulis ad morum ciuitatem educati sunt & assuefacti. quò magis etiam conuenit, ut cæteris uirtute præstent, & caueant, ne quid suis maioribus & genere atq; loco indignum admittant. Quòd cum ita sit, præfecturæ tam ciuiles quàm Ecclesiasticæ his potius quàm alijs debent attribui, modo sint idonei. Hoc enim & rationi & legibus omnibus est cōsentaneum; uerū si non sunt apti, minimè illis cōmittendum est aliquid, ut ea, de quibus antea diximus, incommoda uidentur. Si enim non ad uirtutem & eruditionem, sed ad

sed ad generis amplitudinem rex solum respiciat, & gratiæ atq; fauori omnia tribuat, nobiles pleriq; contemptis atque desertis bonarum artium studijs, ambiciose omnia facient, quando eam esse primam atq; potissimam rationem aliquid consequendi intelligent. Quod si autem loci atq; familiæ splendorē, prope nihil, doctrinam uerò plurimum apud eum posse uideant: daturi sunt operam, ut eo præsidio muniti, uiam sibi ad honores patefaciant. Atq; hoc locum habet, non in ijs tantum præfecturis, quæ sunt utrisq; communes, uerum in illis etiam, quæ propriæ sunt ac solis tribuntur nobilibus. est enim discrimen inter ipsos faciendum, quoniam alij sunt alij illustriori loco nati, & uirtute ac meritis alij alijs antecellunt. Videat autē, ne sic illis indulgeat, tantumq; permittat, ut uel reliquos ordines opprimant, uel etiam suæ conditionis oblitī, minus ipsum reuereantur. Magna enim ex eo futura sit perturbatio, ut non semel in Gallijs cognitum est. Quam igitur habet potestatem summam, eam diligenter conseruet, neq; sinat ullo pacto minui uel interesse, quò ipsum uidelicet omnes, ut præcipuum

cipuū ac legitimū magistratū agnos-  
 cant. Humanitate quidem & mansue-  
 tudine erga suos utetur, sic tamen ut  
 honos atque dignitas ei sua constet, &  
 quam habet iuris exercendi facultatem,  
 ea ut seuerē conseruetur, elaborabit,  
 cōsp suis p̄fectis, quorum ad officium  
 istud pertinet, auctoritate sua aderit.  
 quod superioribus sacris & prudent-  
 ter institutum, & magna semper dili-  
 gentia conseruatum est, & magni refert,  
 ut ita fiet. Est enim unum ex p̄cipuis  
 regni p̄sidijs atq; ornamentis. Neq; ta-  
 men suis interim concedet, ut proceres  
 ac reliquam nobilitatem, in ipsorum iu-  
 re interpellent aut impediant, nisi ma-  
 gna quēdam subsit & diu multumq; de-  
 liberata causa. Nam si temere fidem illis  
 habeat, futurū est, ut ad minimam occa-  
 sionem, nobilibus litem saepe faciant, &  
 in iudicium pertrahant, máximoq; affi-  
 ciāt damno, propterea quod etiam si cau-  
 sa cadant, sumptum tamen litis non p̄es-  
 tant, eò quod regis negociū egerint.  
 Ut ne longius ergo quam equum est,  
 atque oportet, progrediantur, illos mo-  
 nebit. Alterum est, ut æquabiliter admi-  
 nistrato iure, maleficia non dimittat  
 impu-

impunita, sed seuerè ulciscatur, neque temere ignoscat, ijs præsertim qui militiæ student ac rebus bellicis. Hi enim quoniam & natura, & instituo ac uitæ genere ad omnem uim propendent, nisi coërceantur, facile sint oppressuri cæteros. Hæc autem seueritas adhibenda est quadam cum moderatione, pro delicti atque eius qui commisit, & temporis etiã atque loci conditione. Remittere uero poenam atq; condonare minimè omnium oportet, ut metu supplicij deterreantur omnes, ac belli tempore seuerius est animaduertendum, ut postea sum dicturus de disciplina militari. In distribuendis etiã muneribus publicis, rationē habebit naturæ atq; ingenij eorum, quos propius nouisse potest, cuiusmodi sunt uiri principes & id genus alij potentiores. Nam quos animo elato & seditioso esse cognouerit, ijs nihil tale committet, quo uel aduersum se uel contra rempublicā abuti queant. quod quidem illis, si potestatem obtineant, facile sit futurum, quando ob leuissimam quanque causam concitari possint & incendi. Quos autem magnæ uirtutis esse

esse compertum habet, eos præ cæteris  
 augebit honoribus atque præfecturis,  
 quoniam et hi facultatem, bene de repu-  
 blica merendi, & populum habent ob-  
 sequentiorē. Neq; tamen plus, quàm  
 maiestati suæ conuenire uidebitur, eis  
 tribuet, & ità se comparabit, ut & illi, &  
 illorum subiecti imperio, ipsum in pri-  
 mis ut authorem earum rerū omnium,  
 reuereantur et suspiciant, & cum aliquid  
 maioris momenti inciderit, ad ipsum  
 confugiant. Nisi enim hanc grauitatem  
 interponat, minuetur eius ad populum  
 existimatio, & prouinciarum aliq; ma-  
 iores præfecti, aut ipsorum etiam legati,  
 proteruè et indignè multa facient, & pro  
 temporum conditione consilia forsitan  
 inibunt, perniciofa reipublicæ, quod in  
 imperio Romano scimus euenisse. Hæc  
 autem omnia, non tam ad præsentem æ-  
 tatem pertinent, quàm ut in posterum  
 res bene constituantur. Prouidendum  
 est etiam, ne is quem medium esse dixi-  
 mus ordinem, potentia nobilitatem uin-  
 cat, eiusq; facultates atq; copias minuat.  
 hoc enim ad reipublicæ detrimentum  
 pertinet, quæ nequicquam sit ab illis o-  
 pem atq; præsidium, exhaustis eorum  
 fortunis,



fortunis, expectatura. Sunt autem tria  
potissimum, quæ nobilium opes uehe-  
menter adfligunt. Ex ijs primū est, quod  
lites atq; causæ forenses, aliæ seruntur ex  
alijs, & producuntur in immensum, &  
maximos requirunt sumptus, eoq; fieri  
uidemus, ut iuris administri, nobilium  
possessionses acquirant, et horum copie  
sic attenuentur, ut cum ordini atq; pro-  
fessionis suæ satisfacere non possint, mul-  
ta præter decorum faciant. cui quidem  
incommodo facile possit occurrī, si mo-  
do rex & ij quorum utitur consilijs, ani-  
mum huc adijcerent. De quæstoribus  
idem iudicium fieri debet, nam etsi ma-  
gnam his auctoritatem tribui oportet,  
colligendæ causæ pecuniæ, quæ in regis  
erarium infertur: tamen adhibendus est  
modus, neq; permittendæ sunt illis ra-  
tiones, quibus ipsi quidem locupleten-  
tur, alij uerò complures, honestioribus  
nati familijs, ad inopiam redigantur.  
Mercatores etiā, quod est ex tribus, quæ  
diximus, postremum, intra certos fines  
coërcendi sunt. Inualuit nobilium con-  
suetudo, ut magnificè & sumptuosè ui-  
uant, & splendidissimè uestiantur, quæ  
duæ res & priuatim fortunas eorum ex-

f

inaniunt, et publicè quoque plurimum nocent: His enim rebus fit, uti maxima uis auri deferatur extra Galliae fines, in quo permultum est incommodi, quoniam pecunijs Respublica, tanquam neruis atque sanguine, consistit & alitur. In hoc igitur genere nihil quicquam rex facere possit utilius, quam si luxum omnem comprimat. Nam & ualde offenditur Deus, & ut stipendia rex illis augeat, oportet. alioquin enim, quia sumptum uix tolerant, non possint obire ministeria, quibus sunt destinati. Iam uerò, quod plus in hos elargitur atque distribuit, eò magis populum uti grauet, necesse est. Hunc deinde luxum, alij quoque nobiles, qui publicè nihil administrant, & uulgo magna ex parte student imitari, praesertim, qui sunt ascripti militiae & equitatus regis. Itaque fit, ut qui uirtute praediti sunt, quoniam illis profusionibus uident suas facultates non esse pares, priuatam uitam agant: quibus alij postea, minimè cum his uirtute comparandi, succedunt, qui stultè plaurumque & inutiliter sua dilapidant, etiam id quod equis et comparandis armis impendendum erat, & copijs deinde omnibus ex-

bus exhausti, rapinis atq; deprædationibus incumbunt. quod etsi grauibus pœnis apud nos interdictum est, tamen frustra fit, quandiu stirps eius mali non tollitur. sicut cum corporis pars aliquâ, uitioso corrupta humore adfligitur, etsi dolor fortasse mitigari potest, tamen, nisi qui causam morbi dant humores, expurgentur, nequicquam omnis adhibetur medicina. Nihil igitur utilius, nihil ad eam rem emendandam aptius, quàm ut à se suisq; familiaribus rex initium faciat, ut aliàs factum esse constat. Nam certè uera ipsius gloria non consistit in exquisitis atq; splendidis uestibus, imò studium eius rei immodicū, existimationem potius minuit. Neq; enim pro sua conditione atq; persona, quam sustinet, satis magnificè uestiri possit, & reperire liceat in infimo genere hominum, qui hac quidem in parte minimè illi cedant. Plus ergo laudis habitura est mediocritas, quam nimia huius rei cura. uerum est enim, quod uulgo dici solet, Extrema omnia propè esse uitiosa. Non hoc quidem dico, ut immundities aliqua sit et deformitas in eorum, qui regem sectantur, uestitu,

sed ut ne luxus aliquis appareat, ne extra modum sumptu & magnificentia prodeant, & ut certus modus, pro sua cuiusque conditione & ordine, sit præfinitus. Neque enim promiscuè omnibus permittendum est, ut quocunque uelint modo uestiantur, & hac in parte facta principum imitentur. Sanè, si quædam adhiberetur animaduersio, magnò sit futurum & publico emolumèto, nam ut hirudo sanguinem, sic ea, quam dixi, profusio, neruos ac firmamentum reipublice, pecunias, exugit. Est etià aliud, quod ad mercatores propriè pertinet. Quæ sunt Gallijs finitimæ regiones, legibus ac more suo diligenter cauent, ne qua pecunia ex ipsorum finibus deportetur, & rationem habent, quemadmodum ab alijs ad ipsos importetur. Hunc morem Gallia non obtinet, & si quid fortè eius rei præcipitur, ab ijs, quos minimè omnium decet, uiolatur, idque sæpe fit, ut quidem à nostris dicitur, studio gratificandi uicinis, ne molestè ferant, si quid eis denegetur: in quo tamen nihil est rationis. Quam enim habeant offensio- nis causam, si quantum nobis tribuunt, tantumdem ipsis inuicem permittatur?

Accedit,

Accedit, quòd Gallia, propter omnium rerum copiam & agrorum ubertatem, facile potest externis adiumentis & importationibus carere. & quoniã omnis generis rebus abundat, sic ut uix unquam exauriri posse uideatur, hinc est, quòd plaracq; negligentius in hac parte administrantur. Maximam uero laudẽ ad omnem posteritatẽ mereatur, qui bonis legibus omneis reipublicæ nostræ partes constitueret. Tum enim dubium nõ sit, quin cæteris omnibus regnis Gallia præscriberet, quod facile sim demonstraturus, si res ita ferret, uerum id non est huius instituti. Quantum ad uulgus & promiscuam multitudinem pertinet: quanquam ex ijs quæ suprà dixi, facile est intelligere, quid in eo fieri oporteat: tamen quoniã maximè res est momenti, non grauabor ea paucis repetere. Primum est, ut rex quàm minimum illos tributis & pecuniarum exactionibus grauet, uerum ita se compareret, ut intelligant suas fortunas & compendia ipsi esse curæ. Hoc enim & Deo est gratissimum, & ad ipsius quoq; salutem animiq; tranquillitatem pertinet. Nec enim sine maximis illorum dispendijs ullam grandis-

orem pecuniam imperare potest. Atqui nonnunquam eripitur miseris, quo care re omnino non possunt, quod illis atq; liberis, & familię ad quotidianũ uictum est necessarium. in quo certè summum est flagitium, neq; dubium est, quin huius iniurię magnitudo, & eorum qui sic opprimuntur, gemitus, Deum uehementer commoueat. Huc ergo respiciant reges, ac præterea cogitent, alienari hominum uoluntates, dum suę cupiditati nullum statuunt modum, ex quoq; facile posse turbas & seditiones oriri, præsertim si quis grauior casus regnum adfligat. Accedit, quòd extremæ inopię uitandæ causa, locum illi atque sedes mutare coguntur. quod ad ipsius regis detrimentum & infamiam pertinet. Quocunq; enim perueniunt, ibi de iniurijs & indignitatibus & tyrannijs de qua sint afflicti, rumorem spargunt, & famam longè lateq; excitant, & qui ad egestatem redacti sunt, agriculturam deserunt, & mendicando uictum sibi suisq; parant. Sumptus ergo superfluos atq; luxum omnem rex moderari debet atq; uitare, ut ne priuatorũ fortunis calamitatem adferat, Sed & ipsa exigendæ pecunię

cuniarum ratio, nostris moribus usitata, modum aliquem & emendationem requirit. Colligitur enim infinita quædam uis pecuniarum, neque tamen ad regis aut reipublice commoditates impenditur omnis, & quæstores autoritate ac nomine sui muneris confisi, multa sæpe faciunt auarè ac intemperanter, & ex miserorum hominum laboribus atque re familiari suas facultates amplificant. Opus est quæstoribus, ac sumptum facere oportet: scio. sed tantum est in ea re uitiorum, ut magna quadam & exquisita sit opus animaduersione, præsertim, cum ad cupiditatem & auaritiâ quotidie aliquid accedat. In regis autem uoluntate sola positum est, ut hæc omnia emendetur. Alterum est, ne rex permittat uulgus hominum à potentioribus opprimi, sed æquabili iure simul omnes contineat. in primis autem est prouidendum, ne quod incommodum illis aut uis inferatur ab ijs, qui militiæ student & armis. quod tametsi multis nostris legibus cautum sit, tamen ad hoc usque tempus frustra fuit, in eoque duplex est peccatum, Nã illi rebus atque fortunis afflictis, non possunt, quod regi debent stipendium

atq; uectigal, præstare: deinde, gratiæ  
quoddam odium in eos concipiunt, à  
quibus diuexantur, magnisq; precibus  
interitum atq; cædem eorum exoptant.  
Postremum est, ut de ipsorum iure atq;  
libertate nihil diminuat, sed permittat,  
ut artes omnes ipsorum ordini conue-  
nientes, exercent, & ipsi quoque rebus  
dent operam, quæ ex humili loco ad ma-  
iorem dignitatem ipsos perducant, cu-  
iusmodi sunt, mercatura, bonarum lita-  
rarum studium atq; doctrina, & militia,  
in hisq; rebus quos honestè & cum laude  
uersari uidebit, eos fauore et gratia com-  
plectetur & ope subleuabit, ut reliquos  
etiam ad uirtutem incendat. Nam unus  
aliquis hac ratione euectus ad altiore  
gradum, exemplo suo complures alios  
ad studia uirtutis extimulare potest, ut  
quotidie experimur. Et quò rarior est  
doctorum atque præstantium uirorum  
prouentus: eò maiorem operam rex da-  
bit, ut quibuscunq; rationibus potest, ad  
uirtutem suos inflammet, ut uel doctri-  
na, uel rei militaris scientia uel negocia-  
ando, uel nauigando & id genus alijs  
rebus excellant. Quia uerò salus & incre-  
mentum regni dependet à pacis & à bel-  
liarum



li artibus, utrunque pro mea uirili dea  
inceps tractabo.

CLAVDII SESELI  
lij, de Republica Galliæ & Regum  
officijs, Liber secundus.



CALLIAE ROBVR  
omne ac firmamentum  
quatuor in rebus potissimum  
cōsistit, ut omnes  
ordines mutua quadam  
beneuolentiā regem ob  
seruent, eicq̃ pareant, ut facultatibus &  
opibus plurimum possint, ut in armis  
ac re militari sint quā exēcitatisimi,  
ut quæ sunt in finibus oppida & arces,  
opere ac arte muniantur. Hæc omnia  
consilio prouideri debent & administrari.  
parua enim sunt foris arma, ut inquit  
ille, nisi est consilium domi. De duobus  
primis nihil ferè sum dicturus, quoniam  
ad eam rem quicquid pertinet, suprà satis  
est demonstratum. de postremo etiā  
ut pluribus agam, nihil attinet, quoniam  
satis per se clarum est. Nemo enim  
ignorat, quā sit necesse, habere in finibus

bus propugnacula quàm munitissimæ.  
 Nam unū aliquod oppidū bene munitum, ac rebus necassarijs instructum, ad tolerandam obsidionem, ad alendum præsidia militū, & ad sustinendum uim hostilem, donec ei subueniat, maximum sæpe momentum toti regno ad salutem adfert. quod cum aliàs frequenter, tum hac memoria non semel cognitum est. In hanc ergo curā rex diligenter incumbat, & sumptum in eam rem faciat, et pecunias ad certum tempus, in hunc usum imperet, ijs præsertim, qui fines incolunt, et qui tempore belli receptum habaturi sint in ea loca, quæ contra uim & impetus hostium ædificantur. Pacis autem tempore his rebus uacandū est. nam & populus multò minus grauatur, et opus ipsum in ocio melius perficitur, & cum bellū incidit, non ita perturbantur homines, ut fieri necesse est, cum repente ac tumultuosè ad laborem accurritur. Tum enim hoc etiam est incommodi, quòd in ea festinatione nihil ad diuturnitatem ædificari potest. Verum in eo sæpe peccatur, maximo & regis et populi detrimento: quamobrem, quibus earū rerum est demā data cura, ij, certe magnopere prouidere

uidere debent, si sunt reipublicæ aman-  
tes, ut oportune suoq; tempore singula  
administrentur. Quoniã uerò et non o-  
mnes sunt ad eiusmodi res idonei, et ple-  
riq; suis ferè student commodis: erit ex  
usu reipublice, si rex, cum ei per negocia  
uacat, circumspicietur per omnes prou-  
incias, et regni fines in primis accedat,  
ut cuiusmodi fiant locorū munitiones,  
et quomodo populus gubernetur & an  
præfecti, in suo quisq; genere, officio fun-  
gantur, ipse cognoscat. Quocunq; au-  
tem accesserit, populi salutem sibi esse  
curæ declarabit, & eos qui quaq; de re  
querentur, benignè patienterq; audiet,  
et quod iniquum esse cognouerit, emen-  
dabit. Nam hoc ipso beneuolentiam &  
animos hominū, multò magis, quàm si  
literis tantum & mandatis rem ageret, si-  
bi conciliat, & omnis generis præfectos  
ac bellī duces, in officio ac metu conti-  
net, & illos, in quorum agros peruene-  
rit, questu auget. quod in finibus maxi-  
mè est necessariū, ut uidelicet homines,  
quia sumptum plus q̃ reliqui facere co-  
guntur, sint quàm maxime pecuniosi.  
Nunc ad illud, quod tertiū esse diximus,  
descendam, ad militiam & ad bellī stu-  
dium

dium, qua quidem in re multum est difficultatis, & ad cognoscendum & agendum. Suprà dictum est, usum armorum esse proprium nobilitatis, neq; populo debere permiti: sed maiorem disputationem res ista requirit. Primum enim negari non potest, quin populus assuefactus ad arma, facile possit ad rebellionem incitari, ut regis auctoritatem proijciat, & nobilitatem omnem opprimat, ut paulò supra hanc memoriam compertum est. E diuerso, magni res est periculi, si in armis nō sit exercitatus. Cum enim bellum ab exteris infertur, nullum habemus idoneum peditatum, quo tamen minime carere possumus, quando uel Angli, uel Germani, uel Heluetij bellum nobis faciunt. Hi enim ferè sunt pedites, ideoq; statim ubi de illorum corporijs aduentantibus nunciatur, quantumlibet exiguis, nostri quamlibet multi, etiamsi equitum habeant praesidia, concurrant ac trepidant, suisq; rebus plane desperant, eumq; timorem ubi uident equites, incipiunt & ipsi animo esse deiecto, quando quidem absq; peditatu sciunt non se posse impetus illorum sustinere, atq; eo fit, ut hostibus, qui hæc non ignorant

ignorant, multò maior accedat alacritas oppugnandæ Galliæ, quod minimè sit futurum, si populo, qui est frequentissimus, concederetur usus armorum. Facile quidem est regi, propter potentiam et opes, conducere manus peditum exterorum, quos confecto bello dimittat, quod absq; magno suorum dispendio facere non possit, si milite utatur, in Gallia cōscripto. Fateor equidē, sed periculi plenum & sæpe fuit, & esse potest hodie, uti externis auxilijs. Primum enim, ingentem pecuniæ uim extra Galliæ fines illi secum asportant, deinde, fieri nō potest, ut eis, præsertim humilis conditionis hominibus, cuiusmodi ferè sunt pedites, tantum tribuatur fidei, quantum incolis regni, neq; sic ad officium cogi possunt, nec obsequentiam illam, quam nostri homines, præstant, & cum stipendium persoluitur, satisfieri uix illis potest, & si quid deliquerunt, uindictari non possunt, quum aliquò sunt maiori numero. Atqui delictum possit eius esse generis, ut summa calamitate regnū uniuersum adficiat, si uidelicet ipsorum culpa uel prælium sit factum aduersum, uel oppidum aliquod amissum. Sed &  
hoc

hoc metuendum est, ne si uiribus & numero superent, aliquam regni partem occupent, ut non in Gallijs tantum, sed alijs etiam in locis aliquando cōpertum est. Fieri etiam potest, ut illis aut uoluntas desit aut facultas, in tempore succurrendi, atque interim hostes maximo aliquo damno rempub. afficiant. A sseueritate autem homines natura bellicosos, & præmijs ac pollicitationibus allicere, permultum est in eo periculi. Nam & nostrum belli gerendi morem & scientiam omnem, & si quid in nobis desideretur, item promiscue multitudinis infirmitatem ac inscientiam, & quæ loca sint munita, quæ minus, breuiter, portus & aditus omnes usu cognoscunt, simul, quantæ sint Galliæ facultates ac opes, perspiciunt, ijsq; rebus omnibus ad bellum nobis inferendum, extimulant. quod multis alijs regnis, & huic quoq; recentis memoria, scimus accidisse. His ergo de causis mihi uidetur, quod adeo sit ineptus ad arma populus, ut externis semper utendum sit auxilijs, magnum in eo esse discrimen. Multis enim historiarum testimonijs demonstrari potest, eos, qui numeroso milite sunt usi peregrino, tandem

tandem in summas ob hoc ipsum incidis-  
 disse calamitates. Quum igitur pericu-  
 lum sit utrobique, consultissimum esse ui-  
 detur, instituererationem illam, de qua  
 non semel est deliberatum, ut per om-  
 nes regni prouincias, ex plurimis pau-  
 ci quidam deligantur, quam minimum  
 uitiosi, qui ad militiam uidentur & na-  
 tura esse facti, & optimè posse assuefie-  
 ri. His autem præficiendi sunt eiusdem  
 regionis homines, qui singulos norint,  
 ac fidem suam pro illis interponant,  
 eosque militum præfectos oportet esse ui-  
 ros integros, & minime auaros, qui fa-  
 uori & gratiæ nihil tribuant, in his præser-  
 tim, quæ ad regem remque publicam per-  
 tinent, qui militem ad disciplinam &  
 temperantiam instituant. His ipsis uero  
 præerunt maiores illi præfecti, Connes-  
 tablius, & Marecalli, eorumque legæ-  
 ti, ac prouinciarum præsides, operamque  
 dabunt, ut pacis tempore in armis exer-  
 ceantur, ad eamque rem utentur militi-  
 bus aliquot externis ueteranis, qui do-  
 ceant, quis ordo seruandus, quomodo  
 instruenda acies, atque pugnandum sit, &  
 quicquid est eius generis, cumque dele-  
 ctus habebitur, seueritatem adhibebunt,  
 & ne

et ne qua fraus omnino interueniat, pro-  
uidebunt, inprimis autem, ut quàm mi-  
nimo populi detrimẽto istud fiat, ideoq̃  
belli tempore stipendia illis, quantum la-  
tiserit, præbebunt, in ocio autem, ne  
quid eis ad mediocritatem, desit, cura-  
bunt, Interim uerò dum nostri discunt,  
& usum armorum sibi comparant, si qua  
necessitas incidit, licebit aliquam exte-  
riorum manum conducere, quibuscum  
nostri militent. Neq̃ uerò tunc etiam,  
cum erunt exercitati, alienum fuerit, ex-  
teris uti, partim, nostros subleuandi cau-  
sa, partim, ut ipso peditatus genere præ-  
stemus, partim, ut ex qua gente militem  
conducimus, ea nobis concilietur, & be-  
neuolentia quadam adiungatur. Sed in  
eo uidendum est, primum, ut ijs utamur,  
quos maximè fideles arbitramur  
nobis fore, deinde, ut numero sint no-  
stris pauciores. Ità enim nullus erit of-  
fensionis locus, & facultas illis deerit, op-  
primendi nostros, et si quid grauius ad-  
miserint, absq̃ magno negotio poterunt  
coherceri, & cum non equitatum modo  
nostrum, qui multo iam usu est omniũ  
longè exercitassimus, sed peditatum etiam  
am uidebunt in armis excellere, non so-  
lum uim



lum vim nullam inferre audebunt, sed ne qua ipsis inferatur vis, metuere etiam cogentur, ideoque pacem nobiscum perpetuo colent, ac magnopere cauebunt, ne offendant, itaque fiet, ut pecuniæ non exportentur e Gallijs, & populus minimum grauetur, neque sit ullus grauior motus pertimescendus. Nam qui per singulas prouincias conducentur milites, quoniam & pauci erunt singulis in locis, & interiectis spatijs dirimentur, non poterunt aut excitare alios ad rebellionem, aut coniurationem aliquam inter se facere, neque uero causam habituri sunt cur faciant, aucti stipendijs aliisque privilegijs, præ cæteris sui ordinis hominibus. imò, quoniam his beneficijs ornantur, multo erunt obsequentiores, ac diligenter, ne quid animaduersione dignum admittant, cauebunt, & cum exequendum erit aliquid in iudicijs definitum, præstare semper erunt. Hæc autem non sic accipi debent, quasi putem eos, qui sunt ad regni fines, non oportere magis esse in armis exercitatos, quam qui longissimè à finibus absunt. Minimè quidem istud: uerum ita sentio, qui sunt præfecti finibus, debere illos allicere ac

## DE REP. GALLIAE

propositis præmijs inuitare, ut sagittis,  
 & arcu & tormentis, & hastis & gladijs,  
 idēq; genus alijs armis diligenter se exer-  
 ceant, non quidem omnes indifferenter,  
 sed ij cum primis, qui corporis figura &  
 natura uidentur esse idonei. Nam certē  
 opus est, ut qui fines incolunt, habeant  
 quibus se suaq; defendant, arma, ne à ui-  
 cinis & finitimis opprimantur. Multae  
 enim oriri solent de finibus contentio-  
 nes, eoq; si ex longinquis sint euocandi  
 milites, qui resistent, maximo sit futu-  
 rum eius regionis, cui subsidio mittun-  
 tur, detrimento. Natura etiam, atque  
 more ita comparatum est, ut qui ad ipsos  
 regni fines habitant, pro laude atque  
 commodo sui principis, maiori studio,  
 quam alij, contendant, ideoq; ferē tribu-  
 ta & uectigalia, quae reliqui dependunt,  
 ipsis remitti solent. quanq; & hoc alio-  
 qui fieri æquum est, propter sumptum  
 quem pro cæteris faciunt, & rei familia-  
 ris dispendium, ac uaria pericula, qui-  
 bus belli tempore sunt expositi. Nam et  
 praesidia militum alunt, & excubare i-  
 ipsos, atq; locorum munitionibus deser-  
 uire oportet. De classe & exercitu mari-  
 timo instituendo, postea sum dicturus.

Et quoniam

Et quoniam in hoc genere præcipuum est, ut tam equitum quam peditum copia ad disciplinam militarem, non minus pacis quam belli tempore, domi pariter atque foris assuescant: ex hoc enim fonte profluit quicquid è belli studijs commodi sperare licet, idcirco pauca quædam de eo sum dicturus, & prolixitatis uitandæ causa, quæ Valerius & quæ Vegetius copiosè de his rebus tradiderunt, prætermittam, ac ea solum, quæ nostræ ætati maximè conueniunt, exponam, quid uidelicet detrimenti respub. acceperit propter neglectam disciplinam, & quomodo in posterum huic rei facienda sit medicina. his explicatis, quod reliquum est, prudentiæ regis, & eorum fidei, quibus auctoritatem rex tribuit, commitemus, Primum igitur, quanti sit momenti hæc, de qua loquimur, disciplina, nemo qui cognitas habeat historias & res gestas, Romanorum præsertim, ignorare potest, Hi enim præ cæteris diligentissimè illam seruauerunt, & eius adiumento potius, quam robore aut ui armorum, ad eam imperij magnitudinè peruenerunt. quod Valerius Maximus alijsq; multi testantur, & duces

aliquot populi Romani nomināt, qui ad  
 ueterem disciplinam reuocato & instituto  
 milite, uicerunt hostem antea uictorem  
 eius populi, ob proiectam atque deser-  
 tam disciplinā: & quod de Scipione Afri-  
 cano bellū gerente in Hispaniis com-  
 morāt, ualde est præ ceteris illustre. Hoc  
 igitur & id genus alia documenta, prin-  
 cipum animos ad imitationem excitare  
 debent. Duabus autem in rebus ea disci-  
 plina potissimum consistit, quæ simul  
 cohærent neque separari inuicem possunt.  
 Primum est, ut qui præficiuntur copiis,  
 egregia sint uirtute, alterum, ut milites  
 dicto sint audientes. Nam si & exerci-  
 tus imperator est idoneus, & reliqui sub  
 eo præfecti, tribuni, centuriones, ac uul-  
 gus militum, eius præceptis obtempe-  
 rant, dubitari non debet, quin recte omnia  
 procedant. Cum autem ex his alterum  
 deficit, fieri non potest, ut aliquid laude  
 dignum perficiatur. Nisi enim belli dux  
 multo usu comparatam habeat rei milita-  
 ris scientiam, nisi exacte teneat, quo-  
 modo res in omnem euentum atque ca-  
 sum administrari debeant, & nisi ea sit  
 uirtute, prudentia & animi fortitudine,  
 ut quod optimum in concilio uisum fue-  
 rit, natura

it, nauiter efficiat: despicietur non à suis tantum, sed ab hostibus etiam, & cum aliquid agere instituit, milite utetur inuito & trepidante: quòd si autem uirtutis opinionem haberet, alacres ac fiduciae pleni milites, nullum laborem atq; periculum sint recusaturi. Dici enim non potest, quàm multa secum trahat incommoda, belli dux aliquis aut ignauus atq; timidus, aut imperitus. Nihil enim circumspicit, nihil prouidet, nihil opportunè constituit, & facile circumuenitur ab hoste, & sæpenumero fallitur & errat, in quo reipublicæ salus nonnunquam tota periclitatur. Neq; uerò satis est, attribuire illi homines idoneos atq; perituros, qui in cōmune consulant: sed ipsum oportet ingenio ac prudentia ualere, ut rem, quæ in deliberationem uenit, intelligat, & inter multorum opiniones iudicium facere possit, ne quod pessimum est, eligat. Qua quidem in re tantò maiori est opus animaduersione atq; industria, quòd non raro fieri solet, ut cum pauci quidam apud imperatorem exercitus omnia possunt: reliqui indignentur atq; moleste ferant, & quacumq; res inciderit, ijs ipsis, quos præferri sibi do-

lent, contraria ferè pronuncient. Sepe etiam fit, ut exercitus præfecti, qui uel per ætatem uel alioqui uix tenuem habent rerum usum, hominibus idoneis & exercitatis anteferant eos, à quibus uel à paruulis educati sunt, uel qui auribus ipsorum atque uoluptatibus seruiunt. Ut autem belli dux per se ipse sapiat, uel ideò est necesse, ut cum aliquid repente incidit, quod aut deliberationem atq; moram non patitur, uel quod silentio regi oportet, idoneè, quod opus est, constituat & agat. Nam etiam si prudentissimorum hominum utatur consilio, tamen, nisi re ipsa uirtutem representet ac militum animos sibi deuinciat, parum profecerit. Quid autem opus est pluribus uerbis? Quia nō semper ad uirtutem animiq; præstantiam respicitur, sed fauore atq; gratia res agitur, & qui cōmodum aliquem nacti sunt intercessorem, aditum ferè habent ad eiusmodi præfecturas, idcirco tantæ saepe calamitates in rempublicam nostram inundarunt, ut in hominum quotidiano sermone nihil sit frequentius & usitatum magis. Itaq; si quis præditus esset ijs omnibus, quas dixi, uirtutibus, magnò sit res

sit redimendus, ac omnibus alijs præ-  
 ferendus, & illustri loco natí princi-  
 pes, non sint ægre laturi, si uoluntate re-  
 gis, imperio illius obtemperent. Sed  
 quoniam difficile est inuenire, qualem  
 desideramus, relinquitur, ut eos, qui  
 proximè ad perfectionem accedunt, e-  
 ligamus. Cicero putat in summo im-  
 peratore quatuor has res inesse oportere,  
 scientiam rei militaris, uirtutem,  
 authoritatem, foelicitatem. Ad hæc it-  
 gitur respiciendum est, cum aliquis  
 deligitur, tametsi quod de authoritate  
 dixit, superuacaneum esse uidetur. Nam  
 qui duo illa solum habet, quæ primo  
 loco dicuntur, hunc necessario ferè co-  
 mitatur authoritas, si modo rex illius  
 uirtuti tribuit quantum oportet. Ex  
 his autem duobus, utrum antecellat,  
 nunc dispiciendum est. Quæritur e-  
 nim, cum duo sunt, quorum unus scien-  
 tia rei bellicæ, alter autem uirtute excel-  
 lit, uter sit præferendus. Cicero uidetur  
 ita sentire, ut existimet uirtuti esse præ-  
 ferendam scientiam: nobis autem se-  
 cus apparet. Virtute enim, quæ sit ad-  
 iuta fideli consilio, longè plus effici po-  
 test, quàm sola scientia, quæ uirtute ca-

reat. quod in Alexandro, Hannibale,  
 Scipione, satis demonstrari potest, qui iu-  
 uenilibus annis præfecti summæ impe-  
 rij, non poterant per ætatem, tantis re-  
 bus gerendis idoneam aut satis magnā  
 habere scientiam: sed quoniam innata  
 fuit ipsis præstantissima quædam uis a-  
 nimi, multò fecerunt illustriora, quā  
 alij, in armis quidem & usu militari plu-  
 rimis annis exercitati, uerum ea, quam  
 diximus, uirtute destituti. Duobus igitur  
 in medium adductis, quorum alter  
 sit rei bellicæ peritissimus, uim autem il-  
 lam animicq; fortitudinem non habeat,  
 alter uerò non magnum quidem habeat  
 usum armorum, animo uerò sit excellen-  
 ti, & ad omnia subeunda parato: hunc  
 certè longè illi præposuerim, tū propter  
 ea quæ diximus, tum quòd hic scientia  
 am exercitatione, ille autem robur ani-  
 micq; præsentiam uix ullo tempore sibi  
 comparare posse uidetur. Sed quoniam  
 uix est, ut qui pluribus annis militiæ stu-  
 duit, & rem omnem perspectam habet,  
 non sit etiam animosus, & quia multi ui-  
 cissim reperiuntur, animo quidem pa-  
 rati ad quiduis, minimè uerò periti rei  
 militaris: hanc esse puto causam, cur Ci-  
 cero



cero scientiam illam interea, quæ in im-  
 peratore requirit, primo loco numera-  
 rit. Dignitas autem atq; splendor fami-  
 liae, magnam tum auctoritatem tum  
 beneuolentiã imperatori cõciliat. Cum  
 ergo uirtute præditus est aliquis illustri  
 loco natus, præferri debet alijs inferiori-  
 bus: quod tamen sic accipiendum est, si  
 in uirtute nihil sit temeritatis, quæ sapi-  
 entum & peritorum hominum consilia  
 repudiet. In eo enim tantò plus est peri-  
 culi, quantò maiorẽ ille potestatem obti-  
 net. Verum si moderato sit ingenio, &  
 quos peritos esse cognouit, eos libenter  
 audiat differentes de rebus, & si iudici-  
 um habeat, ut disceptata causa, quod  
 optimum est, eligat, eicq; facultati uim  
 etiam animicq; promptitudinem adiun-  
 gat: omnibus alijs, meo quidem iudis-  
 cio, debet anteponi, eicq; sunt attribuen-  
 di uiri prudentes, qui quod in eo forsi-  
 tan desiderabitur, suppleant. Et quan-  
 quam hæc propiè ad legatum regis per-  
 tinent, cui demandata est summa rerum,  
 tamen, cum rex ipse bello intererit, etio-  
 am si magna sit præditus experientia, ual-  
 de cauebit, ne rem ullam maioris mo-  
 menti, nisi communicato prius consilio,

faciat . Alterum, quod in belli dūce in-  
 esse oportet , in Gallijs ferè contemni-  
 tur, ut sit eloquens, & omnis generis hi-  
 storias tam ueteres quàm recentes habe-  
 at exploratas . Cum enim grauius ali-  
 quod tempus incidit, cū magnę res dif-  
 ficultatis atque periculi obijcitur, ele-  
 gans atq; prudens imperatoris oratio  
 uehemēter inflammat militum animos;  
 quòd si uerò nihil eiusmodi interueni-  
 at, remollescit eorum uirtus , ut in C.  
 Cæsaris commentarijs non uno loco  
 uidere licet . Quid enim oratio possit  
 firmis adiuta sententijs, declarauit idem  
 Cæsar , cum ad Vefontionem Sequae-  
 norum oppidum, aliquandiu moratus,  
 aduersus Ariouistum Germanorū  
 regem , cum exercitu proficisceretur,  
 Hoc genus alia testimonia multa repe-  
 riuntur in Xenophontis libro, qui de  
 Cyri profecione in Persiam est conscri-  
 ptus, quē librum in nostrā linguam ipse  
 conuertit: reperiantur item quàm pluri-  
 ma in Salustio, Tito Liuiō, Q. Curtio,  
 & omnibus pariter historicis. Quamob-  
 rem itā statuo, quòd si consuetudo illa  
 uetus concionandi ad militem reuo-  
 caretur in usum , & ab imperatoribus  
 nostris

nostris recoleretur, non mediocrem ex  
 ea re commoditatem posse ad Rempu-  
 blicam redire: Et hæc quidem de im-  
 peratoris aut legati regis officio satis  
 dicta sint: nunc uerò quid regem in-  
 uicem facere oporteat, paucis demon-  
 strabo: Quem ergò suis copijs præfe-  
 cit, huic omnem auctoritatem admini-  
 strandi belli tribuet, sic ut nemo sit in  
 castris atque exercitu, qui non ei pare-  
 at: qui uerò secus fecerint, in eos gra-  
 uiter uindicabit, & quò maiori est po-  
 tentia is qui detrectat imperium, & quò  
 plures ad idem facinus impellere po-  
 test: eò seueriori pœna mulctari debet.  
 Nisi enim auctoritatem belli dux ob-  
 tineat, & nisi in honore ipsum habe-  
 ant, ac dicto sint audientes milites, ni-  
 hil unquam laude dignum efficiet. Hinc  
 est, quòd supra diximus, non proba-  
 ri Venetorum institutum, qui cum in-  
 continente bella gerunt, legatos adiun-  
 gunt, qui exercitus imperatori præscri-  
 bant. Si prælio sit dimicandum, si quod  
 oppidum obsidendum, si mittenda sub-  
 sidia, si dimittendi milites aut etiam  
 conducendi, si facienda sit oppugna-  
 tio, si deditione capiendi qui obsiden-  
 tur

tur, si puniendi facinorosi, si remunerandi & præmijs ornandi aliqui propter uirtutem, si constituendi præfecti, in his rebus omnibus, quid agendum sit, illi præfiniunt. In quo sane ualde peccatur. nec enim ullum aut collegam aut maioris authoritatis aliquem, qui non sit in re bellica exercitatus, attribuere oportet imperatori. Quantum uerò ad reliquam administrationem attinet, nō me latet, opus esse pluribus, partim ut belli dux non distineatur alijs occupationibus, partim, quòd eiusmodi munera sunt ab eius remota professione. nam alijs sunt ad alias res magis idonei. Sed eius tamen, qui summæ rerum præficiatur, authoritas, intra hos fines includi debet, ut quoties aliquid maioris incidit momenti, quod celeritatem non requirit, ab ipso rege petatur consiliū. In eius quidem potestate non erit, nouum aliud quod excitare bellum, aut pacem induci a se longiores facere cū hoste, nisi iussu ac uoluntate regis, aut nisi magna quædam interueniat necessitas. Tunc enim licet, atq; ut paucis absoluam, pro conditione hominis, atq; causæ. & pro magnitudine interualli, tribuenda est illi potestas.

potestas. Sic enim Romani, consulibus ad longinqua bella proficiscentibus, maiorem concedebant potestatem, quam cum in Italia bellum gerebatur: sæpe etiam, pro eius, qui mittebatur, uirtute, plus minusue tribuebant. In summam uerò difficultatem rebus adductis, creabant Dictatorem, penes quem erat omne arbitrium. Qui plura uolet cognoscere de his, quæ in belli duce requiruntur, facile sibi ipse collegerit ex plerisque libris ea de re scriptis, et ex historijs, ijs præsertim, quæ clarissimorum hominum res gestas commemorant, cuiusmodi fuerunt Cyrus, Alexander, Pyrrhus, Hanibal, Marcellus, Fabius, Scipio, Themistocles, Lysander, C. Cæsar, & id genus alij, quorum facit mentionem Plutarchus. In iisdem quoque libris reperire licet abundè, quicquid ad disciplinam militum pertinet, quod est alterum mei propositi caput. & quanquam à superiori dependet, tamen separatim de eo loquar, non multa quidem, sed ea solummodo, quæ ad nostrum tempus propriè pertinent, quæque & ipse uidi, & ab hominibus earum rerum peritis cognoui. Sunt autem tria potissimum eius disciplinæ præcepta: ex  
ijs pri-

ijs primum est, ut milites imperatori suo  
 pareant, de quo satis antea. Scipionis  
 Africani dictum celebratur, Mille mi-  
 lites obsequentes, præstare decem mil-  
 libus non obtemperantibus. Ab ipso  
 autem duce pendet hæc obedientia:  
 Nam si nomini ac professioni suæ re-  
 spondet, si rex illi, quam oportet autho-  
 ritatem tribuit, non dubium est, quin di-  
 cto sit habiturus illos audientes. Nec e-  
 nim ulla reperitur hominum natio tam  
 barbara, tam efferata, quæ legibus atque pœ-  
 nis non possit ad officium & equitatem  
 adduci. Hæc autem seueritas in primis est  
 necessaria militiæ. nisi enim interueni-  
 at, tumultuose ac perturbate omnia fi-  
 ent. qua quidem in re quantum sit ma-  
 lorum, quis omnium ignorat? Valde sunt  
 igitur reprehendendi præfecti, qui con-  
 ciliandi fauoris causa, uel ut benigni at-  
 que clementes uideantur, nimis leui-  
 ter militibus ignoscunt, ac sæpe etiam  
 delicta dissimulant, in quo tanto magis  
 peccatur, cum uel imperatori non est  
 obtemperatum, uel aliquid contra leges  
 aut militiæ morem admittitur: quæ cum  
 dimittuntur impunita, summam adfe-  
 runt licentiam, ac disciplinam omnem  
 eneruant,

eneruant. Seueritas enim magis, quàm  
 facilitas atque mobilitas imperatorem  
 decet. Erat Iulius Cæsar in cæteris re-  
 bus omnibus clementissimus: belli ue-  
 rò tempore non item, neq; tamen idcir-  
 co milites eum oderant, imò uehemen-  
 tissimè amabant, ferè enim fit, ut qui ni-  
 mium militibus indulgent, eblandien-  
 di fauoris atq; gratiæ causa, tandem ob  
 hoc ipsum uituperentur & in odia plu-  
 rimorum incurrant: qui autem in offi-  
 cio illos continent, hi et amentur, & ma-  
 gnis celebrentur laudibus. Vt ergo le-  
 gibus pareant, & pro scelere ipsorum  
 puniantur milites, imperatoris est pro-  
 uidere, tunc in primis: cum uel singula-  
 ris aliquis, uel complures etiam priua-  
 ti, aliquid animaduersione dignum ad-  
 miserunt. Cum enim aut totus exerci-  
 tus, aut pars eius aliqua deliquit, dissimulandum est nōnunquam pro tempo-  
 re, maioris uitandi motus causa: ue-  
 rum ubi nullum est amplius periculum,  
 dabit operam, ut aut ulciscatur factum,  
 aut ita se comparet, ut omnes intellia-  
 gant, iniquissimo se animo ferre, quic-  
 quid contra maiestatem imperij, rem q; publicam admissum sit, neque in poste-  
 rum

rum eiusmodi petulantiam esse dimissu-  
rum inultam, Cauebit etiam, ne quam  
militibus det causam seditionis: quod  
erit, si de ipsorum iure nihil diminuat, si  
nihil cupidè nihil auarè committat, si li-  
beralitate iuuat eos, qui uidebuntur esse  
digni. sed in primis cauendum est, ne  
quam fraudem in stipendijs faciat, & ut  
ad certum diem ea dependat, neq; solu-  
tionem differat, & cum in promptu non  
erunt pecuniæ, dolere sibi demonstrat,  
simul operam det, ut acceleretur, atq; in-  
terim omnem humanitatem illis præ-  
stet. Si qua uerò sit commeatus inopia,  
confirmabit eos, quibuscunq; poterit ra-  
tionibus, ac se quoq; in eadem esse diffi-  
cultate ostendet, inq; rebus omnibus a-  
morem suum in ipsos declarabit, eo-  
rumq; incommodis non secus atq; pro-  
prijs affici atq; commoueri se præ se fe-  
ret, sic tamen, ut sui muneris atq; loci di-  
gnitatem seruet, neq; nimium se demit-  
tat, ad illos præsertim, qui sunt seditiosi  
& minus obtemperantes. Duces autem  
atq; præfectos, & centuriones & præci-  
puos quoq; milites, amāter ac familiari-  
ter habebit, & ex omnibus copijs unam  
aliquam cohortem, de qua maiorem  
uirtu-



uirtutis opinionem habebit, singulari  
beneuolentia complectetur, & quanti  
eam faciat quantumq; tribuat, significa-  
bit, quod tamen ea dexteritate fieri de-  
bet, ut reliqui non inuideant, sed ad æ-  
mulationem excitentur ac uirtute cum  
illis contendant. Facile hoc efficiet ac  
consequetur, si meritis honos ille ac be-  
neficientia tribuatur, sicut C. Cæsarem  
erga legionem decimam fecisse constat.  
Hanc rationem si sequatur imperator,  
non temere nascentur seditiones, aut na-  
tæ, minimo negotio componentur. Al-  
terum eius disciplinæ præceptum est, ut  
milites honestè ac sobriè uiuant, quorū  
illud ad pietatem & ad Rempublicam  
pertinet, ne uidelicet Deum offendant.  
Non est ergo concedendum illis, ut no-  
mini diuino contumeliam ullam faci-  
ant; ne qua uis etiā sacris inferatur lo-  
cis & Ecclesiasticis & uiduis & pupillis  
et alijs id genus calamitosiis hominibus.  
Imperatoris est providere, suosq; à libi-  
dinibus & raptu & stupris, magna cōsti-  
tuta pœna, prohibebit. Eiusmodi enim  
maleficijs irritatus Deus, graues non-  
nunquam plagas immittit, ut tam sacrae  
quàm profanae historiæ testatur. Scor

tis igitur nullum in castris locum permit-  
 tet, ut Scipionem Africanum in Hispa-  
 nijs fecisse legimus. Quod si autem gra-  
 uioris incommodi uitandi causa conce-  
 dendum est, quemadmodum in ciuitati-  
 bus fieri uideamus, curabit tamen, ne nu-  
 merus modum excedat, et tum uerbis tum  
 re ipsa militibus demonstrabit, impurum  
 illud uitę genus displicere sibi uehemen-  
 ter, & qui eo sunt contaminati, leuiter æ-  
 stimabit, eos uero qui temperanter &  
 honeste uiuunt, magni faciet. Quia enim  
 maximam temporis partem in uitę peri-  
 culo uersantur, idcirco decet eos pietas  
 atq; modestia, sed & uehementer in eo  
 peccant nostri homines, præsertim pedi-  
 tes, ac uitę turpitudini hoc etiam scelus  
 adiungunt, quod magnis iniurijs nomen  
 diuinum afficiunt, idq; adeo nunc obtinu-  
 it, ut nullius ferè sit pretij, et ignauus esse  
 putetur, qui non in eo maxime excellat.  
 quò minus debet uideri mirum, quod ni-  
 hil egregie perficiant. Cauendum est eti-  
 am, ne qua simultas inter ipsos oriatur,  
 uel ut orta statim sedetur, uitandi causa  
 maioris periculi. quod maxime tum so-  
 let euenire, cum in exercitu sunt non unius  
 gentis atq; linguæ homines, Optimum  
 igitur

igitur est, ut qui moribus et lingua et institutis inter se differunt, non contineantur hisdem castris, uerum ut alij separentur ab alijs, nec ulla præbeatur ipsis occasio miscendi se, quod fieri cōsuevit, cum uel annona distribuitur, uel ad direptiones atq; prædam concurritur. Ad eam rem ualde confert præfectorum atq; centurionum mutua inter ipsos notitia & beneuolentia. Continenter etiam atq; sobriè uiuendum esse militibus, antea diximus, ut scilicet in uictu quotidiano & uestibus omnem luxum defugiāt, neq; se mollitiæ dedant, quod nunc per totam ferè Europam fieri uidemus, maxime uerò per Galliam, ubi sic assueuerunt delitijs, ut in castris non minus copiosè & lautè & molliter uiuant, quàm si domi essent. Ex ipsis pleriq; nunquam ferunt arma, nisi cū necessitas urget, cum uel metuunt, uel dimicandum est prælio, et ne tunc quidem laborem adhuc subeunt, sed armorum partem maiorem suis calonibus atq; seruis ferèdam tradunt, qua quidem in re multum sanè est incommodi. Primum enim, remittitur eorum uirtus, ac relanguescunt animi & effœminantur, quod Hannibali eiusq; co-

pijs, dum Capuæ ac in reliquis Campa-  
niæ locis moraretur, scimus accidisse.  
Deinde, maximo commeatu opus est il-  
lis, et summa rerum copia, neque enim re-  
bus ad uictum necessarijs contēti sunt,  
sed exquisitissimos etiam cibos requi-  
runt, & si quid desit, agunt seditiose, &  
propter mutatum uitæ genus consue-  
tum, incidunt frequenter in morbos,  
quod minimè fieret, si sobrietati perpe-  
tuo studerent. Ad hæc, propter calorum  
& iumentorum multitudinem, quæ ci-  
baria & impedimenta perferunt, anno-  
næ caritatem & inedia excitant, & bel-  
li administrationem impediunt, & cum  
prælio decertandum est, magnis sunt de-  
fendendi præsidijs, & non rarò fit, ut e-  
quites, quum suarum rerum iacturam  
metuunt, ordines deserant, & suis, qui  
sunt cum impedimentis, auxilio profici-  
ciscantur. Postremò, sumptibus exhaus-  
ti milites, quando è stipendijs nihil ha-  
bent reliquum, præde student atque rapi-  
nis, & populum quem defendere debe-  
bāt, magnis adficiunt incōmodis, ideoque  
uulgo sunt odiosi, & cum bellum inci-  
dit, non minus quàm hostes ipsi metu-  
untur, & hominibus causam sæpe præ-  
bent

bent deferendi sedes, alioq; commigrandi. Huic autem malo facienda est medicina, ut ne uoluntates hominum alienentur, neue alij deterriti nostrum imperium detestentur & exhorrescant, totisq; uiribus huc incumbendum est, ut nostre lenitatis ac moderationis fama, longè lateq; apud finitimos excitetur. neq; enim dubium est, quin bene constituta republi- ca, pleriq; omnes nostrum imperium quibuscunq; alijs anteponant. Postquam ergo de republica tam domi quam foris administranda, diximus, reliquum est, ut quemadmodum rex erga uicinos principes atq; populos gerere se debeat, tam pacis, quam belli tempore, exponamus, quo quidem in argumento plus est difficultatis, quam in cæteris. Quomodo enim domi gerenda sint omnia, & quæ sint eius rei rationes, non pauci præstantes uiri cognitum habent atque perspectum: sed magnæ prudentiæ est atq; industriæ, cognoscere, quomodo sint in amicitia retinendi populi externi, quibus Gallia est undiq; cincta, Itali, Sabaudi, Heluetij, Angli, Belgæ, Hispani, Germani. Tenere enim rationem atq; modum gubernandi quos noueris, quicq;

## DE REP. GALLIÆ

tuo sint subiecti imperio, non tam est difficile, quàm pacem posse colere cum ijs, quorum ingenia non satis perspexeris, & in quos nullum habeas imperiũ. Atq; interim tamen hæc ratio sic est necessaria, ut ad regni salutem in primis pertineat. Habet autem difficultatem magnam, non ad agendũ modo, sed ad cognoscendum etiam, ut uidelicet rectè aliquis & idoneè præfinire possit atq; docere, quid in eo maximè cõueniat. Nam ad exteriorum mores, ingeniũ, negocia, et quæ sepe incidit in his omnibus, mutationem, accommodanda sunt consilia: neq; rarò fit, ut quibus aliquando sumus uisi pacatis & amicis, ab ijsdem nunc, ut ab hostibus, cauere nos oporteat: cõtrà, quos olim sumus experti nobis aduersarios, ut ijs fauorem ac beneuolentiam omnem præstemus. Et quia sit futurũ odium, speciàtim de his rebus loqui, quæ mea sit sententiã, in genere proponam. Primum igitur est, ut qui principatum obtinent, pacem cum uicinis omnibus & exteris colant, nisi forte uel natura gentis uel religio diuersa repugnet. Semper enim paci consulendum est, quæ firma sit atq; constans, & quæ nihil habitura sit

ra sit infidiarum, & in fuscipiendō bello  
nihil tribuendū est ambitioni, nihil glo-  
rię cupiditati, nihil animi perturbationi-  
bus, sed cum nostra uel repetimus, uel  
iniuriam aliquam ulcisci cogitamus,  
ad uim cōfugiendum est, si disceptatio-  
ne uti non licet. item defendendi causa  
uicinos & propinquos et amicos, aduer-  
sus uim & iniuriam, arma etiam capi-  
mus. In primis autem ut à nobis ipsis &  
ab ijs qui nostro subiecti sunt imperio,  
uim propulsemus. Quo in genere quid  
sit obseruandum & agendū prius, quàm  
ad arma ueniatur, in præsentia non di-  
cam, quia non est nostri propositi. Sed  
quoniam homines natura sunt uitiosi, &  
in principibus uiris plæruncq; existunt  
honoris, imperij, potentię & glorię cupi-  
ditates, diligenter obseruandum est,  
quid agant aut moliantur uicini, & pro-  
uidēdum, ne facultatem habeant ullam  
nocendi, in eaq; re pro tempore & loco,  
& eius quem metuimus, conditione, agi  
oportet. Nam qui ad faciendā iniuriam  
instructus est, qui uel actionem contra  
nos habet, uel alioqui ueteres nobiscū  
exercet similitates, ab hoc multo dili-  
gentius cauendum est, quàm ab eo, qui

neq̃ magna potentia præditus est, neq̃  
 maleuolentiæ causam ullam habet, aut  
 ex ijs altero destituitur, sic etiam, ab eo  
 qui uersutus est atq̃ callidus, & in quò  
 cupiditas ambitioq̃ dominantur, magis  
 ut nobis cauëamus oportet, quàm ab  
 eo, in quò nulla est fraudis iniuriæq̃ su-  
 spicio, & qui non est ea uel uirtute uel  
 potentia, ut uim ullam nobis inferat. Cū  
 illis igitur à quibus iniuriā metuitur, ui-  
 uendū est amicē, pacis tēpore, sic, ut nul-  
 lam habeant doloris causam, & agendū  
 liberaliter, ut intelligant plurimum ipsis  
 tribui & confidi. Quòd si uerò callidē &  
 simulatē nobiscum agere, & si faculta-  
 tes atq̃ uires habeant, aut etiam oblata  
 occasione, damnum allaturi nobis atq̃  
 bellum suscepturi uidebuntur, impedi-  
 endi sunt quibuscunq̃ licet honestis ra-  
 tionibus; id enī iure tam diuinò quàm  
 humano concessum est. Cuiusmodi au-  
 tem sint hæ rationes, breuiter exponam;  
 non quidem omnes, uerum eas, quarū  
 in hoc tempore meminisse possum, ex  
 ijsq̃ reliquas erit non difficile intellige-  
 re. Primum ergo, non est permittendum  
 ijs, quos diximus, uicinis, quantum uis  
 etiam uideantur esse amici, ut in Gallijs  
 aliquis



aliquid faciant aut experiantur, quod  
 ipsis occasionē deinde præbeat munien-  
 di se aduersum nos. Eius generis sunt,  
 ne ipsis aut transire cum copijs, aut com-  
 morari diutius, aut annonam & arma,  
 præter modum exportare liceat, neue  
 concedatur, ut nimis magnum habeant  
 usum ac familiaritatem, aut sua consilia  
 communicent cum nostræ ditionis ho-  
 minibus, ijs præsertim, qui fines inco-  
 lunt & præfecti sunt oppidorum custo-  
 dijs. Alterum est, ut fines bene munian-  
 tur, ne qua uis inopinātibus adferatur.  
 Nam occasio & facultas perficiendi, sæ-  
 pe homines inuitat, eos præsertim, qui  
 propter emolumentum non dubitant  
 uiolare fidem, & allicit, ut aliquid ten-  
 tent & audeant, quod alioqui minimè  
 sint facturi, si proposita difficultate, fru-  
 strā se conaturos uiderent. Tertium est,  
 ut eos, qui fidelem operam nobis præsti-  
 terunt, rebus asperis, non deseramus ul-  
 lo tempore, tunc in primis, quando cum  
 hoste paciscimur, neq; prædæ aut pericu-  
 lo fortunas eorum atq; salutem obijcia-  
 mus, uerum ijsdem conditionibus com-  
 plectamur, quas nobis ipsis pacti su-  
 mus. Nam alioquin & facultas illis au-

fertur opitulandi deinceps, ac simul causa præbetur, ut à nobis deserti atq; proditi, rationes ineant, quemadmodum reconciliati ad hostem transeant, in eoq; quantum sit incommodi, facile quiuis intelligit. Nam & inimici confirmantur, & complures alij exemplo perterriti, recedunt ab amicitia, nisi imperio aut necessitate prohibeantur. Hæc etiam est causa, quam obrem populi iniurias rex minimè negligere debeat, eorum præsertim qui sunt in finibus. hos enim accerrimè propugnabit, ut ad uirtutem inflammet, & ad omnia sui causa perferenda reddat alacriores. Quartum est, ut ei, quem diximus, uicino suspecto, impedimentum semper aliquod inferatur, ne nouis amicitijs atque facultatibus crescat. Cum enim periculum est, ne nouis accessionibus amplificatus, nobis noceat, impedire conatus illius licet atque tardare. Et sicut Paulum fecisse constat, excitata similitate atque dissidio inter Iudeos, qui in ipsius perniciem coniurauerant: ad eundem quoque modum licet occultè factiones & diffidentiam & dissidium alere inter eos, qui conciliati & amicitia coniuncti, nobis incommoda-

commodare possent, nec id modo, uerum etiam in ipso, quem suspectum habemus, eiusque populo idem est faciendum, sic tamen ut nullum turpe uel immane facinus interueniat. Neque uero solum impediendus est, ut ne potentior euadat: sed incundæ sunt etiam rationes, ut sumptibus exhauriatur, & seipsum infirmiores reddat, & ut amicitiae illi omnes atque praesidia, quibus ad nostram pernitiem uti possit, detrahantur. In primis autem elaborandum est, ut qui sunt in eius familia uiri praestantes consilio et uirtute, ad nostras traducantur partes. quod quidem nemo facilius quam Galliae rex, efficere potest, propter omnium generis praefecturas, & munera publica, quorum infinitus est numerus, indeoque fit, ut exteri, posteaquam copias et emolumenta Galliae semel experti sunt, inuitissimè redeant ad suos. imò, non semel compertum est, illos, quum pro uirtute ac merito honestè & liberaliter essent à nobis habitì, non minorem nobis fidem praestitisse, quam nostrae originis atque linguae homines. Beneficijs enim nostris et humanitate capti, agros et possessiones, quas domi habent, saepe relinquunt,

quunt, et nobis sese totos tradunt, et per-  
 specta eorum uirtute, grauissimas ali-  
 quando praefecturas à regibus obtinēt,  
 & prouincijs finibusq; tuendis praepo-  
 nuntur, & praclare de repub. saepe me-  
 riti sunt: ac docere possim, quibus tem-  
 poribus illi, quum suam operam nobis  
 detulissent, repudiati, maximis incom-  
 modis Galliam adfecerint. Hoc autem  
 non eò pertinet, ut existimem ab initio  
 statim illis fidendum, aut ullam rem ma-  
 ioris momenti commitendam esse: ue-  
 rum ut beneuolè recipiantur, & ubi suae  
 uirtutis ac probitatis fidem fecerint, or-  
 nentur & augeantur. Hæ ferè sunt rati-  
 ones, quibus utendum esse puto pacis  
 tempore erga uicinos, quorum de fide  
 & amicitia dubitamus, in eoq; sic agen-  
 dum est, ut quàm minimum offendan-  
 tur. Cum autem ad uim illos & inferen-  
 dam iniuriam spectare uidebimus, cum  
 sese munient, & quæ necessaria sunt ad  
 bellum, praeparabunt, primum monen-  
 di sunt, ut ab armis abstineant, & aequi-  
 tate rem gerant, & adhibendi uiri boni,  
 tanquam arbitri, qui controuersiam mi-  
 nuant. Qui enim hanc rationem sequi-  
 tur, quoniam sibi displicere contentio-  
 nem

nem omnem, & pacis cupidum se proficitur, is & Deum sibi reddit propitium, & hominum beneuolentiam conciliat, & populum suo subiectū imperio promptum efficit et alacrem, et amicos omnes habet sui propositi adiutores, & aduersariorum animos impetumq; refringit. Nihilò secius tamen interim sese communit, ut à rebus omnibus sit paratus, & ut non modo bellum illatum defendat, uerum etiam, si sit opus, inferat & hostem laceffat. Nam ad impetrandam pacem nihil est utilius, quàm ut ad bellum aliquis habeat omnia parata & instructa, nec ullam significationem metus præbeat. Infirmitas enim uirium & animi imbecillitas in aliquo deprehensa, uehementer ad inferendum bellum excitare solent. Cauendum est ergo regi, ne ad hostem timidè se atq; demissè gerat, præsertim, si qua sit affectus contumelia, neue pacē sollicitet, nisi extrema coactus necessitate, eoq; magis cauere debet, cū hostis est aut cupidus aut ambitiosus aut superbus. Huic enim augetur animus illa demissione, & alij cum timorem animaduuerterint, relanguescunt, suisq; rebus incipiunt desperare, & durissimis

simis ferè conditionibus paciscendum est, quoties ad hunc modū pax ambītur ac uelut emendicatur. Eius rei documenta peti possunt ab Atheniensibus, quando Persarum reges bellum ipsis inferebant, et à Romanis, quū grauissimis essent implicati bellis, praesertim aduersus Hannibalem. In summis enim angustiis cōstituti magnā semper animi fortitudinem atq; constantiam praeseferabant, neq; turpem ullam aut indignam pacis conditionem admittebant. quā sanè uirtus animiq; magnitudo regem aut principem uirum non paulò magis quàm ciuitatem aut populum aliquem decet. Praeter id, quod diximus, de munientis locis, uidendum est etiam, quomodo illi quā plurimum noceri possit, ante bellum. Nam sicut ignauiae tribuitur, si trepides ac hostem metuas: ita quoque temeritatis est, contemnere illum, & imprudentiae, non prouidere suis rebus in tempore. Valde enim est indecorum, ubi praeter opinionem aliquid accidit, dicere uulgatum illud, Non putaram, praesertim si res fuit eius generis, ut praeuideri posset atque caueri. Neq; uerò dubium est, quin consiliū idoneū

idoneū susceptum, & diu multumq; de-  
 liberatum in rebus bellicis, tanti aut etiā  
 am maioris sit momenti, quā robur  
 ipsum & uis armorū atq; copiarū. Hac  
 enim ratione bellum non modo defen-  
 di, uerum etiam aliō, ac in ipsum quoq;  
 hostem deriuari potest, quod ad regni sa-  
 lutem imprimis pertinet. Nīmis enim  
 multa sunt pericula, quum in nostris fi-  
 nibus & agris bellum geritur, quod si  
 uerō bellum ipse inferas, & hostem in-  
 uadas, nihil earum rerum tibi sit metuen-  
 dum. Anima duertit hoc Scīpiō Afrī-  
 canus, qui Carthaginem deleuit, & au-  
 thor fuit Romanis, tunc uehementer af-  
 flictis ab Hannibale, ut in Africam pro-  
 fecti, Carthaginensibus bellum face-  
 rent, qua quidem re factum est, ut omni  
 depulso ab Italia periculo, Romanum  
 imperium, uires ac dignitatem pristi-  
 nam recuperaret, illa uero populi Ro-  
 mani æmula ciuitas funditus euertere-  
 tur. Hoc ipsum deinde Hannibal, An-  
 tiocho regi; ad quem profugerat, bel-  
 lum gerenti cum Romanis, suasit, &  
 prudenter quidem: sed ille cum non ob-  
 temperaret, in maximas incidit calamī-  
 tates, atqui nihil est opus antiquitate,  
 ad ea

ad ea demonstranda, quando nostri temporis exempla satis declarant uerum esse quod dicimus. Putant nonnulli, si bellum sustineatur in finibus regni per annos decem, multò id esse tolerabilius & minus perniciosum reipublicæ, quàm si foris & apud externos unò tantum anno geratur, id què sic existimant propter pecuniæ magnitudinem, quæ profunditur & à Gallijs exportatur: sed eorum est iam pridem explosa & repudiata sententia. Sic enim omnes prope statuunt, decem annorum bellum, administratum à nobis in Italia, multò minus reipublicæ nocere, quàm si per unum duntaxat annum in finibus geratur. Non nego equidem, unius arcis aut oppidi possessionem acquisitam in finibus, modo ut fieri possit absque grauiori motu, magis esse commodam & opportunam reipublicæ, quàm si foris & longè à finibus multa simus adepti. uerum ea de re postea sum dicturus. Qui igitur & auctoritatem ad uicinos retinere, & illis uolet uti pacatis, ordinem rebus omnibus adhibeat, & sit in omnem euentum atque casum, siue repentinum siue deliberatum, instructus atque paratus, & amicitias conseruet, & rationes



nes incat, quibus aut bellum aliò transferat, aut is qui uim inferre cogitat, tardetur & impediatur. Et quanq̃ Gallia præ ceteris regionibus facile potest inferentibus bellum resistere, partim propter omnium ordinum obsequentiam & affectum erga regem, partim propter colligendæ pecuniæ facultatem, partim etiam propter amplissimum & perpetuum equitatum; tamen ex usu & dignitate rei pub, sit futurũ, si mari quoq̃ plurimum possemus, quandoquidem & ad Oceanum & ad mediterraneum mare Gallia pertinet. Sic enim fieret, ut non modo ciuitates ac populi maritimi, ualde locupletes atq̃ copiosi, regis impetio subiecti, sed uicini quoq̃ omnes, metu periculi, in fide & amicitia permanerent: mercatores etiam multò liberius atq̃ tutius cõmearent, & maximas rei publicæ commoditates adferrent, & orato bello, nauigatione hostes facile possent propter nostræ classis magnitudinem, prohiberi, & omnibus in locis, quò nostris nauibus pateret aditus, militum præsidia disponere, & sumptum facere cogerentur, nostramq̃ oram maritimam minimè auderent diuexare. Nam

una solum classis bene munita rebus necessarijs, propter commoditatem navigationis usui & auxilio esse potest multis regionibus, longo separatis intervallo, quod terrestris exercitus minimè potest. Etenim nostra ætate, quomodo Veneti ac Genuenses creuerint, suosq; fines dilatarint scientia & usu rei maritimæ, nihil attinet commemorare, & historiæ plærq; testantur, eos qui mari plurimum possent, celeritate & magnitudine rerum gestarum, præstitisse alijs, qui in continente solum alerent exercitus. Exemplo sunt Athenienses, Carthaginenses, Romani, qui tunc demum, ubi mare sibi patefecissent, uehementer suum auxerunt imperium, longissimeq; sunt progressi, Cn. Pompeius in primis, qui sexaginta dierum spacio, totum illud mare a prædonibus liberauit, & ciuitatibus omnibus atque socijs populi Romani tutam præstitit navigationem, cum ante id tempus, in ipso propè conspectu urbis Romæ, piratæ grassarentur, nec quisquam, nisi illorum beneficio atque permissu, ausus esset mari sese committere. Terra certè nihil eiusmodi fieri potuisset, nisi plurimis exercitijs  
 bus &

bus & longissimo tempore . quò magis  
 uidere licet, quanti sint momenti nauig-  
 gationes illę. Nam n̄ quos diximus, præ-  
 dones, etsi humilis erant conditionis  
 atque fortunę: tamen freti sua scientia,  
 non socios tantum populi Romani, sed  
 & ipsam urbem Romam, in eas redege-  
 rant angustias atq; difficultates, ut nisi  
 Pompei uirtus atq; fœlicitas interuenis-  
 set, tempestas illa uix ægrè propulsari  
 potuisset . Non me quidem latet, ma-  
 ximos ad eam rem sumptus requiri, &  
 fore, ut populi fiat dispendio, propter  
 nouas exactiones; ueruntamen, si quod  
 bellum maritimum incidat, necesse erit  
 ut ita fiat, hæc enim ætas atq; memoria  
 docere nos possunt, quanto sit factum  
 reipub. nostrę periculo & incommodo,  
 quòd idoneam ad resistendum classem  
 nullā haberemus. Quòd si belli non sit  
 ulla suspitio, fateor aut nullum, aut non  
 maiorem sumptum ijs locis faciendum  
 esse, quàm populus commodè ferre pos-  
 sit. at profectò, quemadmodū equitatus  
 ille perpetuus est non solū ornamento &  
 præsidio toti regno, sed hostibus etiā ter-  
 ror: ad eundem quoq; modū, si classem  
 haberemus instructā semper & amplam

pro magnitudine & facultatibus nostris, tutam atq; pacatam undiq; simus habituri Galliam, & ad summam peruenturi potentiam breui tempore. Nam & ad regis facultates maxima fieret accessio, & priuatim ad uniuersum populum ingentes redirent commoditates, mercaturæ studio, quod pleriq; depulso non solum periculo, sed metu etiam periculi, sectarentur. Iam uerò, quoties aliquid de tumultu & incursione repentina nunciatur ab oris maritimis, magna trepidatione concursatur, & nō nisi maximo sumptu uix tandē resistitur. Hoc autem incommodum, parata classe, facile posset uitari. Aut enim ab iniuria & maleficio abstinere omnes, aut si quid conarentur, minimo negotio possent, antequam nocerent, profligari. quod si etiam plures coniuratione facta nos laesserent, ex ijs singuli à nobis correpti & exagitati non possint auxilio alij alijs adesse. Quare sic statuo, etsi initio quisdem populo uidetur futurus esse grauis hic apparatus: tamem si commoda spectemus & emolumenta, non debere quenquam eius sumptus poenitere. Sed interim hæc esset adhibenda cautio, ut  
mariti

maritimæ ciuitates & illi, ad quos maxima pars commoditatum atq; quæstus reditura sit, maiores etiam sumptus partem sustineant, & amplius contribuant, quàm qui mediterranea loca incolunt. sumptus aut pro magnitudine belli & temporum conditione erunt moderandi. Quod si etiam præter publicam classem, singulæ priuatim ciuitates maritimæ, naues haberent instructas, ualde sit profuturum in commune. patefactis enim omnibus uijs, & sublati periculis, multi exëplo & lucri magnitudine prouocati, naues ad exercendam mercaturam construerent, quarum deinde sit futurus etiã usus ad bellũ. Diligenter hoc & studiosè quibusdam à populis, fieri uideamus. Et ut ne nimium res differatur, optimum fuerit, si rex cõmunicato consilio cum hominibus carum rerum peritis, rationem ineat quàmprimum instituendi operis. Quantum ad me pertinet, neq; ullam in eo scientiam mihi arrogare possum, neq; etiam est instituti mei, ut prolixius de eo loquar, & sunt alij complures, qui rectè in medium consulere possunt. Vnum solummodo dicam, quod & usitatum esse uideo uici-

tuo sint subiecti imperio, non tam est difficile, quàm pacem posse colere cum ijs, quorum ingenia non satis perspexeris, & in quos nullum habeas imperiũ. Atq; interim tamen hæc ratio sic est necessaria, ut ad regni salutem imprimis pertineat. Habet autem difficultatem magnam, non ad agendũ modo, sed ad cognoscendum etiam, ut uidelicet rectè aliquis & idoneè præfinire possit atq; docere, quid in eo maximè cõueniat. Nam ad exteriorum mores, ingeniũ, negocia, et quæ sepe incidit in his omnibus, mutationem, accommodanda sunt consilia: neq; rarò fit, ut quibus aliquando sumus uisi pacatis & amicis, ab ijsdem nunc, ut ab hostibus, cauere nos oporteat: cõtrà, quos olim sumus experti nobis aduersarios, ut ijs fauorem ac beneuolentiam omnem præstemus. Et quia sit futurũ odium, speciãtim de his rebus loqui, quæ mea sit sententia, in genere proponam. Primum igitur est, ut qui principatum obtinent, pacem cum uicinis omnibus & exteris colant, nisi forte uel natura gentis uel religio diuersa repugnet. Semper enim paci consulendum est, quæ firma sit atq; constans, & quæ nihil habitura sit

ra sit infidiarum, & in suscipiendo bello nihil tribuendū est ambitioni, nihil glorię cupiditati, nihil animi perturbationibus, sed cum nostra uel repetimus, uel iniuriam aliquam ulcisci cogitamus, ad uim cōfugiendum est, si disceptatione uti non licet. item defendendī causa uicinos & propinquos et amicos, aduersus uim & iniuriam, arma etiam capimus. In primis autem ut à nobis ipsis & ab ijs qui nostro subiecti sunt imperio, uim propulsemus. Quo in genere quid sit obseruandum & agendū prius, quàm ad arma ueniatur, in præsentia non dicam, quia non est nostri propositi. Sed quoniam homines natura sunt uitiosi, & in principibus uiris plæruncq; existunt honoris, imperij, potentie & glorię cupiditates, diligenter obseruandum est, quid agant aut moliantur uicini, & prouidēdum, ne facultatem habeant ullam nocendi, in eaq; re pro tempore & loco, & eius quem metuímus, conditione, agi oportet. Nam qui ad faciendā iniuriam instructus est, qui uel actionem contra nos habet, uel alioqui ueteres nobiscū exercet similitates, ab hoc multo diligentius cauendum est, quàm ab eo, qui

neque magna potentia praeditus est, neque maleuolentiae causam ullam habet, aut ex his altero destituitur. sic etiam, ab eo qui uersutus est atque callidus, & in quo cupiditas ambitioque dominantur, magis ut nobis caueamus oportet, quam ab eo, in quo nulla est fraudis iniuriaeque suspicio, & qui non est ea uel uirtute uel potentia, ut uim ullam nobis inferat. Cum illis igitur a quibus iniuria metuitur, ut uendendum est amicis, pacis tempore, sic, ut nullam habeant doloris causam, & agendum liberaliter, ut intelligant plurimum ipsis tribui & confidi. Quod si uero callide & simulate nobiscum agere, & si facultates atque uires habeant, aut etiam oblata occasione, damnum allaturi nobis atque bellum suscepturi uidebuntur, impedienti sunt quibuscunque licet honestis rationibus; id enim iure tam diuino quam humano concessum est. Cuiusmodi autem sint haec rationes, breuiter exponam; non quidem omnes, uerum eas, quarum in hoc tempore meminisse possum, ex hisque reliquas erit non difficile intelligere. Primum ergo, non est permittendum his, quos diximus, uicinis, quantumuis etiam uideantur esse amici, ut in Gallis  
aliquid



aliquid faciant aut experiantur, quod  
 ipsis occasionē deinde præbeat munien-  
 di se aduersum nos. Eius generis sunt,  
 ne ipsis aut transire cum copijs, aut com-  
 morari diutius, aut annonam & arma,  
 præter modum exportare liceat, neue  
 concedatur, ut nimis magnum habeant  
 usum ac familiaritatem, aut sua consilia  
 communicent cum nostræ ditionis ho-  
 mihibus, ijs præsertim, qui fines inco-  
 lunt & præfecti sunt oppidorum custo-  
 dijs. Alterum est, ut fines bene munian-  
 tur, ne qua uis inopinātibus adferatur.  
 Nam occasio & facultas perficiendi, sæ-  
 pe homines inuitat, eos præsertim, qui  
 propter emolumentum non dubitant  
 uiolare fidem, & allicit, ut aliquid ten-  
 tent & audeant, quod alioqui minimè  
 sint facturi, si proposita difficultate, fru-  
 strà se conaturos uiderent. Tertium est,  
 ut eos, qui fidelem operam nobis præsti-  
 terunt, rebus asperis, non deseramus ul-  
 lo tempore, tunc in primis, quando cum  
 hoste paciscimur, neque prædæ aut pericu-  
 lo fortunas eorum atque salutem obijcia-  
 mus, uerum ijsdem conditionibus com-  
 plectamur, quas nobis ipsis pacti su-  
 mus. Nam alioquin & facultas illis au-

fertur opitulandi deinceps, ac simul causa præbetur, ut à nobis deserti atq; prodi-  
ti, rationes ineant, quemadmodum re-  
conciliati ad hostem transeant. in eoq;  
quantum sit incommodi, facile quivis  
intelligit. Nam & inimici confirman-  
tur, & complures alij exemplo perterri-  
ti, recedunt ab amicitia, nisi imperio aut  
necessitate prohibeantur. Hæc etiam est  
causa, quamobrem populi iniurias rex  
minimè negligere debeat, eorum præ-  
sertim qui sunt in finibus. hos enim ac-  
cerrimè propugnabit, ut ad uirtutem in-  
flammet, & ad omnia sui causa perferen-  
da reddat alacriores. Quartum est, ut  
ei, quem diximus, uicino suspecto, im-  
pedimentum semper aliquod inferatur,  
ne nouis amicitijs atque facultatibus  
crescat. Cum enim periculum est, ne no-  
uis accessionibus amplificatus, nobis  
noceat, impedire conatus illius licet at-  
que tardare. Et sicut Paulum fecisse con-  
stat, excitata similitate atque dissidio in-  
ter Iudeos, qui in ipsius perniciem con-  
iurauerant: ad eundem quoque mo-  
dum licet occultè factiones & diffidenti-  
am & dissidium alere inter eos, qui con-  
ciliati & amicitia coniuncti, nobis in-  
commoda-

commodare possent, nec id modo, uerum etiam in ipso, quem suspectum habemus, eiusque populo idem est faciendum, sic tamen ut nullum turpe uel immane facinus interueniat. Neque uerò solum impediendus est, ut ne potentior euadat: sed incundæ sunt etiam rationes, ut sumptibus exhauriatur, & seipsum infirmiores reddat, & ut amicitiae illi omnes atque praesidia, quibus ad nostram pernitiem uti possit, detrahantur. In primis autem elaborandum est, ut qui sunt in eius familia uiri praestantes consilio et uirtute, ad nostras traducantur partes. quod quidem nemo facilius quam Galliae rex, efficere potest, propter omnis generis praefecturas, & munera publica, quorum infinitus est numerus, indeoque fit, ut exteri, posteaquam copias et emolumenta Galliae semel experti sunt, inuitissimè redeant ad suos. imò, non semel compertum est, illos, quum pro uirtute ac merito honestè & liberaliter essent à nobis habiti, non minorem nobis fidem praestitisse, quam nostrae originis atque linguae homines. Beneficijs enim nostris et humanitate capti, agros et possessiones, quas domi habent, saepe relinquunt,

DE REP. GALLIAE

quunt, et nobis sese totos tradunt, et per-  
 specta eorum uirtute, grauissimas ali-  
 quando praefecturas à regibus obtinēt,  
 & prouincijs finibusq; tuendis praepo-  
 nuntur, & praecclare de repub. saepe me-  
 riti sunt: ac docere possim, quibus tem-  
 poribus illi, quum suam operam nobis  
 detulissent, repudiati, maximis incom-  
 modis Galliam adfecerint. Hoc autem  
 non eò pertinet, ut existimem ab initio  
 statim illis fidendum, aut ullam rem ma-  
 ioris momenti commitendam esse: ue-  
 rum ut beneuolè recipiantur, & ubi suae  
 uirtutis ac probitatis fidem fecerint, or-  
 nentur & augeantur. Hæ ferè sunt rati-  
 ones, quibus utendum esse puto pacis  
 tempore erga uicinos, quorum de fide  
 & amicitia dubitamus, in eoq; sic agen-  
 dum est, ut quàm minimum offendan-  
 tur. Cum autem ad uim illos & inferen-  
 dam iniuriam spectare uidebimus, cum  
 sese munient, & quæ necessaria sunt ad  
 bellum, praeparabunt, primum monen-  
 di sunt, ut ab armis abstineant, & æqui-  
 tate rem gerant, & adhibendi uiri boni,  
 tanquam arbitri, qui controuersiam mi-  
 nuant. Qui enim hanc rationem sequi-  
 tur, quoniam sibi displicere contentio-

nem

nem omnem, & pacis cupidum se profitetur, is & Deum sibi reddit propitium, & hominum beneuolentiam conciliat, & populum suo subiectū imperio promptum efficit et alacrem, et amicos omnes habet sui propositi adiutores, & aduersariorum animos impetumq̃ refringit. Nihilò secius tamen interim sese communit, ut à rebus omnibus sit paratus, & ut non modo bellum illatum defendat, uerum etiam, si sit opus, inferat & hostem laceffat. Nam ad impetrandam pacem nihil est utilius, quàm ut ad bellum aliquis habeat omnia parata & instructa, nec ullam significationem metus præbeat. Infirmitas enim uirium & animi imbecillitas in aliquo deprehensa, uehementer ad inferendum bellum excitare solent. Cauendum est ergo regi, ne ad hostem timidè se atq̃ demisse gerat, præsertim, si qua sit affectus contumelia, neue pacē sollicitet, nisi extrema coactus necessitate, eoq̃ magis cauere debet, cū hostis est aut cupidus aut ambitiosus aut superbus. Huic enim augetur animus illa demissione, & alij cum timorem animaduuerterint, relanguescunt, suisq̃ rebus incipiunt desperare, & durissimis

simis ferè conditionibus paciscendum est, quoties ad hunc modū pax ambītur ac uelut emendicatur. Eius rei documenta peti possunt ab Atheniensibus, quando Persarum reges bellum ipsis inferebant, et à Romanis, quū grauissimis essent implicati bellis, praesertim aduersus Hannibalem. In summis enim angustiis cōstituti magnā semper animi fortitudinem atq; constantiam praeseferabant, neq; turpem ullam aut indignam pacis conditionem admittebant. quae sanè uirtus animiq; magnitudo regem aut principem uirum non paulò magis quàm ciuitatem aut populum aliquem decet. Praeter id, quod diximus, de mutandi locis, uidendum est etiam, quomodo illi quàm plurimum noceri possit, ante bellum. Nam sicut ignauiae tribuitur, si trepides ac hostem metuas: ita quoque temeritatis est, contemnere illum, & imprudentiae, non prouidere suis rebus in tempore. Valde enim est indecorum, ubi praeter opinionem aliquid accidit, dicere uulgatum illud, Non putaram, praesertim si res fuit eius generis, ut praeuideri posset atque caueri. Neq; uerò dubium est, quin consilium idoneū

idoneū susceptum, & diu multumq; de-  
liberatum in rebus bellicis, tantū aut etiā  
am maioris sit momenti, quā robur  
ipsum & uis armorū atq; copiarū. Hac  
enim ratione bellum non modo defen-  
di, uerum etiā aliō, ac in ipsum quoq;  
hostem deriuari potest, quod ad regni sa-  
lutem imprimis pertinet. Nīmis enim  
multa sunt pericula, quū in nostris fi-  
nibus & agris bellum geritur, quōd si  
uerō bellum ipse inferas, & hostem in-  
uadas, nihil earum rerum tibi sit metuen-  
dum. Anima duertit hoc Scīpio Afrī-  
canus, qui Carthaginem deleuit, & au-  
thor fuit Romanis, tunc uehementer af-  
flictis ab Hannibale, ut in Africam pro-  
fecti, Carthaginensibus bellum face-  
rent, qua quidem re factum est, ut omni  
depulso ab Italia periculo, Romanum  
imperium, uires ac dignitatem pristi-  
nam recuperaret, illa uero populi Ro-  
mani æmula ciuitas funditus euertere-  
tur. Hoc ipsum deinde Hannibal, An-  
tiocho regi; ad quem profugerat, bel-  
lum gerenti cum Romanis, suasit, &  
prudenter quidem: sed ille cum non ob-  
temperaret, in maximas incidit calamī-  
tates, atqui nihil est opus antiquitate,  
ad ea

ad ea demonstrāda, quando nostri temporis exempla satis declarant uerum esse quod dicimus. Putant nonnulli, si bellum sustineatur in finibus regni per annos decem, multò id esse tolerabilius & minus perniciosum reipublicæ, quàm si foris & apud externos unò tantum anno geratur, idq; sic existimant propter pecuniæ magnitudinem, quæ profunditur & Gallijs exportatur: sed eorum est iampridem explosa & repudiata sententia. Sic enim omnes prope statuunt, decē annorum bellū, administratū à nobis in Italia, multò minus reipublicæ nocere, quàm si per unum duntaxat annū in finibus geratur. Non nego equidem, unius arcis aut oppidi possessionem acquisitam in finibus, modo ut fieri possit absq; grauiori motu, magis esse commodam & opportunam reipublicæ, quàm si foris & longè à finibus multa simus adepti. uerum ea de re postea sum dicturus. Qui igitur & auctoritatem ad uicinos retinere, & illis uolet uti pacatis, ordinem rebus omnibus adhibeat, & sit in omnem eventum atq; casum, siue repentinum siue deliberatum, instructus atq; paratus, & amicitias conseruet, & rationes



nes inerat, quibus aut bellum aliò transferat, aut is qui uim inferre cogitat, tardetur & impediatur. Et quanq̃ Gallia præ ceteris regionibus facile potest inferentibus bellum resistere, partim propter omnium ordinum obsequentiam & affectum erga regem, partim propter colligendæ pecuniæ facultatem, partim etiam propter amplissimum & perpetuum equitatum; tamen ex usu & dignitate rei pub, sit futurũ, si mari quoq̃ plurimum possemus, quando quidem & ad Oceanum & ad mediterraneum mare Gallia pertinet. Sic enim fieret, ut non modo ciuitates ac populi maritimi, ualde locupletes atq̃ copiosi, regis imperio subiecti, sed uicini quoq̃ omnes, metu periculi, in fide & amicitia permanerent: mercatores etiam multò liberius atq̃ tutius cõmearent, & maximas rei publicæ commoditates adferrent, & orato bello, nauigatione hostes facile possent propter nostræ classis magnitudinem, prohiberi, & omnibus in locis, quò nostris nauibus pateret aditus, militum præsidia disponere, & sumptum facere cogerentur, nostramq̃ oram maritimam minimè auderent diuexare. Nam

una solum classis bene munita rebus necessarijs, propter commoditatem navigationis usui & auxilio esse potest multis regionibus, longo separatis intervallo, quod terrestribus exercitus minimè potest. Etenim nostra aetate, quomodo Veneti ac Genuenses creuerint, suosq; fines dilatarint scientia & usu rei maritimæ, nihil attinet commemorare, & historiæ plærq; testantur, eos qui mari plurimum possent, celeritate & magnitudine rerum gestarum, præstitisse alijs, qui in continente solum alerent exercitus. Exemplo sunt Athenienses, Carthaginenses, Romani, qui tunc demum, ubi mare sibi patefecissent, uehementer suum auxerunt imperium, longissimeq; sunt progressi, Cn. Pompeius in primis, qui sexaginta dierum spacio, totum illud mare a prædonibus liberauit, & ciuitatibus omnibus atque socijs populi Romani tutam præstitit nauigationem, cum ante id tempus, in ipso propè conspectu urbis Romæ, piratæ grassarentur, nec quisquam, nisi illorum beneficio atque permissu, ausus esset mari sese committere: Terra certè nihil eiusmodi fieri potuisset, nisi plurimis exerciti-

bus &

bus & longissimo tempore, quò magis  
videre licet, quanti sint momenti nauigatio-  
nes illæ. Nam si quos diximus, præ-  
dones, etsi humilis erant conditionis  
atque fortunæ; tamen freti sua scientia,  
non socios tantum populi Romani, sed  
& ipsam urbem Romam, in eas redege-  
rant angustias atque difficultates, ut nisi  
Pompei uirtus atque foelicitas interuenis-  
set, tempestas illa uix ægrè propulsari  
potuisset. Non me quidem latet, ma-  
ximos ad eam rem sumptus requiri, &  
fore, ut populi fiat dispendio, propter  
nouas exactiones; ueruntamen, si quod  
bellum maritimum incidat, necesse erit  
ut ita fiat, hæc enim ætas atque memoria  
docere nos possunt, quanto sit factum  
reipub. nostræ periculo & incommodo,  
quò idoneam ad resistendum classem  
nullam haberemus. Quòd si belli non sit  
ulla suspitio, fateor aut nullum, aut non  
maio rem sumptum his locis faciendum  
esse, quam populus commodè ferre pos-  
sit, at profectò, quemadmodum equitatus  
ille perpetuus est non solùm ornamento &  
presidio toti regno, sed hostibus etiã ter-  
rori: ad eundem quoque modum, si classem  
haberemus instructam semper & amplam

pro magnitudine & facultatibus nostris, tutam atq; pacatam undiq; sumus habituri Galliam, & ad summam peruenturi potentiam breui tempore. Nam & ad regis facultates maxima fieret accessio, & priuatim ad uniuersum populum ingentes redirent commoditates, mercaturæ studio, quod pleriq; depulso non solum periculo, sed metu etiam periculi, sectarentur. Iam uerò, quoties aliquid de tumultu & incurssione repentina nunciatur ab oris maritimis, magna trepidatione concursatur, & nō nisi maximo sumptu uix tandē resistitur. Hoc autem incommodum, parata classe, facile posset uitari. Aut enim ab iniuria & maleficio abstinerent omnes, aut si quid conarentur, minimo negotio possent, antequam nocerent, profligari. quod si etiam plures coniuratione facta nos laesserent, ex ijs singuli à nobis correpti & exagitati non possint auxilio alij alijs adesse. Quare sic statuo, etsi initio quisdem populo uidetur futurus esse grauis hic apparatus: tamen si commoda spectemus & emolumenta, non debere quenquam eius sumptus poenitere. Sed interim hæc esset adhibenda cautio, ut  
mariti.

maritimæ ciuitates & illi, ad quos maxima pars commoditatum atq; quæstus reditura sit, maiores etiam sumptus partem sustineant, & amplius contribuant, quàm qui mediterranea loca incolunt. sumptus aut pro magnitudine belli & temporum conditione erunt moderandi. Quod si etiam præter publicam classem, singulæ priuatim ciuitates maritimæ, naues haberent instructas, ualde sit profuturum in commune. patefactis enim omnibus uijs, & sublati periculis, multi exēplo & lucri magnitudine pro uocati, naues ad exercendam mercaturam construerent, quarū deinde sit futurus etiā usus ad bellū. Diligenter hoc & studiosè quibusdam à populis, fieri uideamus. Et ut ne nimium res differatur, optimū fuerit, si rex cōmunicato consilio cum hominibus carum rerum peritis, rationem ineat quāprimum instituendi operis. Quantum ad me pertinet, neq; ulla in eo scientiam mihi arrogare possum, neq; etiam est instituti mei, ut prolixius de eo loquar, & sunt alij complures, qui rectè in medium consulere possunt. Vnum solummodo dicam, quod & usitatum esse uideo uici-

his circum populis, & à rege multo possit commodius, quàm ab illis, fieri. hoc autem est eiusmodi, ut rex nullum genus annonæ uel mercium exportari nauibus permittat. Est enim copiosa et rebus omnibus abundans, Gallia, sic ut aliorum commercijs multò facilius, quàm illi nostris, carere possit. Quod etiam illi nobis denegant, quàmham ratione postulent hoc sibi à nobis concedi: nisi forte pactationibus aliter sit constitutum, quamquam sanè & hoc emendari possit. Gallia enim multas habet agendi facultates, quibus aliæ regiones sunt destitutæ, ac satis est mihi, uel leuè aliquam eius rei mentionem intulisse; ut qui sunt peritiores, occasionem habeant diligentius de eò cogitandi. Nam si animù semel rex adijciat, multos est habiturus consilij & instituti sui adiutores. Reliquum est, ut exponam, quemadmodum extra Galliæ fines bello sint acquirendæ prouinciæ & conseruandæ. quicquid enim hactenus dictum est, ad regni solù administrationem pertinet. Quia uerò tempus nonnunquam incidit, ut rex aliqua graui de causa bellum suscipiat, longè a finibus, & quoniam non hoc solum tempore

tempore, sed paulò etiam suprà hanc memoriam, id genus bella, maximis iacturis facultatum & multorum præstantium uirorum, à nobis ferè administràtur, deinde, quoniam occupatas sæpe regiones, facili momento rursus amissimus, non absq; ludibrio & ignominia: res ipsa postulat, ut demonstratur, quid à nobis peccatum, & quid deinceps cauendū sit atq; agendū, si forte uel amissa recuperare cogitamus, uel etiā noua comparare. Atque ut suprà fecimus, generatim de his rebus omnibus loquar, nec ullius honorem aut existimatōem lēdam. In primis ergo diu multumq; rex delibere, an graues atq; ueras habeat suscipiendi belli causas, & suorum audiat de eo sententias. Nisi enim legitima subsit causa, non est quòd speremus, Deum iustitiæ uindicem, ad futurum esse nostris conatibus. qui etiamsi fortasse foelicem successum atq; uictoriam concedat, & eos quibus bellum infertur, pro scelere ipsorum ulciscatur, & finibus omnibus atq; possessionibus eiꝝci permittat: tamen illos, qui iniustam uim adferunt, & aliorum facultates occupant, non dimittit impunitos, uel in hac mortali,

uel in illa sempiterna uita, Postquam  
 uerò de causa belli constiterit, proximū  
 est, ut deliberetur, quomodo sit agen-  
 dum, an aliquid impediat, an absq; ma-  
 gno dispendio fieri possit, an uerò plus  
 in eo sit metuendum periculi, quàm spe-  
 randum emolumentum. Maioris enim ali-  
 quando detrimenti uitandi causa, ne-  
 cesse est tentare fortunam, praesertim, si  
 quid istud ad rem cōferre uidebitur. Vē-  
 rum ubi nulla cogit necessitas, & quan-  
 do uoluntarium est bellū, & solum com-  
 modum atq; lucrum est propositum, ni-  
 hil temere tentandum est, nisi probabi-  
 le sit, perfici posse quod instituiamus. nul-  
 lum enim bellum geri potest, in quo nō  
 sit periclitanda fortuna: cumq; res in  
 eum casum incidit, longē praestat differ-  
 re, quàm festinare nimium atq; celeriter  
 procurrere. Cū autem non commo-  
 dum, sed honos agitur & existimatio, cū  
 ius facienda sit iactura, si nimium res dif-  
 feratur: tum ceriē, quemadmodum reli-  
 quas iniurias persequimur & uiuā a no-  
 bis depellere solemus, minime cunctan-  
 dum est: honoris enim atq; famae mul-  
 to grauius est, quàm opum atq; bono-  
 rum, dispendium. Idem faciendum esse  
 puto,



puto, cum periculum est, ne mora dilatiscq; belli magno aliquo damno remp. adficiat, cum uidelicet metui oportet, ne quis alius eam regionem, quam nobis adiungere cogitamus, præoccupet, ex eaq; plurimum deinde nobis incommodet. Hæc autem omnia consistunt in actione, neq; tam doctrina, quam usu & experientia opus est, ut scilicet rex cognoscat, quid à suis, quid ab amicis expectare debeat, quo sint ingenio, quibus facultatibus atq; uiribus hostes eorumq; socij, item quanti sint faciendi sumptus, quomodo corrogandæ pecuniæ, quæ sit eius regionis, quam debellare instituit, natura, quæ loca, qui aditus, & id genus alia multa, quæ rei bellicæ periti homines intelligunt. Caueat autem, ne temere fidem habeat uel causis parum firmis, uel hominibus aliquo perturbatis affectu & imperitis; item, ne quid suæ priuatim cupiditati atq; desiderio tribuat, sed omnia potius metuat, & plena difficultatis atq; periculi sibi fingat & persuadeat ipse. cumq; ijs rebus ad concilium delatis, ex usu reipub. uisum fuerit, ut ad actionem ueniatur, considerandum est, an regio, cui bellum fa-

certè decreuit, defendi possit, item an-  
donea sit & opulenta satis, ut se ipsa suis  
uectigalibus atque copijs tueatur. Nam  
si cōstat eam defendi non posse atq; reti-  
neri, ualde sit ineptum & inconsultum,  
subire dispendium rei familiaris & tem-  
poris et existimationis. Videndū est igitur,  
an impedimentum illud, ante quam  
ad arma descenditur, uel etiam belli tem-  
pore possit auferri: quòd si tolli non po-  
test, desistendum est negotio & cogitan-  
dum de alijs, unde plus emolumētū atq;  
gloriæ sperare liceat. sic quoq; faciendū  
est, quū aut belli sumptus, aut ipsa lo-  
ci defensio uidebit̃ excedere fructus an-  
nuos atq; commoda, quę quocunq; mo-  
do percipi possint. Nam et hac de causa  
Romani sepe repudiāunt prouincias,  
quę in fidē ipsorū ultrò sese permitterēt.  
Dixi aut̃ de commodis non simpliciter,  
sed quæ quoquo modo prouenire pos-  
sint. Fieri enim potest, ut sumptus maio-  
res sint fructibus, et tamē regionis natu-  
ra situsq; tantū sint momenti, uel ad reli-  
quam regnī partem tuendam, uel com-  
meatus aditusq; causa, ut impensæ ratio-  
nem habere non oporteat. Deinde, cum  
alicuius regiōis occupatio uel defensio,  
magnis

magnis iacturis constitit, spes autem est, breui post tempore, sumptus posse minui, fructus autem amplificari, non est anxie de eo, quod impeditur, cogitandum. Huc enim si quis respiciat, nihil unquam acquisiturus sit bello, propterea quod initio fructus plerumque non respondent sumptuum magnitudini. Breuiter, etiam si quod instituimus, facile factu uidetur: tamen non presens modo tempus, uerum etiam futurum, neque tam quid utile, quam quid sit honestum, considerandum est, ac omnino facendum, ut solent ii, qui agrum aut praedium sibi comparant, aut praefecturam aliquam atque sacerdotium ambiunt. Hi enim non solum magnos suscipiunt labores, uerum etiam, an quod cupiunt, sint impetraturi, & ubi impetrauerint, an sine lite & controuersa possint eo frui, in dubio uersantur. Postquam ergo re omni disceptata, placuit suscipiendum esse bellum, non est amplius differendum, sed rebus necessarijs procuratis, ad actionem ilico ueniendum est. Nam interiecta mora, spatium et tempus datur hostibus communiendi se & conciliandi amicos, & quod arcanum esse oportuit, effertur in uulgus, & relanguescunt

scunt animi, & augetur sumptus, & rei  
 bene gerendæ occasio amittitur, neq; rã  
 rò fit, ut quod institutum est, prorsus cõ-  
 cidat. Neq; tamen tumultuosè aut in-  
 consideratè agendum est, uerum ubi ad  
 quemlibet casum instructa erunt atq; pa-  
 rata omnia, tota mente & animo incum-  
 bendum est actioni, & utendum homi-  
 nibus peritis atq; industrijs, in eosq; di-  
 stribuendæ sunt præfecturæ ac reliqua  
 munera, sic ut alter alterũ non impedi-  
 at, & deligendus imperator, eiq; tribuen-  
 da potestas & authoritas, ut suprà dixi-  
 mus. Quòd si rex non interest ipse admi-  
 nistrationi belli, quosdam è suis deliget,  
 ipsq; negocium dabit, ut postpositis o-  
 mnibus occupationibus, in ea solum re  
 studium & operam omnẽ ponant, cun-  
 que aut respondendum erit aut agen-  
 dum aliquid maioris momenti, coniun-  
 get se illis, & rẽ unà cognoscet, ut prom-  
 ptè & idoneè singula gerantur, quod in  
 bello maxime requiritur. Ineundæ sunt  
 autẽ quæcunq; rationes, ut hosti quàm  
 plurimum noceatur, nec uilum subsidij  
 genus reiiciendum est, ut te commu-  
 nias, illum autem infirmiores redigas.  
 neq; uerò sumptui parcendum est, &  
 quò

quò celerius rem conficias, duplicandæ sunt potius impensæ. Nam ut de periculis & uarijs incommodis, quæ solent euenire, cum interponitur mora, nihil dicam, multò sunt etiam faciendi maiores sumptus. Galli autem in primis operam dabunt, ut confestim expediant quod propositum habent. est enim ipsis innata quædam alacritas et ardor, qui paulatim relanguescit & prope extinguitur. Cum igitur pecunijs & donis & pollicitationibus aut id genus alijs artibus conficere potest, eo est utendum adminiculo, neque differendum, donec ui consequaris quod optas. Et quanquam homines earum rerum periti, quid in eo sit agendum, satis intelligunt: tamen quoniam hac memoria sæpius in eo grauiterque peccatum est, magno cum reipublice detrimento, putavi aliquid de eo mihi dicendum esse. Nunc deinceps, quomodo sint tuendæ ac conseruandæ prouinciæ, bello acquisitæ, explicandum est. Quamuis autem ex usu & tractatione rerum præteritarum, & ex monumentis librorum atque historiarum, quas diximus, facile cognosci potest, quid sequi oporteat: tamen secutus morem meum, quod mihi

mihi uidetur ad præsentem ætatem congruere, & quid in eo sæpe nostri homines peccauerint, amissis, quas bello uicissent, regionibus, breuiter exponam. Ut igitur parta conseruemus, duabus in rebus positum est, in armis atq; legibus, Et armis quidem opus est initiò, neq; descendendum est ab ijs, etiam si populus magnam præstet obsequentiam, eoq; utendum est præsidio, donec pacata erunt omnia, & in eûcasum res deducta uidebitur, nulla ut sit deinceps metuenda rebellio. Cõstituta deinde republica bonis legibus & administratione iuris, dimittendus est exercitus, uitandi sumptus & recreandę regionis causa. uerum interim, quoad de populì uoluntate compertum sit, & pacati omnes circû uicini, præsidio sunt relinquendę nonnullę copię, partim, si qua noua res oblata sit, ut resisti possit, partim, ut præfecti omnes in officio contineantur. In ipsa uero iurisdictione, magna quadam opus est diligentia & seueritate, quoniã munus hoc est perpetuum, ab eoq; reliqui omnes ordines dependent. Quę uerò supra diximus, de cõseruando regno, deq; disciplina militari, huc etiã pertinent, ideoq; non repetam, sed

sed ut prouinciā nuper adiunctā tu-  
 ditioni, tuearis, in eo plus est difficultas,  
 quā ut uetus patrimoniū ac heredi-  
 tatem conserues. Primum igitur cōside-  
 randa sunt omnia pericula & casus, quib-  
 us amitti possit, quod nuper acquisi-  
 tum est, et prouidendū in tempore, quo-  
 modo ijs occurri debeat, et inter alia con-  
 siderandum est, an qui suis finibus ex-  
 pulsus est, aut ipse adhuc supersit, aut ali-  
 quem sue stirpis atq; familię superstitem  
 reliquerit, qui litem atque turbam exci-  
 tare possit: an deuictę regionis popu-  
 lus uniuersus eam familiā amet, an ue-  
 rò pars aliqua populi, & quota: deinde,  
 an uicini circū principes atque popu-  
 li, sint amici, nec ne, an uero neutri par-  
 ti studeant, an regio sit natura & opere  
 munita, an frumentaria & copiosa, cete-  
 risq; rebus ad defensionē necessarijs, a-  
 būdans: postremo, an finitima sit & mit-  
 tēdis auxilijs opportuna, an uerò longē  
 à tuis finibus remota. His omnibus an-  
 tē aduersis, si ad eius tuitionem uidetur  
 nihil opus esse magna custodiā, de du-  
 cendi sunt milites, & quā minimū ibi  
 relinqui debet pręsidiorū, par tim minu-  
 endi sumptus causa, et ne populus nimia-  
 um

um grauetur, ut antea diximus, partim  
ut ne qua uis atq; turba moueatur. Mi-  
lites enim natura sunt contentiosi, & ui-  
tam hac ratione tolerant, ideoq; perfaci-  
le sit, ut uicinis causam aliquam offensi-  
onis præbeant, unde postea sit oriturum  
graue aliquod bellum. deinde, etiam si li-  
beraliter cum ipsis agatur, uix tamen ab  
iniurijs & maleficio sibi temperant, &  
multa proteruè ac libidinosè faciunt. bre-  
uiter, ità sese comparant, ut nisi summa  
in necessitate, nemo societatem eorum  
expetat. Sin autem aliqua subest causa,  
quamobrem sit opus magno præsidio:  
certus est adhibendus modus atq; cau-  
tio. Nam si frequens est eius regionis  
populus, & exercitatus in armis, aut si  
uicini sunt potentes ac inimico in nos  
animo, collocandi sunt in præsidijs ho-  
mines externi. quæ sanè res maximos  
sumptus requirit, ac multas adducit in-  
commnditates. Ex his enim, qui rem fa-  
miliarem auxerunt, & militiæ facti sunt  
diuites, cupiunt semper hoc ipsum, qd  
adepti sunt, asportare domum: qui uero  
sunt tenuioris fortunæ, quando legibus  
ac institutis, quod inprimis est necesse,  
uiuere ipsos oportet, quia stipendium  
non



non satis est ipsis ad uictum, stationem  
 ferè deserunt, & si fortè pudore adducti  
 manserint, tamen honestè discedendi oc-  
 casionem circumspiciunt. & totius regi-  
 onis iacturam atq; defectionem leuiter  
 ferunt. Populus etiam, cum inuitos illos  
 apud se commorari, & molestie plus ad-  
 ferre quàm emolumenti, animaduertit,  
 non solum ab illis liberari cupit uerum  
 etiam aduersarijs operam suam ut illi  
 profligantur, præstat. & quanquam hoc  
 ipso maiorem aliquando seruitutem si-  
 bi comparant, tamen excæcati odio uix  
 tandem agnoscunt. Est igitur summæ  
 res difficultatis, eiusmodi prouincias ab  
 hostibus defendere, cunq; prævideri po-  
 test ea difficultas, neq; spes apparet ulla  
 tuendæ regionis, absq; perpetuo præse-  
 dio, consultius foret non suscipere bel-  
 lum, sed pacisci potius cum aduersario,  
 uel occupatæ prouinciæ dominum ali-  
 quem præficere, qui tibi sit propter acce-  
 ptum beneficium deuinctus. quod Ale-  
 xandrum Magnum, populumq; Roma-  
 num multis in locis fecisse cōstat. Quod  
 si uerò patrimonij et regni tui salutis cau-  
 sa, necesse est regionem illam habere in  
 tua potestate, faciendus est quantumlibet

bet magnus sumptus, & ineunda ratio-  
 nes ut quicquid est impedimenti, quan-  
 tum fieri potest, tollatur. Ex his autem  
 primum est, ut ex militibus plerique & po-  
 tiores incipiāt amare provinciam. quod  
 fiet, si uel possessiones illis dentur, quas  
 uendere non liceat, aut uxores. quod  
 Guliellmum Normanniæ Ducem, oc-  
 cupata Britannia, fecisse legimus, ma-  
 gna parte facultatum & agrorum in su-  
 os distributa. quo factum est, ut hi ipsi  
 magno studio & alacritate regionem il-  
 lam tuerentur. Idem à Romanis atque  
 Græcis factum esse constat, qui deuictis  
 provincijs, in ea ferè parte, quæ omni-  
 um maximè uidebatur opportuna et fru-  
 ctuosa, exædificabant urbes, eoque trans-  
 ferebant suæ gentis atque originis homi-  
 nes, eisque domos & agros attribuebant,  
 quos colerent. Hi consuetudine ipsa &  
 conuictu morem eius regionis omnem  
 condiscabant, & benignè sese erga uici-  
 nos gerebant, sic interim animo parati,  
 ut quæcunque fortuna incideret, eorum  
 à quibus erant missi, dignitatem atque  
 salutem defenderent. Idem erat studi-  
 um atque uoluntas aliorum, qui cohabi-  
 tandi causa sese ipsis adiunxissent, pro-  
 pterea

pterea quòd eodem iure, iisdem uteban-  
 tur legibus, & eundem sese populum es-  
 se cum illis iudicabant. Alij quidam,  
 cum de populi nuper deuicti uoluntate  
 erga se desperarent, migrare illos atque  
 sedes aliò transferre cogebant, & aut lug-  
 linguæ & ditionis homines, aut etiam  
 exteros aliunde ascitos ibi collocabant,  
 quod & Alexander magnus, ac ipsius  
 deinde successores multis in locis fece-  
 runt. sed non modo inhumanum est i-  
 stud, uerum factu quoq; difficile: alte-  
 rum autem multò est commodius. Quia  
 uerò parum sit futurum in eis præsidij, ad  
 sustinendam uim ullam maiorem, præ-  
 mijs ac pollicitationibus inuitandi sunt  
 ad uirtutem atq; constantiam: interim ta-  
 men in eos, qui uel non impetrata dimis-  
 sione discedunt, uel aliòs ad discedens  
 dum sollicitant, grauius est animaduer-  
 tendum. Et hæc quidem de militibus,  
 qui præsidio relinquuntur. Ad inco-  
 las uerò quantum pertinet, ijs persua-  
 dendum est, ut impositum onus æquè  
 ferant, et desiderium suum leniant emo-  
 lumentis: ad ipsorum pertinere salutem  
 ea militum præsidia, ne uidelicet ab ini-  
 micis diripiantur: ubi fidem suam atq;

beneuolentiam semel approbarint, fore ut liberentur. Ipsius autem praefecti siue legati comitas & mansuetudo plurimum eo conferet, si & amorem illis praestet, & ipsorum iniurias minimè se neglecturum esse demonstret, neque passurum, ut aut ipsis aut ipsorum liberis & uxoribus & facultatibus ulla uis inferatur. Quod si rex etiam ipse per aliquod tempus in locis moraretur, suamque beneuolentiam hominibus declararet atque testatam faceret, non dubium est, quin uehementer commoueret, ad suique amorem inflammaret. Apud ueteres mor erat, ut in populis, quos bello uicissent, obsides imperarent, pro cuiusque ciuitatis magnitudine, quò reliquos in fide et amicitia continerent. Hac etiam ratione nobis uti, & honestam aliquam causam inuenire liceat, cur ita fiat, linguae scilicet perdiscendae causa, uel simile aliquid. Atque his remedijs utendum est, cum illi aut rebellaturi uidentur, aut bello sunt inutiles. uerum si spes ulla sit, permansuros in fide, stipendijs excitandi sunt, meo quidem iudicio, & attribuendi reliquis copijs, ut nostrum militiae genus condiscant, nostrisque moribus paulatim assuescant,

ſcant, & gentem noſtram adamare inci-  
 piant, qui ſunt etiam ex iſſis primi ordi-  
 nis & maioris dignitatis, amplificandi  
 ſunt præſecturis. Nec enim ſolum, qui-  
 bus datur ſtipendiũ, ſed iſſorum quoq;  
 neceſſarij & amici, hac ratione concili-  
 antur; & alij in ſpem ueniunt eadem con-  
 ſequendi; & quia fidem ſibi haberi in-  
 telligunt, ualde adficiuntur. huc acce-  
 dit, quòd minori & ſtipendio & detri-  
 mento aliorum, uitam tolerare poſſunt,  
 quàm exteri. atq; ut initio non ſint no-  
 ſtris uirtute & exercitatione conferendi,  
 paulatim tamen maiorem uſum armos-  
 rum ſibi comparant, nobiles præſertim,  
 & quicunq; ſunt honeſtiori loco nati.  
 Hanc rationẽ ſecuti ſunt Romani, Græ-  
 ci, & quicunq; alij rebus geſtis clare-  
 runt. Neq; enim uideo, quemadmo-  
 dum prouincia ulla, ubi præſidijs opus  
 eſt, diu conſeruari poſſit, niſi incolæ et-  
 iam traducamus ad noſtras partes, eo-  
 rumq; utamur opera. Vidit hoc Turca-  
 rum Cæſar, eius, qui nunc præeſt, auus,  
 ideoq; deuictã Græcia multiſq; alijs lo-  
 cis captis, cum animaduertetet non ſe  
 poſſe illa tueri ſuis copijs, noſtræ religio-  
 nis hominũ liberos delegit in iſſis iſſis,

quas expugnauerat, prouincijs, eisq; ad  
 suam militiam assuefactis, utebatur. Hi  
 sunt, quos uulgò Ianizaros appellant.  
 sed crudele est hoc institutum & imma-  
 ne, & futurum aliquando perniciosum  
 atq; exitiale Turcico imperio. Ianizari  
 enim milites, pertasi tandem domina-  
 tum illum tyrannicum & inhumanum,  
 excitata rebellione, summam imperij in-  
 ter se partientur olim, idq; eo magis,  
 quòd nullas habent possessiones, & li-  
 pendijs tantummodo uitam tolerant.  
 Illa igitur, quam suprà dixi, ratio, mul-  
 to est & humanior & ad diuturnitatem  
 utilior. Alterum est, ut quæ loca uide-  
 buntur posse defendi, præsertim quæ po-  
 sita sunt in finibus, muniantur rebus o-  
 mnibus necessarijs, ut uel totum annum  
 obsidionem sustinere possint, in eoq;  
 magna est adhibenda diligentia, & si  
 quid negligenter administratum erit, in  
 eum, cuius culpa factum est, seuerè uin-  
 dicandum. Eiusmodi locis præficiendi  
 sunt egregij duces & imponendi mili-  
 tes, quantum satis uidebitur, exercita-  
 ti quidem illi, & ad omnia ferenda pa-  
 ratì, qui deditiōem minimè faciant,  
 quandiu subsidij spes ulla erit reliqua.  
 & qui

& qui conditionem nullam ab hoste recipiant, nisi extrema inopia & necessitate adducti. Quapropter externo milite utendum est, qui nullas habeant ijs locis facultates aut agros. hi enim fraudi atque corruptelæ minus sunt expostiti. Ipsum uerò ducem oportet magna præditum esse uirtute, quem milites obseruent & reuerentur, quem peritiæ rei militaris nihil lateat. Sunt enim qui excellant, quum prælio dimicandum est, qui tamen ad tolerandum obsidionem & procurandum ea quæ sunt in angustijs necessaria, minimè sint idonei. Sed præter eam, de qua sæpe iam diximus, experientiam, requiritur etiam in duce prudentia, ut ijs, quæ ad quancunque occasionem incidere solent, mederi possit, ut militibus animum addat, eosque ab omni factione atque turba prohibeat, ut annonam atque cibaria rectè et idoneè distribuat, & id genus alia procuret. Liberaliter autem habendi sunt duces, ne uel inopia coacti, uel per iracundiam, turpiter aliquid faciant, & providendum est, ne sint cupidi & auari. nam id genus homines, etiam ut fortasse non turpem aliquam deditiorem faciant, pecunijs



Corrupti, quod inprimis est metuendum; tamen quia sunt ad rem familiarem intenti, sumptus necessarios sæpe prætermittunt, & minus accepti sunt militibus, & amplificandi sui causa foris et ad hostem multa faciunt, quæ periculo non carent. Nihil igitur his, præter loci defensionem, committi oportet, neque concedendum est, ut in civili administratione aliquid sibi sumant, imò consultiſſimum erit, ut & ipsi & milites, nisi graui de causa, non prodeant longius, et minime sint familiares oppidanis, nec in suas munitiones quenquam admittant, nisi quantum opus erit ad usum quotidianum. Congressus enim illi & colloquia magnis sæpe incommodis occasionem præbent. Et hæc quidem hætenus dicta sunt, quomodo ui & armis conseruanda sint quæ bello cepimus: nunc autem de legibus atque iure quædam nobis dicenda restant. Hæc enim disciplina in eiusmodi prouincijs, multo magis, quam in priscis atq; auitis possessionibus est necessaria, tametsi diuersum ferè fieri uidemus. Et quanquam ex ijs, quæ supra commemorauimus, satis intelligi potest, quomodo sit administranda



strāda iuris dictio, quomodo assuefaci-  
endi ad disciplinam milites, quomodo  
de comneatu ceterisq; rebus prouiden-  
dum, & exercenda mercatura, & minu-  
endæ controuersia: tamen speciatim &  
distinctè quædam mihi sunt explicanda.  
Generale præceptum est, quòdcp̄ latissi-  
mè patet, ut multitudinis & populi com-  
moditatibus inserviatur, quantum qui-  
dem absq; regis & occupatæ prouinciæ  
detrimento fieri possit. Primò igitur,  
cum ius redditur, nihil est tribuendum  
personis, sed æquabiliter omnibus illud  
est communicandū, ad eamq; rem con-  
stituendi sunt homines idonei. Hoc ea-  
nim & ad placandum Deum, & ad cō-  
ciliandam multitudinis beneuolentiam  
pertinet, eorum etiā, qui priuatim sibi  
aliquid tribui, & ab æquitate deflecti uo-  
lunt. Nam hi cum non impetrant, quod  
cupiebant, errorem suum agnoscunt, &  
iudicem propter integritatem magnifa-  
ciunt. Alterum est, ut in ijs rebus, quæ  
nihil aut parum ad principem spectant,  
populo cōcedatur uiuere suo more, præ-  
sertim initio, neq; cogantur assuetum  
uitæ genus mutare, imò consultum erit,  
ut exteri, qui cum ijs uiuunt, eorum

sese moribus uitæq; modo accommo-  
 dent, quantum possint, nisi forte illi sua  
 sponte nostris institutis sese tradant.  
 Hanc rationem secutus Alexander ma-  
 gnus, summopere sibi conciliauit atque  
 deuinxit animos eorū, quos bello uicis-  
 set. Cum enim ipsorum ingenijs atq; na-  
 turæ conuenienter sese gereret, hoc effe-  
 cit, ut illi quàm plurimum sibi ab eo tri-  
 bui, & magnopere se diligì iudicarent.  
 Veruntamen si temporis conditio feret,  
 sensim reuocandì sunt comitate qua-  
 dam ad nostrum uiuendi morem, ut suæ  
 consuetudinis obliti, æquabiliter nobis  
 scum uiuant. quod Romanos fecisse con-  
 stat. Quòd si regi ipsi non sit integrum  
 diutius apud eos cōmorari, prę se feret  
 tamen situm atq; naturam regionis ual-  
 de sibi placere, & quandiu. per occupa-  
 tiones atque negocia sibi liceat, libenter  
 ibi permansurum esse, & pro ipsorum sa-  
 lute, nulli se labori, nullis impensis at-  
 que periculis uelle parcere. sed inte-  
 rim ijs locis aliquem præficiet, cui pro-  
 pter uirtutem plurimum posse tribui  
 confidit. Hic autem prouincię præfe-  
 ctus, ut sit liberalis & sumptum faciat,  
 utq; sibi familiares habeat lectissimos ui-

ros, oportet, qui tam pacis quam belli rationes intelligant, & consilio iuare possint. Huic etiam ut ampla tribuatur authoritas à rege, necesse est, ut obsequentem & officiosum habeat populū, et in rebus non magnis indulgere possit atque condonare ijs qui deliquerint. cum enim eiusmodi est facinus, quod ad rempub. pertinet, regis arbitrio referuandū est, ut suprà quoq; diximus, Constituendi sunt autem uiri prudentes atque boni, legumq; periti & consuetudinis patriæ, qui ius dicant. Et quoniam exteri non tam facile regionis morem & instituta percipiunt, res ipsa postulat, ut ex incolis eligantur, qui probitatis atq; doctrinæ laudem in primis habent. His omnibus præficiendus est aliquis externus, qui sit magnæ uirtutis, qui reliquos in officio contineat, nec ullius hominis causa uel periculi metu, ab æquitate deflectat. Hunc & rex ipse et regionis præfectus fauore & ope subleuabunt, nec ullo modo iurisdictionem impedient, & cū opus erit, authoritatem quoq; suam interponent. Hac enim ratione conciliatur hominum uoluntas: quod si uerò negligenter atque remisse agitur,

aut

aut si iudices præfectiꝫ suis priuatim commodis, plus quàm reipub. student, magnus oritur populi non fremitus modo, sed & contemptus. Tertium est, ut rex ceteriꝫ præfecti, honore & omni humanitatis genere adficient eius regionis incolas, eos præsertim, in quibus aliquid est dignitatis atq; consilij, & quorum operam sperant utilem ipsis fore. In hos aut in ipsorum liberos, propinquos & amicos distribuendæ sunt præter tam Ecclesiasticæ, quàm ciuiles præfecturæ, ad quas idoneus quisq; utdebitur. Quæ uerò sunt maioris momenti, quæq; ad reipub. salutem ac dignitatem in primis pertinent, eas non nisi probatissimis uir-  
 tis, qui populo sint accepti, tribui oportet. Si qui sunt etiam præstantes in ea prouincia, ac bene de reipub. meriti, hos minores idonei ac populares, ijs rectè committentur maiora quædam munera, uel etiam summa rei, quandiu ipsorū opere atque fidei nos nō poenitebit. Natura enim sic comparatū est, ut ei, qui sit eiusdem originis atque linguæ, qui eisdem assueuerit legibus atq; institutis, multò libentius omnes, quàm externis, obtemperent. uerum incidit aliquando tempo-  
 pus,

pus, ut secus faciendum sit. Sunt enim quibusdam in populis factiones, eorū fit, ut utriq; malint externi alicuius dominatum ferre, quā alterius partis legitimo subesse imperio. Cum igitur in eum casum res deuenit, præficiendus est aliquis externus, ijs, quas antea commemorauī, præditus uirtutibus, aut ad eas quā proximē accedens. deinde, operam rex dabit, ut offensionem omnem tollat, & utranq; factionem sibi conciliet, si quidem fieri potest. sin autem, prouidebit, ne illorum odia prorumpāt, ne ue reipub. noceant. Neutris uerō sese dabit, sed in quibus maiorem fidem atque uirtutem perspexerit, eos magni faciet, & hoc quidem, cum ab utrisq; amari se intellexerit. Verum si certis indicijs cognoscat, non esse ipsorum eandem erga se uoluntatem, tum eos, qui animo sunt beneuolo, modis omnibus amplificabit, sicutamen ut ne cui faciat iniuriam. Amplificandi autem & ornandi hæ sunt rationes, ut præfecturas & honores & emolumenta in ipsos conferat, & agris atq; possessionibus augeat, pro cuiusq; merito, & quantū ipsos præ cæteris faciat, non obscure declaret. Qua tamen in re

hæc

hæc est adhibenda moderatio, ut nihil affectui uel studio priuato, sed meritis atque officijs omnia tribuere uideatur. nam si qui sunt alterius factionis non mali, ijs consimilem quoq; beneuolentiam præstabit, ut reliquos ad se pelliciat. In cæteris autem rebus omnibus parui momenti, præsertim, in iuris administratione, seruabit æquabilitatem, quibus autem in rebus plurimum est honoris atq; commodi, in ijs præferet quos maximè sibi fideles arbitratur. Eam enim factionem, cuius explorata sit fides, & à qua certum subsidium expectatur, in amicitia continere, alteram uerò quæ sit inimica, humilem atque infirmam redigere, ne possit nocere, multò præstat, quàm illam deserere, debilemque efficere, hanc uerò, quam adiungere tibi non possis, quæq; alieno sit animo, patè superiorem existere. Nam si utriq; causam habeant offensionis, futurum sit aliquando, ut reconciliati coniurationem aliquam faciant. Opus igitur hic est non mediocri dexteritate, & quod supra quoq; diximus, neutris adharendum est, nisi quantum reipub. salus requirit. Considerandum est etiam, an quæ nobis aduersa

aduersatur factio, plus quàm altera possit, an uerò minus. Nam si est infirmior, aut ijs, quas exposui, rationibus, ad officium & æquitatem faciliè adducetur, aut si recuset, non magnam nocendi facultatem habebit. Verum si opibus & potentia superat, nèque benignitate adiungi potest, tum ceriè altera factio sic est cohonestanda beneficijs, ut & hi, cur in officio permaneant, & illi, cur ad tuas accedant partès, causam habeant, atq; interim tamen ita sunt arctandi, licet dissimulanter, ut minimùm nocere possint, & obseruandi studiosè, quid agant, quid moliantur, quibuscum sua consilia communicent, præsertim quando tempus metu atque suspitione non carebit: ac si quid animaduersione dignū admiserint, seuerè sunt uindicandi. Quod si etiam probari factum non satis idoneè possit, interim tamen graues intercedant suspitiones, licet illos uel relegare aliquò, uel iubere satisfacere atque cauere, datis fideiussoribus, & occupatis ipsorum, si quas habent munitioibus: uerum ita, ne quo adficiantur damno, si nihil in eis residebit culpe. Atq; hæc serè sunt, quæ in administratione

DE REP. GALLIAE

tione reipub. nostrae consideranda mihi  
videntur, quae quidem praecepta si rex  
imitabitur atque sequetur, non dubium  
est, quin suorum maiorem gloriam sit  
obscuraturus, ac sperare licet, eam rem de-  
duci posse, ut quas provincias no-  
bis eripuerunt religionis ho-  
stes, huius beneficio Dei  
recuperentur.





71.

# MAGNIFICO ET

SPECTABILI VIRO, D. GVIL-  
helmo Pageto, Serenissimi regis Ang-  
glia, consiliario, Equiti, & prima-  
rio regia domus œconomo,  
Ioannes Sleidanus,  
S. D.



QUANTA SIT VIS  
ingenij, & lumen illud  
naturę, diuinitus accen-  
sum in animis hominũ,  
& quousque ratio pro-  
gredi possit, uir amplissime, manifestũ  
nobis fecit Deus, cum in alijs nonnullis,  
tum in Platone potissimũ. qui Dei qui-  
dem cognitionem non habuit, quæ no-  
bis ministerio spiritus atq; uerbi est de-  
monstrata, sed tamen doctrina & ratio-  
cinatione ad summum fastigium & ad  
metam peruēnit, quam humana mens  
nulla possit excedere. Quis enim ante  
ipsum, aut sensit præclarius, aut plura  
scriptis prodidit de illo rerum omnium  
fabricatore Deo, & animę immortalita-  
te? quis autem sanctiora dedit institu-  
endæ uitæ præcepta, cum priuatim tum

# P R A E F A T I O.

publicè, si paucula quædam mutantur: quis de supplicijs malorum & præmijs bonorum, post hoc uitæ curriculum, maiori gravitate scripsit: planè relucet ingenium ex oratione, ac uidetur magno quodam affectu et desiderio, beatiorē sedem, ab hac erummosa uita, expectasse. Quod cum ita sit, nos certè maximas immortalī Deo gratias agere debemus, qui, disiectis tenebris & dissipata caligine, quæ præstantissimorum hominum mentes obtexerat, Solem ipsum ut intueamur, nobis est largitus: ita quidem, ut licet Platonis et aliorum acumen, uideatur admirandum: tamen, quantum ipsis ad ueram atq; perfectam cognitionem defuerit, facile perspicere possimus. Magnus est campus, & multa hic copiosè dici possent de nostra felicitàte, quibus tantū beneficiū Deus impertiuit: sed habenda est mihi ratio tui, ad quē ista scribo, qui multò rectius hæc atq; plenius, quàm ego, cognoscis. Iam uerò, quanquā Christi philosophia nobis ad omnem uitæ rationem prælucere debet, tamen quæ sunt etiam apud Ethnicos, morum atq; ciuīlis uitæ præcepta, minimè sunt aspersnanda, cuiusmodi sunt Platonis, de republica

republica & legibus, libri. quos in opusculum istud contraxi, & quæ potissima sunt in ijs, ac rebus gerendis accommodata dogmata, breuiter annotaui. Tibi autem Magnifice Domine, dicendam esse hanc qualemcunq; operam putauî, tanquam munus quoddam ordini ac cõditioni tuæ aptissimũ. Propter eruditionem enim ac singularẽ uirtutem, Henricus Angliæ rex, octauus, optimum de re iudicium fecit, & quandiu uixit, inter paucos ualde habuit familiarem: moriturus etiam, ut insignem locum apud filium regem obtineres, rei q; publicæ partem non minimam administrares, diligenter cavit. Ut igitur scriptum hoc boni consulas, tibi q; proprium esse putares, ac uelut testimonium quoddam accipias meæ erga te obseruantia, quam humanitati beneuolentiæ q; tuæ debeo, magnopere oro. Vale. Argentorati, mense Iunio,

Anno domini

M. D. XLVIII.

SVMMA DOCTRINÆ  
Platonis de Republica  
& legibus.



LIBRO PRIMO Socrates cum alijs nonnullis amicis ac familiariter cōfabulatur de senectute, & per occasionem sermonis incidit quæstio,

quidnam sit illud, quod Iustum appellatur: plerique sic definiebant, ut dicerent Iustitiam esse uirtutem quæ suū cuique reddat. Eam definitionē impugnat Socrates, et ait ad iustitiam pertinere, depositū reddere: sed tamen furioso minimè reddendum esse quod deposuit. non esse igitur idoneam satis atque firmam hanc definitionem. Erat qui diceret, Iusticiam esse, quæ bene faceret amicis, male autem inimicis. Hoc ipsum quoque Socrates refellit, & more suo per minutas interrogatiunculas colligit atque demonstrat, esse præter officium uiri iusti, nocere cuiquam. Tertia fuit sententia Thrasymachi, Iustum esse nihil aliud, quam quod homini præpotenti, & qui magis

stratum obtineat, sit utile. Socrates autem hoc euertit, ac multis in medium adductis argumentis ostendit, uirum bonum, qui sit cum magistratu, non suam priuatam, sed communem eorum, quibus præsint, utilitatem spectare. Cuius Thrasymachus incaluisse, ac suæ opinionis confirmandæ causa diceret, Iniustitiam esse firmiorem iustitia, & hominem iniustum ex rebus omnibus percipere plus emolumentum quàm iustum: Socratesne hoc quidem concedit, & exponit quemadmodum qui iniuste agunt, consistere non possint, ac necessario tandem corruant. Confutata Thrasymachi sententia, Glauco & Adimantus fratres multa disserunt pro iniustitia, et ille quidem ait omnes homines natura eò propendere, ut iniuste agant: et per occasionem recitat fabulam de Gyge pastore Lydio, cuius & Cicero meminisse in libris officiorum. Adimantus uerò iustitiam ab omnibus laudari dicit propter honores atque præmia, quæ tamen uberius multò consequatur is, qui iustitiæ solum opinionem habeat, re autem ipsa sit uersutus atque callidus. Hæc autem ideo disputantur ab eis, ut Socratem ad ampliorem iustitiæ

sticiæ defensionem excitent. quod ille quidem diligēter facit, ac tandem ostendit, quomodo constituatur ciuitas, & quā uarijs in ea sit opus artificibus, quorum alij sint necessarij, alij uerò ad uoluptatem comparati, crescente ciuium luxu atq; mollitiē. qua quidem ex re dicit oriri bella, quando scilicet aucta multitudine fines nostros dilatare uolumus, ut ne quid ad omnem luxuriam nobis desit. facta deinde quadam digressione, explicat quomodo sint instituendi, qui rempub. aliquādo procurabunt, in Gymnastica nimirum & Musica. Libro tertio utrunq; declarat, & adolescentum institutionem eò referendam esse dicit, ut de Deo bene sentiant, eumq; bonorum, non etiā malorum authorem esse putent. Ex Poëtis igitur alijsq; fabulis ea solum esse proponenda iuuentuti, quæ ipsos reddant audaces, & ad subeundū uitę discrimē intrepidos. quo quidem in loco multa recitat ex Homero, alijsq; poëtis, à quorum lectione uult abstineri adolescentes, ne teneris annis ullam deprauatam sententiā imbibant. Musicam dicit conferre animis ad uirtutem formādis, Gymnasticen uerò

ΣΥΜΜΑ ΠΛΑΤΩΝΙΣ

corporis uoletudini, quam ut consequamur, ad continentiam atq; sobrietatem hortatur. Nostris enim moribus atq; luxu fieri, quod animaduersoribus & Medicis carere non possumus, & signum esse male constitutæ reipublicæ, quæ tam multis opus habeat curatoribus. Vtrunque uero studij genus pariter exercendum esse præcipit. nam eos qui Gymnasticæ tantum studeant, euadere ferociôres ac induere mores agrestes: qui uerò solam sectentur Musicen, remollescere ac quodammodo effœminari. Iucundo deinde figmento demonstrat, alios esse natos ad imperandum, alios ad auxiliandum, alios ad agriculturam & artificia, eosq; omnibus distinguit per aurum, argentum, æs atq; ferrum, & non raro fieri dicit, ut ex aureo patre nascatur ferreus, & nonnunquam e ferreo procreetur aureus. Diligentem itaq; curam in eo adhibendam, & accommodandos esse liberos quam ad rem maximè uidentur esse à Deo & à natura formati. Prefectos etiã reipublice iubet ex ærario cõmuniter tolerare uitam, nihilq; possidere proprium, ut ne, dum rei familiaris amplificationi studet, ciuitatis negligant salutem. Eo qui

sequitur

sequitur libro respōdet, Adimanto, quī  
hæc impugnauerat, & ostendit medio-  
crem fortunam omnium esse optimam,  
& inopiam non minus quā copiam  
atq; opulentiam habere sua incommo-  
da: ex illa enim nasci maleficia & illis  
beralitatem, ex hac autem delicias & de-  
sidiam & seditiones & rerum nouanda-  
rum studium. In primis uerò curan-  
dum esse dicit, ne ciuium mores deprau-  
entur: eius autem rei summum ac pre-  
cipuum momentum esse positum in e-  
ducatione. Postea descendit ad definitio-  
nem Iustitiæ, prudentiæ, fortitudinis  
ac temperantiæ, & collatione facta, quis  
prudens, iustus, fortis atq; temperans ha-  
beri debeat, item, quæ ciuitas ab his uir-  
tutibus laudanda sit, demonstrat. Pos-  
tremo, fundamentum rei pub. dicit esse,  
ut quisq; naturā sequatur ducē, & quam  
ad rem natus esse uidetur, in ea pluri-  
mum ut elaboret, neq; naturę repugnet.  
Post hæc admonitus à Glaucone, quod  
superiori libro dixerat de communione  
rerum, explicat, & ait foeminas, etsi natu-  
ra sint imbecilliores, tamen esse non in-  
eptas ad ea discenda & peragenda, quæ  
uiri discunt & faciunt, ad Musicam ui-



SUMMA PLATONIS

delicet, ad Gymnasticen, ad rem militarem. Et quò ciuitati semper suppetant uiri ac mulieres egregij, censet ex omni numero deligendos esse optimos iuuenes ac speciosissimas fœminas, qui liberis dent operam: sed eam commixtionẽ debere per magistratum indicĩ, ac subtili quadam ratione per sortes ita disponi, ut robustissimi cum optimis, deteriores uerò cum sui similibus conueniant; fortibus autem utendum esse, uitandæ causa offensionis. Masculos iubet liberorum procreationi studere ab anno tricesimo usq; ad quinquagesimum quintũ, puellas aut ab anno uicesimo usq; ad quadagesimum. simul modestiæ ac uerecundiæ maximam esse rationẽ habendam dicit, et qui cum quibus rem habere possint, exponit. Liberos autem ad hunc modum procreatos, publicò sumptu nutriendos esse in ciuitatis parte separata: qui uerò nati sint ex deterioribus, nõ esse unà cum reliquis educandos, & cuiq; suum uult ignotum esse parentem, & matribus quoq; filios, promiscuè autem ab omnibus usurpari nomen patris, matris, filij atque filia, pro ætatis cuiusq; ratione. Sic enim fore, ut maximus

mus oriatur amor atq; consensus inter  
 ciues, quando quidem quod unū alicui  
 accidit, omnes ad se pertinere putabunt,  
 sicut in corpore humano si qd membrū  
 male sit affectū, cetera dolorem hunc ad  
 se propriē pertinere putant, operamq;  
 dant ut illi subueniant. Ciuitatem uero  
 rō melius cōstitui non posse, quā ut ta-  
 lis perpetuō sit inter ciues consensus.  
 Utendum etiā ipsis inter se familiari-  
 bus et amicis appellationibus, et qui rei  
 publicæ præsunt, non principes, uerum  
 auxiliores ac seruatōres à ciuibz no-  
 minandos esse, ciues autem ab illis, prae-  
 bitores atque nutritios. Vult enim  
 quod & suprà dictū est, reip. praefectos  
 nihil habere proprium, sed ali ex publi-  
 co, ne cupiditate & auaritia adducti, ci-  
 uitatem perturbent & exhauriant. Mul-  
 tas præterea refert commoditates, quæ  
 ex ista rerum communione proueniunt,  
 in primis autem, quod controuersia, cu-  
 iusmodi solent oriri plurimæ de agris,  
 possessionibus, liberis, propinquis, nul-  
 læ prorsus existunt, nec etiā uis ulla,  
 quando pudor et metus in officio singu-  
 los continent. Monet etiā, ut uiri unā  
 secū ad bellū educant mulieres ac pado-  
 lescentes

Iescentes, quò sint spectatores ipsorum  
 uirtutis, & à puerilibus annis ad militiæ  
 laborem sese durent. Post hæc addit que-  
 dam præcepta, ad rem militarem atq; di-  
 sciplinam pertinentia, de non deserendo  
 ordine, de non abiiciendis armis, de  
 fortiter pugnando, neq; dedendo se hos-  
 ti uiuum, de cohonestandis ijs, qui for-  
 titer in hostem pugnando ceciderunt.  
 Sed belli genus distinguit. Aliter enim  
 esse dimicandum aduersus externos, ali-  
 ter aduersus Græcos: & adeo quidem  
 clemens uult esse Græcorū inter ipsos  
 bellum, ut ne bellum, quidem appellari  
 debeat, sed seditio, atq; ita gerendum  
 ipsis esse bellum quasi non multò post  
 futuri sint amici. Græcos enim omneis  
 necessitudine quadam contineri & in-  
 ter se deuinctos esse: uerum externos at-  
 que barbaros natura esse hostes. Itaq;  
 nato dissidio, uel ea, quam diximus, se-  
 ditione, abstinendum esse à depopula-  
 tionibus agrorū, ab incendijs & alijs id  
 genus immanibus factis. Interpellatus  
 deinde socrates, difficillimū esse, talem  
 cōstituere rempublicā, respōdet, ut maxi-  
 mē fieri non possit, tamen præclaram fore  
 ciuitatem quæ ad eam formam, quam  
 ipse de-

ipse describat, proximè accesserit, nec ul-  
li reip. bene sperandum esse, quam non  
regant philosophi. simul, qui sit philoso-  
phus, definit, & ait eum esse ueritatis  
cupidum, & amare scientiam, qua notia  
or ei fiat ea natura, quæ semper est, atq;  
permanet, neq; generatione uel corru-  
ptione mutatur. Libro sexto philo-  
sophi naturam prolixè describit, qui cor-  
poris oblectamenta contemnat, animi  
tantum uoluptates quærat, qui sit tem-  
perans et moderatus in rebus omnibus,  
ac minimè auarus, deniq; qui ueritatis  
diligentissimus sit inuestigator. Huic er-  
go remp. posse rectissimè cõmitti. Sed  
Adimantus obijcit, philosophiæ dedi-  
tos consenescere in eo studio & inutiles  
uadere ad remp. gubernandam. Ei re-  
spondet Socrates, & fatetur uerum qui-  
dem esse, ipsos autem Philosophos non  
esse reprehendendos, sed illos potius,  
qui philosophis non utantur. Minimè  
enim illos esse gloriæ cupidos, nec face-  
re aliquid ad ostentationem, ideoq; la-  
tere ac prope contemni. Cur etiam in  
philosophiæ studio nonnulli nequior-  
es euadant, ostendit, & uitiösam edu-  
cationem in causa esse dicit, ubi simul &  
statum

# SVMMA PLATONIS

statum sui temporis et mores corruptissimos perstringit, & nisi diuino quis beneficio conseruetur, uix posse fieri, ut in ijs moribus & temporum cōfusione laudem probitatis retineat, Opes etiam & ea quę uulgò bona putant, impedimentum adferre philosophię studioso, quem liberum esse oporteat ab omnibus alijs occupationibus, & natura duce perseuerare in his studijs, neq; sermonibus hominū ab instituto reuocari. Tandem cōcludit, ut antea quoq; nisi aut Philosophi ciuitatibus pręsint, aut qui pręsunt, philosophiæ dent operam, non fore beatam remp: Post hæc disputat de eo, quod appellatur Bonum, neq; tamen definit, tantum hoc dicit, Solem esse filium summi illius boni, rerum omnium authoris. Libro septimo similitudinem adducit de specu subterraneo, in quem modicum lucis illabitur, cuius inhabitatores nullam esse putent beatiorē uitam, è quo si quis in apertam lucem educus sit, ægerimè possit intueri solem: ubi uerò paulatim assueuerit, admodum deploret eorum miseriam, qui in subterraneis illis locis uitam degunt. Eam uerò similitudinem accommodat ad  
 animum

animum, qui eruditione excultus, ea solum cogitat & meditatur quę longę sunt supra res humanas, corruptioni obnoxias. Exponit deinde, quę potissimū artes necessarię sint uolētibus ad perfectionem hanc peruenire. Ponit autē Arithmeticam, Geometriam, Astronomiam, & postremo, Dialecticē, quam ualde magnis extollit laudibus, eamq; finem esse dicit ac ueluti summam reliquarum artium, ideoq; non nisi postremo loco tradendam esse iuuenibus iam natur grandioribus. Diligenter autem præcipit, ut adolescentes liberaliter, & non coacti, sed ueluti per ludum instituantur, quod liberum ingenium non deceat, artem aliquam more seruili condiscere. In Dialecticis autem reprehendit morem illum captiosę atq; sophisticę disputandi. Quare non omneis indifferenter huc recipiendos ait, sed uiros tantum graues ac moderatos, qui ueritati studeant, non autem id agant, ut captiose omnia subuertant. Qui enim eo sint ingenio præditi, hoc est, qui uersute ac insidiosę disputent, fluctuare animis, nec ullam tenere certam sententiam. Et quemadmodum adolescentes,

ita

ita quoque puellas institui iubet atque for-  
 mari, eas nimirum, quæ sint his rebus  
 idoneæ. Libro octauo recenset for-  
 mas reipub. & præstantissimam quidem  
 esse dicit optimatum gubernationem,  
 sed hanc facile degenerare in Ambitio-  
 sam, ex eaque deinde nasci paucorum po-  
 tentiam, quam dicit esse plurimis malis  
 plenam rempublicam ex ista deinde  
 administrationem popularem seu mul-  
 titudinis, ex eaque demum tyrannidem,  
 quartum ciuitatis & extremum mor-  
 bum. Post hæc interpellatus Socrates à  
 Glaucone, qui diceret eiusmodi remp:  
 qualem antea descripserit, non facile pos-  
 se in suo statu perturbari: respondet id  
 quidem esse uerum, sed quoniam omne  
 quod genitum est, corruptioni sit ob-  
 noxium, ideo quoque talem reipub. con-  
 stitutionem non posse perpetuam esse.  
 Turbari autem respublicas & commo-  
 ueri per seditionem, cuius originem esse  
 dicit ex dissimilitudine morum & inge-  
 niorum. Liberos enim plerumque dege-  
 nerare, quod parentes aptum atque legi-  
 timum procreandi tempus non obser-  
 uent. Itaque fieri, ut ex aureo patre nasca-  
 tur ænea uel ferrea proles, atque hanc esse  
 causam,

causam, cur ciuitatum conditio semper  
euadat deterior. Ambitiosam gubernationem uocateam, quæ est media inter  
optimates ac paucorum potentiam, &  
ubicunq; ea nascitur, ait illam quæ fuit  
antea, rerum communionem dissipari,  
& unumquenq; id operam dare, ut statim  
& quam plurimum ditescat. Ex eo  
deinde sequi Oligarchiam, in qua Magistratus et munera publica, pro magnitudine  
census & opum distribuatur, exclusis omnibus, qui sunt re tenuiori;  
eiusmodi autem remp. nec bonam esse  
posse nec diuturnam. Quemadmodum  
enim si naui præficiatur aliquis locupletior,  
imperitus tamen, uectores in magno  
sint fururi periculo: sic etiam non  
posse non infœliciter administrari ciuitatem,  
in qua non uirtuti, sed opibus sit ad  
honores patefacta uia. Sic enim fieri, ut  
dum pauci quidam student quocunq;  
modo fieri quam locupletissimi, complures  
alijs redigantur ad inopiam: Inter  
eos autem, qui sunt re minus lauta, esse  
complures, qui furtis, latrocinijs, sacrilegijs,  
& id genus alijs flagitijs dent operam:  
hos tandem indignè ferre suam fortunam,  
& quoniam multitudine ac numero



merouincunt, oligarchis illis aut necatis aut in exilium eiectis, rempub. inter se partiri, atq; hunc esse popularem statum, in quo summa sit ac propè nimia libertas, propter scelerum impunitatem, eoq; nomine reprehendit Athenas. Et sicut in oligarchia præcipuum bonum esse creditur, diuitiarum copia, sic in democratia libertatem ab omnibus flagitari: Eius uerò itatus exitum esse dicit, tyrannidem. populus enim, inquit, ut ijs, qui nimia fresti libertate, suis planè seruiunt commodis, resistat, ex omni multitudine sibi aliquem deligit, eumq; facultatibus amplificat. Is deinde lupi naturam induit, & principio quidē ex cogitata calumnia, tollit e medio quos timet, ac quò tutior sit, corporis sui satellites à populo requirit ac impetrat, fit blandus & mansuetudinem simulat ad tempus, multis aliquando bene facit, ut gratiam sibi conciliet, sed & operam dat, ut excitatis bellis, ipsius opera maximè sit necessaria, quibus in bellis eos interim obijcit hosti, quos uidet liberali præditos ingenio, quosq; suum imperium detrectaturos putat. Diligenter enim prouidere ipsum oportet, ne quem

quem bonum et prudentem uirum, à cuius uirtute sibi metuere possit, reliquum faciat, planè dissimilis à medicorum instituto, qui quod uitiosum est in corpore, solummodo tollunt. nisi enim ità se comparet, non possit dominari: Sed & stipatorum atque satellitum suorum auxilio, ciuibus eripit omnia tela, qui nimium serò fortunam suam tandem deplorant & intelligunt, quàm uirum tam bestià educarint in sinu, quam non temere possint, cum uolunt, excusare.

Nono libro demonstrat, tyrannum esse omnium hominum longè miserrimum, & quò diutius in tyrannide uiuat, eò fieri deteriores, & agitari perpetuo uarijs multisq; timoribus & cupiditatibus, ac ueluti carcere clausum cōtinere se domi intra muros: itaq; uerè seruum esse & expertem omnis humanitatis ac beneuolentiæ: quod si etiam ipsius flagitia laterent deos & homines, tamen esse miserrimum. Post ingreditur in locum philosophicum & communem, ostendens, neminem frui sincera uoluptate, nisi uirū prudentem & temperantem: eos uerò qui corporis uoluptatem sequantur, omnium esse mi-

SUMMA PLATONIS

ferrimos, & illam qua frui uidentur, uoluptatem, esse fluxam & umbratilem: Tyrannum etiam, qui legum seueritatem & uincula fugit, qui rationem minime sequitur ducem, esse remotum & alienum ab omni uoluptate honesta: uisum autem prudentem cogitare inprimis, quemadmodum optimis rebus animum exornet, nec ullum suscipiat honorem aut uitæ genus, quod animum deprauare, & à constantia remouere possit. Ridens deinde subiungit, nullam ex tate eiusmodi ciuitatem, qualem ipse describat, & hoc se spectare tantum, qualis esse debeat. Supra libro tertio, ubi de Musica loquitur, quam diuidit in orationem, harmoniam, & rhythmum, poëtarum quoque mentionem facit, & ostendit quæ potissimum loca sint ex ijs proponenda iuuentuti: neque enim promiscue illis omnia esse tradenda. Eandem sententiam repetit libro decimo, propter eos, qui Homerum & quosdam alios poëtas Tragicos ita commendabant, ut ad ipsorum præscripta, cum priuatim, tum publice uitam instituendam esse dicerent. Hoc autem refellit, & ait hymnos, quibus uel deorum uel hominum

mínium laudes celebrant, admittendos,  
 reliqua uerò omnia, quibus uarios ho-  
 minū adfectus depingunt, adeò nihil cō-  
 ferre ad ciuitatis institutionem, ut etiam  
 bonorum uirorum animos deprauare  
 possint, atq; hoc locis aliquot ex Hor-  
 mero desumptis ostendit. Homerum  
 quoq; dicit, nec rempub. ullam bonis le-  
 gibus formasse, ut Lycurgus fecit, neq;  
 beneficiū aliquod in ullam ciuitatem  
 contulisse, neq; consilio bellum ullum  
 gubernasse, neq; posteris reliquisse prae-  
 clara morum & officiorum, quæ omni  
 uitæ conueniant, præcepta, sicut Thales  
 Milesius & alij quidam, neq; fuisse ali-  
 cuius disciplinæ uitæq; ducem, ut Py-  
 thagoras fuit. His igitur de causis con-  
 cludit, poëtas tantum esse imaginum  
 uirtutis imitatores, ad ipsius autem ueri-  
 tatis intimam perfectamq; cognitionem  
 minimè penetrare. Modestè tamē hunc  
 locum tractat, sibiq; petit ignosci, quòd  
 sententiam suam dissimulare non pos-  
 sit: esse quidem philosophis quoddam  
 uetus odium ac simultatem cum poëtis,  
 uerum eò nihil commoueri se, neq; tri-  
 buere aliquid affectui, & inde à puero  
 uereri se cum primis & amare optimum

SVMMA PLATONIS

authorem, Homerum: hoc etiam proba-  
 teri, poësim esse uoluptatis & recreatio-  
 nis non inhonestæ ministram, & hunc il-  
 lius usum esse posse, uerum ut in tempore  
 recipiatur, & in rebus grauib; authori-  
 ritatem obtineat, minimè committen-  
 dum esse. Post hæc ingreditur dispu-  
 tationem de animæ immortalitate, cui  
 post hanc uitam proposita sint æterna  
 uel præmia uel tormenta, pro cuiusq; be-  
 ne uel male factis, ubi & fabulam inserit  
 de quodam Ero Pamphilio, qui resusci-  
 tatus à morte, commemorabat homi-  
 nib; , qualis esset animarum status at-  
 que conditio post hanc uitam, & quem  
 admodum sint adfectæ. Libro primo  
 de legibus, cōueniunt Atheniēsis, Cre-  
 tensis & Lacedæmonius, qui de patrijs  
 legibus inter se disputant: & Atheni-  
 ensis quidem rogat ex Cretenſi, cur con-  
 uiuia publica, gymnasia et armorum tra-  
 ctatio sit apud eos instituta. Eius rei  
 explicata ratione; alter dicit, in feren-  
 dis legibus & in omni guberatione spe-  
 ctandum esse in primis ad ea, quæ uo-  
 cantur bona diuina, prudentiam, iusti-  
 tiam, fortitudinem, temperantiam: de-  
 inde uerò ad inferiora bona, sanitatem,  
 formam

formam, vires, diuitias. Paulatim deinde accedit ad rem ipsam, & tam Cretensium quàm Lacedæmoniorū leges ponderat. Nam edicto cautum erat, ne quis iuuenis in leges inquireret, ipsis autem senibus licebat. remotis adolescentibus, de legum authoritate sermonem conferre ac disceptare. cum igitur soli conuenissent hi senes, oblatam quæstionem tractant. Et de computationibus quidam initio loquitur Atheniensis, de cæp alijs uoluptatibus, & Cretensium morem grauitè reprehendit, qui Iouem, raptò Ganymede, mali cuiusdam exempli ferebant authorem ipsis extitisse. Hic uerò Lacedæmonius abrumpit sermonem, suæq; ciuitatis morem laudat, quæ neq; temulentiam nec aliquid præterea admittat, quod uoluptatis irritamentum esse possit, imò grauissimè puniat ebrietatem. Tum Atheniensis, rectum quidem hunc esse morem ait, sed tamē in eiusmodi colloctionibus non ita subito uel laudandum uel uituperandum esse aliquid, & prius inspiciendum, quid qua ratione sit institutum. Et quamuis ebrietatem ipse uituperet, eo quòd rebus gerendis inepta sit, quòd

Omnis generis adfectus uehementissimè inflammet, quòd memoriam & intelligendi uim omnem extinguat, tamen si quis ciuium suorum mores atque naturam, leui & minime noxiò experimento cognoscere uelit, nihil ad eam rem esse conuenientius, quàm computationes atq; uinum. Post, inserit ualde illustrem sententiam, et ait eos qui in aliqua re sint præ cæteris futuri excellentes, oportere à teneris annis, ad eam rem, uelut per ludum assuescere & exerceri. Quod eò pertinet, ut demonstret, disciplina homines uel probos effici uel uitiòsos, ut quæ maximam uisum atque momentum in omnem uitã adferat. Vini aut hanc dicit esse uim atq; naturã, ut qui bibit, primò fiat alacrior, deinde, quò plus hauserit, eò sit ampliòrè spe, tantoq; de se præclarior ipse sentiat, & tandem confidenter ac animosè quiduis & dicat & faciat. Libro secundo multam denuo mentionem facit Musices, quam ad componendos & formandos animi motus omnis nò uult referri. Postea subiungit, adolescentibus abstinendum esse à uino, ad annum usq; xviij, nec igni addendum esse ignem, quoãd incipiant perferre ac subire

subire laborem. Ab ea demum ætate, ualde moderatè utendum esse uino, usq[ue] ad annum tricesimū, & magno studio cauendū ab ebrietate: Post annum uerò quadagesimum copiosius bibendum esse, in honorem diuorum, inprimis autem Bacchi, qui uinū sit largitus hominibus, tanquam remediū, quo senectutis molestiæ omnes abstergi possint, ut et reuiuiscere quodammodo uideamur, & grāuiores cogitationes à nobis depellamus, et ut animus, uino, tanquam igni, calefactus & exhilaratus, flexibilior fiat, sicut ferrum uidemus in igni mollescere. Compotantibus autem iuuenibus oportere quendam adesse, uelutī custodem, qui mores illorum & ingenia, sobrius ipse, contempletur & obseruet, & cum indecorè uel impudenter aliquid fieret, corrigat, tunc, quum bibēdo animi facti sunt molliores & obsequentiores. Breuiter, ita iubet uti uino, ut uerecundia semper meminerimus, & ut corporis uires atq[ue] sanitas augeant. Quòd si ad eum modum compotetur, nihil esse uitij: ut autem omnes promiscuè conueniant, remotis arbitris morumq[ue] magistris, minimè concedendum esse, ac tunc



SUMMA PLATONIS

potius laudandum esse Carthaginensium morem, ne quis uidelicet in castris uinum bibat. Rectè facturos etiam magistratus, quando reipublice uacabunt, si à uino sibi temperent, item coniuges, cum liberis daturi sunt operam. Postremo redit ad illud quod superiori libro dixerat, Bacchi patris munus nō ita simpliciter uituperandum esse, quasi procul è ciuitatibus eliminandum sit. Lacedæmonius enim reprehenderat hunc compotandi morem, & alteri temulentiam obiecerat, in ipsorum republica receptā. Post hæc inquiri et expendit, cur ciuitates nonnullæ, ex paruis initijs & humili loco factæ sint potentes, aliæ uerò, postquam aliquandiu floruerunt, redactæ sint ad tenuitatem & inopiam. Repetit autem paulò altius, nimirum ab eo tempore, quo maxima pars orbis terrarum ingenti illò diluuiò uastata fuit. Tum ait inter eos, qui pauci admodum reliqui fuerunt ex ea calamitate, maximum fuisse amorem & summam beneuolentiam, propter solitudinem illam horrendam & paucitatem ipsorum, quando nec in magnis copijs nec inopia, seditionis ullam haberent occasionem.

hem. In quocunq; enim hominum cœtu nec inopia nec diuitiæ sint, ibi iustissimos mores uigere, quod & iniuria & inuidentiâ procul absint. Illos ergo tum homines, ut literarum & artium nullam habuerunt cognitionem, & sicut ab omni contentione fuerunt alieni, sic quoque fuisse cū primis rectos & simplices et modestos, & primis aliquot temporibus habitasse diuersos, & unumquenq; suæ familiæ, uxori & liberis imperasse, consuetudinem suorum maiorum moresq; secutum: cum deinde paulatim excolerentur, plures una conuenisse, qui iunctis domicilijs, ut à ferarum iniurijs essent tutiores, sepimentis alijsq; se rebus communierint: & quoniam è sua quisq; domo atq; familia, tanquam ex patria regione, leges & mores auitos adferret, necesse omninò fuisse, ut certi quidam, diuersis omnium legibus inspectis & diiudicatis, quod optimum esset, eligerent: eos tum fuisse legumlatores, qui coactæ alicui hominum multitudini leges dederint: tandem uerò multos eiusmodi cœtus & oppida principem aliquem uirum sibi delegisse, à quo regerentur, aut etiam ex ipsis

# SUMMA PLATONIS

ex ipsis unum aliquem populum fuisse reliquis præfectum, & inita inter ipsos fœdera, de tuenda libertate & propulsanda iniuria communi, & tale quidem fœdus ait fuisse inter Lacedæmonios, Argiuos & Messenios, Peloponnesi ciuitates. Itâ quoq; natura ferè comparatum esse dicit, ut senes adolescentibus, uiri fortes, ignobilibus & ignauis, parentes liberis, prudentes insipientibus dominantur. sed & illum principatum, qui sorte contingit, numerat: eum uerò principatum, quando uiri prudentes rerum summæ præficiuntur, omnibus alijs anteposit. Duas præterea gubernationum ciuiliū uelut parentes esse dicit, Monarchiam & Democratiam: ex ijs enim reliquas omneis manare. Et monarchiam quidem ait apud Persas uiguisse, democratiam autem apud Athenienses. Ingreditur deinde locum pulcherrimum & planè historicum, de regibus Persarum, Cyro, Cambyse, Dario, Xerxe, & Cyrum quidem bonum fuisse ducē fatetur, sed in eo ualde peccasse, quòd filios molliter inter fœminas educarit, qui grandiores facti, & ab assentatoribus corrupti, cū ipsorū auribus plariq; seruirent,

seruissent, mortuo patre, alter alterū interfecerint, Cambyfes etiam à puero uitiōse educatus, regnum propè subuerterit. Post hunc regnasse Darium, populariter quidem & satis modestè, sed in eo errasse non mediocriter, quòd & ipse filium Xerxem molliter educarit, qui similem habuerit, ut Cambyfes, uitæ exitum, ab eoq; tempore nullū fuisse Persarum regem magnum, nisi solo nomine: Quod ipsum non fortunæ quidem tribuendum sit, sed deprauato uitæ generi, quod regum ac tyrannorum filij ferè complectantur, qui neq; pueri, neque uiri, neq; senes ad bonam frugem peruenire possint, impediti plurimis uitiorum illecebris. Hæc autem eò dicit, ut demonstret, Persarum regum Imperium occidisse, quòd nimis magna seruitute populum constringerent, & Atheniensium rempublicam esse labefactatam, quòd populus nimis magna frueretur libertate. Nam in utroq; seruandum esse modum, eoq; refert illud præclarum Hesiodi dictum, Dimidium plus toto, quo præcipit, moderatum esse præferendum immoderato, & tã in Monarchia quàm democratia seruandam mediocritatem,

eoq;

eoq̃ nominetaxat Messenam & Argi-  
uos, qui nimia libertate lasciuiabant mi-  
nimè secuti uestigia Lacædemoniorum,  
quos magnopere laudat, quòd in ipso-  
rum republica nobilium administratio  
esset temperata xxviij. uiris natu gran-  
dioribus, ac præterea ipsis Ephoris, qui  
luxuriantem principatum cohercerent.  
Sub finem superioris dialogi, Creten-  
sis dixerat, bonam Cretenesium partem  
uelle coloniam deducere, eiusq̃ rei curã  
esse demandatam Gnosijs, & sibi Gnos-  
sio ciui cum alijs nonnullis datum esse  
negocium, ut ex omnibus Cretenesium  
legibus, neq̃ solum ex ijs, uerum etiã  
ex peregrinis & exteris colligerent, quas  
iudicaret optimas, quibus noua colo-  
nia institueretur. Hoc igitur est argu-  
mentum & occasio eius colloquiij, quod  
nunc inter se habent. Et primũ quidem  
Atheniensis rogat Cretensem de varijs  
rebus, an ea colonia sit futura mariti-  
ma, an portuosa, an oppidũ aliquod ha-  
beat uicinum, an regio sit fertilis, an ab-  
undet materia fabricandis nauibus.  
Cumq̃ ille dixisset eã aliquantò longi-  
us à mari abesse, nec admodum esse fru-  
ctuosam, sed neq̃ arbores ibi prouenire  
constru

cōstruendis nauibus aptas; alter respon-  
det, bene rem habere, eamq̃ urbem hoc  
ipso esse aptiorem ad uirtutem, quòd,  
quibus uitijs maritimæ ac portuosæ ur-  
bes propter cōmertia multarumq̃ gen-  
tium aditus, opportunæ sunt, ijs nō faci-  
le corrumpi possit & effœminari. Quòd  
etiam ædificandis nauibus nulla sit i-  
bi materies, hoc eò pertinere, ut ciues  
fortissimè dimicent cum hoste, quando  
profugiendi nullam sint habituri com-  
moditatem, atq̃ eo loco recitat, quan-  
tum Athenienses à pristina uirtute dege-  
nerauerint, postquam cœperunt adorna-  
re classem, quod fuit post illatum ipsis  
bellum à Minoë. Reprehensum quoq̃  
dicit Agamemnonem ab Vlyssè, quòd  
quo tempore Troiam acriter oppugna-  
bant Græci, classem ipse pararit. Post  
hæc rogat, quænam sit illa futura collus-  
usio & turba colonorum, an omnes Cre-  
tenses, an uerò & alij Græci, his permix-  
ti. Plurimum enim referre, an sint unius  
gentis & moris & regionis homines, an  
sponte migrent propter angustos fines,  
an uero seditiõe coërta, uel bello pulsi di-  
scedant: sed & hoc, an ex omnis generis  
hominibus conflati sint: nam alios a-  
lijs

# SVMMA PLATONIS

lijs facilius posse cohiberi legibus. Querit etiam ex Megillo Spartano, quæ sit forma reipub. Lacedæmoniorum. Ille dubitanter responderet, ac tandem conuenit, esse mixtam, & quantum ad Ephoros pertinet, tyrannicam. Idem dicit Cretensis de Gnofo, & ambigue respondet. Postea de Saturni temporibus loquitur, & explicat fabulam. Saturnum enim, quòd uideret hominem in magistratu positum, præsertim regem aliquem aut Monarcham, efferrî nîmîũ, neq; posse tenere modũ, præfecisse ait suis ciuitatibus, non homines, uerum Dæmones, qui prudenter & continenter illas regerent. Nec enim hominibus uoluisse præficere homines, uerũ præstantius aliquod genus, quemadmodũ uidemus boues & capras, non ab eiusdem generis animalibus regi, uerum à nobiliori aliquo custode, nîmîrum ab homine. Hoc autẽ eò dicit ( fabulam enim esse fatetur ) ut demonstret, eos qui præesse debeant reip. oportere magnis uirtutibus & eximijs dotibus esse præditos. Addit insuper, leges debere condí, non pro salute unius modo partis, uerum totius reipub. corporis causa, & eos qui secus faciant, non

non esse ciues, uerum homines seditio-  
sos, ideoq; magistratum appellat legum  
ministrum. Hæc locutus de legislatore  
officio, ac ueluti præfatus, ostendit,  
quemadmodum legislator, nouam colo-  
niam aut populum legibus formaturus,  
cohortari ipsos debeat ad uirtutem, &  
diligenter eis inculcare poenas malorū,  
præmia uerò honorum, etiam ab hac uita:  
item, qua ratione & ordine sint ue-  
nerandi Diui, quis honor parentibus,  
quis amicis debeatur. Postremò; pul-  
cherrime demonstrat, oportere popu-  
lum non minus persuasionibus quàm  
ui aut seueritate quadam ad leges obser-  
uandas excitari. Eius rei tale est exem-  
plum. Mandat iuuenibus legislator, ut  
post annum ætatis tricesimum quintum  
uxores ducāt, nisi faciant, mulctam con-  
stituit & ignominia. Acerbum est istud  
atq; durum; iam qui uolet huic seueri-  
tati adhibere tanquam lene quoddam  
pharmacum, utetur persuasione: com-  
mendabit matrimonium & studiū pro-  
creandi, tanquam rem maximè natura-  
lem, quæ nobis quandam immortalita-  
tem pariat, relictis post nos hæredibus:  
qui nostri tum imaginem tum memoriæ:



am repræsentent. Hanc esse commodissimam rationem alliciendi populi ad amorem & obseruationem legum; sed eam dicit ab omnibus prope legislatoribus prætermitti, quod reprehendit, monens ut singulis legibus præponatur exordium aliquod, quo deuinciantur hominum mentes. Antequam ueniat ad ferendas leges, præfatur multa de Animo, quem dicit post deos maximè colendum esse & honorandum, quod illius possessio sit uerè diuina: Tunc autem uerè coli & honorari, quum ex deteriori sit melior, cū ratio prauis affectibus dominatur, cum nec uoluptarij sumus, nec auari, nec iniusti, sed modum in rebus omnibus tenemus. Exponit deinde, quantum corporis cultui & bonis fortune tribuendum sit, quemadmodum senes debeant uite morumque innocentia præire et tantum prælucere iuuenibus, quomodo sint complectendi propinqui & consanguinei, quomodo amici et sodales, quomodo peregrini, quos ab omni iniuria uult esse tutos, propter uindicem Deum: quomodo supplices, quibus parcendum esse iubet, quomodo ab alijs depellenda iniuria, cum possumus, quomodo bona

quæ possi

quæ possidemus, cōmunicanda cum alijs. Duplicem quoq; naturam in homine, præsertim in magistratu, oportere inesse, ut uidelicet sit seuerus & clemens; quorū illud erga præfractos, alterum uero erga tractabiles ac emendationis cupidos ualere debeat. Fugiendū esse autem nimium sui amorem, qui enim eo uitio laborent, quid iustum, quid pulchrum, quid honestū sit, non rectè posse iudicare. In ijs etiam, quæ in hanc uitam incidunt, in gaudio, mœrore, similibusq; rebus tenendū esse modum, & quoscunq; uitæ casus animo forti perferendos. Recitat deinde, quantū oporteat esse numerum ciuium, et agricolarū nouę colonię, nimirum ad quinque millia et quadraginta, inter quos distribuēdi sint agri. Quod autem Socrates in sua republica disputat de communione rerum, idem hic repetit Plato, confirmans nullam posse cogitari sanctiorem aut fœliciores remp. quauē propius ad deorum immortalium uitam accedat, quàm eam, in qua nō modo rerū omnium et possessionum sit cōmunio, uerum etiam, in qua quę propria sunt cuiusq; hominis naturæ, communia sint, oculi, aures, manus, ut qui

# S Y M M A P L A T O N I S

uidet, audit, agit aliquid, in communem  
 usum uideat, audiat, agat, ubi rebus  
 iisdem omnes latentur & doleant, tan-  
 quam ad omneis indifferenter pertinen-  
 tibus. At uerò, quòd eiusmodi resp. nec  
 fuerit unquam, nec futura speretur, con-  
 tentus ostendisse formam & imaginem  
 illius aliquam, transit ad eam reip. for-  
 mam, quæ inter homines constitui po-  
 test. Et principio quidem optimum esse  
 dicit, ut ciues, alter alterum agnoscant,  
 ut quisque sciat, quantum alterius uirtuti  
 tribuendum sit, & quos mereatur hono-  
 res atque munera. Cuique suum agrum di-  
 ligenter esse colendum, necque ciues opor-  
 tere illū, quem supra posuit, numerum  
 excedere. Ut etiam is, qui multos habet  
 filios, unum aliquem ex iis, quem uelit,  
 possessionum & domus constituat hæ-  
 redem, præcipit, reliquos uerò det ad-  
 optandos iis qui liberos non habent,  
 utque filia matrimonio collocentur. Mul-  
 tas autem dicit esse rationes uel prohibē-  
 dæ uel augendæ procreationis libe-  
 rorum, quando scilicet uel honor uel  
 dedecus proponitur, & senum ad iuues-  
 nes cohortationes accedunt. Sed cum  
 cum, de quo dictum est, numerum exce-  
 dit fore.

dit foetura ciuium, iubet deduci coloni-  
 am, cunq̃ uel morbo uel quauis alia cas-  
 lamitate numerus hic imminutus est, ait  
 non temere admittendos esse, qui sunt  
 in alia disciplina instituti. Ciues om-  
 nneis uult sordidum & infamem quæ-  
 situm uitare. foenerationem adeo impro-  
 bat & prohibet, ut ne sortem quidem il-  
 li qui mutuauit, reddendam esse dicat.  
 Post hæc, eorum refutat sententiam, qui  
 ciuitatē cupiunt esse quā ditissimam,  
 ac latē dominari terra mariq̃, cōfirmans  
 fieri non posse, ut probitas & iustitia sint  
 coniunctæ cum magnis diuitijs, & in ci-  
 uitate, quæ seditionem effugerē uelit, o-  
 portere nec inopiam esse neq̃ diuitias.  
 Pecuariam & agriculturam ualde pro-  
 bat, ut honestos acquirendi modos, huc  
 deniq̃ spectat, ut demonstret, primum  
 animi bona esse comparanda, secundo  
 loco, corporis bonam ualitudinem, terti-  
 um ac postremum studium oportere es-  
 se pecuniæ: urbem etiam commodolo-  
 co ponendam esse & opportuno: per-  
 magnam enim uim, neq̃ leue mome-  
 tum esse positum in ipsius natura loci.  
 Libro sexto dicit, etiamsi optimis legi-  
 bus constituta sit respub. non posse ta-

# S V M M A P L A T O N I S

finem rectè gubernari neq; diu cōsistere,  
 nisi idoneus sit magistratus, qui inde a  
 primis annis rectè sit institutus. Tradit  
 postea, quomodo sint creandi legū præ-  
 secti, quomodo ciuium nomina conscri-  
 benda, & cuiusque census annotandus,  
 quomodo eligendi exercitus duces, ma-  
 gistri equitum, tribuni militum & ordi-  
 num præfecti. Magistratus uerò creati-  
 onem debere ita fieri, ut media sit inter  
 unius & populi potestatem: seruos enim  
 & dominos, item probos & improbos  
 nō posse coalescere, si cōmunio sit inter  
 ipsos honorum; Laudandam quidem es-  
 se æqualitatem, sed illud sic accipien-  
 dum, ut illa demū sit uera & iusta equa-  
 litas, cum pro cuiusq; uirtute animiq;  
 præstantia distribuuntur honores: Vi-  
 tandę autem offensionis causa, nonnul-  
 lis in rebus utendum esse sorte. Constitu-  
 endos etiam ædiles, qui uias & ædificia  
 publica, qui portus, fora, fontes, deo-  
 rū phana & id genus alia procurent: it-  
 tem quæstores atq; cūstodes sacre pecu-  
 niæ, & curatores agrorum atq; limitum,  
 qui dent operam, ut aduersus hostilē im-  
 petum regio sit munita, fossis atq; uallis  
 in eum usum circumductis, item ut fon-

tes atq; flumina edificijs & arboribus exornentur. Rerum uenalium curatores uocat Censores, qui fori ordinem lege sancitum seruant. His omnibus accedunt Musices atq; Gymnasticæ magistratus, qui præsent, alij disciplinæ, alij exercitationis causa. Iubet autem ut omnes magistratus, officij sui & administrati muneris rationem reddant. Post hæc uenit ad iudices causarum, quandoquidem, nisi iudicia fuerint legitime constituta, ciuitas nulla diu consistere possit. Iudicium alios esse dicit, qui de priuatorum litibus cognoscunt, alios qui publica negocia tractant, alios autem arbitrarios, utriusq; partis uoluntate receptos. Ad publicas accusationes, hoc est, cum aduersus rempublicam aliquis deliquit, uult omneis admitti, eo quod ad omneis crimen & iniuria pertinet. Ostendit etiam, quomodo magistratus debeat instituere atq; formare adulescentes, qui post ipsos aliquando præerunt reipublice, nimirum ut modis omnibus incumbant in ea, quæ ciuitati sint profutura. quo loco & illud sanctissime dicit, sic erudiendos esse ciues, ut gloriosum et honestum putent, mori pro pa

tria, & ut quiduis patiatur potius, quam  
 uelint aut euersam uidere patriam, & in  
 seruitutem redigi, uel fuga ipsam dese-  
 rere. sed & illud rectè dicit, nō posse sta-  
 tim ab initio singula comprehendilegi-  
 bus, uerum qui succedunt alijs, magi-  
 stratus usu commune factos, debere sta-  
 tuere atq; etiam corrigere, quæ à maiori-  
 bus uel prætermissa fuerunt uel minus  
 idoneæ constituta. Venit deinde ad nu-  
 ptias, tanquam ad seminarium ciuita-  
 tis, ubi hoc imprimis cōuenire ait, & esse  
 ex usu reipublicæ, ut iuuenes neq; pau-  
 perū affinitatem fugiant, neque diuitum  
 sectentur: deinde, ut ferociores iuuenēs  
 in matrimonium ducant sedariorum &  
 quietorum ciuium filias, quò soboles u-  
 triusq; parentis naturam referat. Ad  
 eam uerò rem non cogendos quidem  
 esse illos, sed persuasionibus adducen-  
 dos. Eum, qui post tricesimum quintum  
 ætatis annum, celibem uitam agit, pecu-  
 nia quotannis mulctari, & in cœtu iu-  
 uenum esse iubet inhonoratum. Ad con-  
 iuiuium nuptiale pauculos quosdam a-  
 micos & propinquos debere conuoca-  
 ri, ne crescat impensa, cūq; per omnem  
 uitam ebrietas uitanda sit, ait coniuges  
 operam

Operam daturis liberis, oportere esse minime omnium uino grauatos, ut semper ex quam maxime sobrijs & moderatis propagentur liberi. Quantum ad dotem pertinet, iubet æqualitatem in eo seruari, uitandæ causa offensionis. Urbem iubet edificari rotundam, & in loco eminentiore, quò & munitior sit & purior. muris autem non debere cingi, quòd ea res ad ignauiam & securitatem ciuium ualde pertineat, eoq; Lacedæmoniorum morem commendat, qui muris carebāt. Possessionum omnium difficillimam ait esse seruos, propter ipsorum improbitatem atq; nequitiam. Præcipit autem, ne nimium uel seuerè uel etiam molliter habeantur. tunc enim cuiusq; uirtutem et moderationem maxime perspicere, quando aliquis cauet, ne quam ipsi iniuriā faciat, quibus facile possit ac propemodum impune. Ob impotentiam generandi iubet diuortium fieri, nō tamen subito neq; temere. Eo qui sequitur libro ait hominem esse animal mansuetum, & si cum natura foelici res cōstituatur, euadere excellentissimū, sin minus, nihil eo deterius existere. Et sicut libro superiori tractauit de magi-



stratibus, ita hic agit de institutione puerorum. Nisi enim priuata rectè procurentur, non esse quòd publica posse consistere quis speret. Plurimum ergo referre, quomodo sobolem quis domi nutriat, inq̃ remp. emittat. Recta uero educatione posse tū corpus tum animū quàm pulcherrima & optima reddi. Corpori ualde conferre motum, & agitationem nō laboriosam: sed & fœtus cum adhuc in utero gestantur, uult moueri, nimis ut grauidę frequenter deambulent nec ocio torpescant, item, ut nutritices circumferant pueros, donec per se firmiter insistant, quod ad triennium usq̃ faciendum esse dicit. Mox à puerili ætate uel infantili potius, iubet illos paulatim assuefieri ad discendum aliquid, ac deinde cum adoleuerint, uult institui in Gymnastica & Musica, quarum illa corporis, hæc autem animi disciplinam contineat. Inprimis autem monet, ut ambæ manus, à teneris annis, ad omnes res pariter & æquę exerceantur, & assuefiant: hanc enim ad defendendum, illam nobis ad cædendum esse tributā: itaq̃ neutrā oportere uel ociosam esse uel inexercitam. Post hæc agit de

Musica

Musica, quo quidem in loco per occasi-  
onem interfert insignem sententiam:  
omnem uidelicet mutationem, præter-  
quàm in malis, esse periculosissimam,  
in temporibus, in uentis, in curatione  
ualetudinis, in moribus, breuiter, in o-  
mnibus rebus præterquàm in malis, &  
simul explicat, quòd quemadmodum  
corpus humanū offenditur noua et inso-  
lita ratione uictus, ità etiam homines ab-  
horrere à nouis legibus, neq; temere il-  
las mutare, in quibus educati sint, præfer-  
tim si longo temporum spacio sint con-  
firmatæ, & nostri temporis memoriam  
antecedant. Hæc autem eò dicit, ut ne  
permittatur pueris mutare ludos et alia,  
quæ ad ludos pertinent, à maioribus,  
ueluti per manus tradita. Nam eà cons-  
uetudine ipsos fieri inconstāiores, pau-  
latim eis uetera omnia sordere & no-  
ua placere: quæ quidem res maximam  
pestem in ciuitatem inferat. In media ur-  
be iubet collocari gymnasiolorum ædifi-  
cia publica, ubi iuuentus ad arcum &  
telorum iactum exerceatur, in suburbijis  
autem & foris, equestria. Deinde non  
uult in parentum potestate esse, ut libe-  
ros uel disciplinæ tradant, uel non tra-  
dant,

SUMMA PLATONIS.

dant, sed cogendos ait, ut tradant, quòd respublica plus habeat iuris in filios, quàm ipsi parentes. Idem iudicat de mulieribus atq; puellis, quas in eisdem rebus iubet exerceri atq; institui, ut adolescentes, neq; permittendum ut delitijs remollescant, et lanificiũ modò tractent sed curandum magis ut sciant arma tractare, sicut Amazones, uel Sauromatides ad Pontum Euxinum, idq; uel eò saltem, ut urgente necessitate, uiris omnibus in militiam profectis, urbem ipsæ moeniaq; defendant. Hoc enim esse multò præclarius & utilius, quàm si in ocio educatæ, imminente hoste atq; periculo, statim ad aras & phana deorum confugiant: ita fore, ut pro simplici uiro- rum subsidio, duplum respublica percipiat. Sub gymnasiolorum autem nomine complectitur omnem exercitationem & scientiam bellicam, & quicquid ad equestrem disciplinam pertinet. In his omnibus ait tam puellas quàm adolescentes debere institui per magistros, reipublicæ sumptu conductos. Ad uigilantiam deinde hortatur, quòd somnus & ualitudinem offendat, & animi uigorem extinguat. Arithmeticam autem & geometriam

ometriam & Mathematicen ait esse discendas pueris. De uenatione postea loquitur, eamque diuidit in aquatilem, uolatilem & terrestrem, et hanc solum probat, quoniam & equis & canibus & corporis uiribus agitur, reliquas, ut minus industrias & propemodum ociosas & illiberales, minus laudat. Octauo libro præcipit, quemadmodum sacra sint facienda diuis, etiam Plutoni, tanquam ei qui generi hominum semper faueat & sit salutaris, eò quòd animæ corporisque coniunctio, nullo modo sit melior quam dissolutio. Deinde docet, quomodo ciues in armis aliisque certaminibus sint exercendi, scilicet ut singulis mensibus uirum & artis periculum faciant, neque enim belli tempus expectandum, sed in ipsa pace ad rem bellicam assuefaciendos, itaque uult à magistratibus institui ludos & sacrificia, in quibus committantur pugne, quam proximè imitantes uerapraelia: & si quis non studio neque dolo malo, sed casu fortuito in iis occumbat, iubet esse impunè percussori. paucis enim quibusdam ita mortuis, reliquos esse futuros non deteriores. timorem etiam in animis ciuium extinguendum

guendum esse. Quod autem perpaucae ciuitates hunc morem obseruant, duas adfert causas: ex ijs primam esse dicit, quod plerique opum accumulandarum cupiditate, rem solū familiarem curant, & ijs tantum artibus, unde sperant emolumentum, incumbunt. Asteram esse ait ipsius reipublicae statum atque formam, oligarchiam uidelicet aut tyrannidem. hos enim ferre non posse, ut in aliqua re ciues excellant. Cum autem eius coloniae, quam instituit, longē alia sit ratio, putat gymnica certamina locum ibi habere, ac in usum reuocari posse. Hinc digreditur ad corruptos sui temporis mores atque libidines, quas tamen ait posse refrenari ijs, quas antea sanciuit, legibus, tum & ipsius magistratus diligentia et seueritate uitaeque exemplo. Adulteros & id genus alios impuros homines iubet esse infames, nec ullum eis honorem uult communicari, si modo de scelere constet. postea transit ad leges agrorum, in quibus ea prima est, de non mouendis agrorum finiumque terminis, de pascuis, de apibus, de deriuandis aquis, de percipiendis colligendisque frugibus & autumnī fructibus. de non corrumpen-

dissonis

dis fontibus. Quantum ad opifices attinet, uetat ne quis duo tractet artificia, sed unum tantum incumbat. Pro ijs quæ uel exportantur uel importantur, nullum uult dependi uectigal. Rerum externarum nihil uult importari, præter ea, quibus omnino carere non possit ciuitas, nihil etiam exportari, quod incolis & regioni sit necessarium. Rebus uenialibus præficit Censores, qui provideant, ne qua fraus committatur. In sequenti libro tractaturus de iudicijs et poenis malefactorum, utitur præoccupatione, quasi minus decorum sit atque etiam superfluum, de eiusmodi rebus aliquid præcipere in ea ciuitate, quæ iam sit optimis sanctissimisque legibus informata, ubi non sit credibile, futuros homines adeo flagitiosos, ut ijs legum uinculis eos cohercere sit necesse. Quoniã uerò deteriora sint tempora, quam fuerunt olim, & quia cum hominibus non cum diuis negotium sit, ait hanc quoque partem disciplinæ prætermitti non posse. Et principio quidem de sacrilegijs agit, aliamque seruis, aliam ciuibus poenam irrogat. Postea de seditiosis et legum euersoribus, item de furibus & proditoribus, & fures

S V M M A P L A T O N I S.

& fures quidem eodem modo uult puniri, siue magnum siue paruum sit furtum. Cumq; hoc non nihil absurdum uideretur Clinię, existimantis pœnam debere infligi pro magnitudine delicti, pulcherrimam disputationem ingreditur de diuersitate maleficiorum & iniuriarum. Attenim quædam ab hominibus fieri, ui & aperte, quædã clam et fraudulenter, quædam consultò, quædam inconsultò, nonnulla per iram, & eam quidem aut subitam cum pœnitentia facti, aut præmeditatam sine pœnitentia. Ad hunc modũ distinguit omnia, confirmans pro hac diuersitate pœnam esse irrogandam, Post transit ad cædem, & aliam dicit esse uoluntariam, aliam minus, aliam ex ira committi, et ea quidem duplici. Non uoluntariã primo tractat, cum quis uel in publicis gymnasijs aliquem, uel medicus ægrotum, uel liber seruum, uel seruus liberum, uel liber liberum, uel ciuis peregrinum, uel peregrinus ciuem, uel peregrinus peregrinum non sponte interficit. Deinde ad eam, quæ fit per irã, descendit, in eiusq; cognitione magnam esse dicit difficultatem, an sit uoluntariã, nec ne. Quæ per  
subitam

subitam & uehementiorem iram fit, ei  
mitiorem poenā statuit; seruum tamen,  
qui herum suum, aut filium, qui paren-  
tem sic interfecisset, capitis poenam subi-  
re iubet. Voluntariam uerō capite ple-  
ctit, siue quis ipse, siue per alios eam per-  
petrarit. Parricidium autē commissum  
ex industria, sic punit, ut post sumptum  
de percussore capitis supplicium, nu-  
dum cadauer extra urbem protraha-  
tur, atq; ibi omnes qui sunt cum magi-  
stratu, lapidem in illius caput conici-  
ant, post, extra fines regionis pertra-  
ctum, dimittatur insepultum. Eos qui  
mortem sibi cōsciscunt ipsi, uult separa-  
tim sepeliri. Ignotum homicidium ius  
bet præcons uoce proclamari, postea  
uerō homicidam deprehensum capitis  
poenam luere. Vbi de cede tractauit, ue-  
nit ad uim & uulnera, quæ & ipsa dicit  
uel sponte, uel ira, uel timore aliquo, uel  
nō sponte fieri, et poenam horum omniū  
augeri, tum ex persona eius qui læditur,  
tum ex loco uulneris. Breuiter, nullum  
facinus atq; delictum uult impunitū di-  
mitti, sed uel morte, uel uinculis, uel uer-  
beribus, uel ignominia, uel multa ca-  
stigari, & Iudices, qui de maleficijs co-



gnoscunt, iureiurando, quod Vestę deę  
 pręstare debent, astringit, ut legitimę,  
 quantũ in ipsis erit, pronuncient. Adj-  
 cit & hanc insignem sententiam, opor-  
 tere leges ita conscribi, ut patris matrisq̃  
 personam legislator repręsentet, atq̃ ut  
 scriptę leges amoris beneuolentięq̃ si-  
 gnificationem quandam habeant, non  
 autem ullius uel crudelitatis uel tyranni-  
 dis, ideoq̃ pręfationibus iubet demul-  
 ceri ac premolliri hominum animos, an-  
 tequam leges proponantur. Eos enim  
 qui non sint omnino deplorati, uel non  
 delicturos omnino, uel multo certę mi-  
 nus, partim metu, partim pudore. Quas  
 propter et insanabiles iubet ẽ medio tol-  
 li, quod duplex inde commodum ad  
 remp. redeat: primum, quod horum ex-  
 emplo reliqui deterrętur, deinde, quod  
 ab improbis liberatur ciuitas, ne quid  
 ex contagione accipiat incommodi. pri-  
 us tamen omnes alias rationes tentan-  
 das: modo ne crimen sit tam atrox, ut sit  
 nefas, eum qui deliquit, diutius intueri  
 solem. Magnam uerò partem delicto-  
 rum ex eo prouenire dicit, quod homi-  
 nes primum locũ tribuunt diuitijs, cum  
 et animi & corporis dotes longẽ sint an-  
 teponen-

reponendæ. corpus enim esse creatum animi causa, diuitias autem, propter corpus. Posthæc ostendit, quàm sint necessaria legum uincula. nisi enim hæc interueniant hominum uitam, quæ quidam sint tempora, futuram esse immanissimam. Cuius quidem rei hanc dicit esse causam, quòd nullius hominis ingenium ita sit natura institutum, ut quæ ad publicam humanæ uitæ utilitatem conferunt, satis cognoscat, neque si cognoscat, id semper agere possit ac uelit, quod optimum esse uidet. Nulla autem re magis augeri & efflorescere ciuitates, quàm si publicam salutem procurent omnes: cum uerò priuatum quisque suū spectat emolumentū, dilabi illas & corruere. Quod supra dictum est de ijs qui se interficiunt ipsi, distinguit, & atrocius esse dicit, cum aliquis ignauia quadam hoc in se admittit, quàm cum uel pudore uel fortuito aliquo casu impulsus facit. Eū qui uim alicui puellæ facit atque foeminæ, iubet interfici ab eius, cui facta est iniuria, cōsanguineis & affinibus, patre, fratre, filio, marito. Post enūmerata maleficia & horum pœnas, loquitur de omni ui, iniuria & cōtume-

lo, terra, mari uiuunt: ideoq; deorum plena esse omnia. Quòd autem nonnulli dicunt, Deos non curare humana, opinio- nem hanc ex eò prouenire ait, quod iniusti homines atq; improbi foelicitissimos habeant sæpe successus in rebus omnibus: nec enim deos alioqui permissuros, ut qui sunt impij, rebus omnibus sic augeantur & splendant. Verum ipse demonstrat, in Deos non cadere ueltimorem ullum, uel obliuionem, uel negligentiam, uel talem aliquem affectum, ut magna quidẽ curent, parua uerò negligant, sed ex æquo curare omnia, per eam, quẽ in ipsis est, prouidentiam. Cum enim medicus in curando corpore, uel architectus in ædificando, uel qui uis paterfamilias in sua domo, diligenter prouideat, ne quid omninò, quod suæ sit professionis & artis, negligat: non oportere credi, ipsos deos, qui sint sapientissimi, qui omnia tum possint, tum uelint, esse hominibus negligentiores, minusq; sollicitos: Sic igitur existimandum, non posse homines iudicium deorum effugere, sed poenas aliquando suorum scelerum duros. Atq; ut maxime foelices hic esse uideantur impij, tamen nullam

S V M M A P L A T O N I S

hanc esse foelicitatem, & fore, ut à morte grauissimè torqueantur, Eos autem, qui sacrificijs posse placari deos ab impijs, dicunt, non secus facere, ac si deos putent esse canes, quibus lupi partem aliquam rapinae concedant, atq; illi interim patiantur gregem dilacerari, aut esse ueluti nauis gubernatorem, qui uinè suauitate captus, & tanquam sui oblitus, clauum deserat & nauim fluctibus agitari permittat. Quod cum ualde sit absurdum, & quoniam homines uel mediocriter iusti non patiuntur se muneribus corrumpi, ut ius & equum prodant: non debere etiam quenquam existimare, Deos, optimos sanè custodes, hominibus esse deteriores. Ad hanc uerò disputationem ait se descendisse, ut homines melius & reuerentius de Deo sentiant: eum etiam qui de his rebus legem feret, ait hoc ueluti præmio debere uti ad homines, ut impio uitæ genere relicto, ad pietatem sese conuertant: deinde, lege cauendum esse, ut qui parum reuerenter et impie de Deo sit locutus, ad magistratum accusetur, et pro delicti conditione puniatur. Cum autem ex ijs tribus opinionibus, ab eo confutatis, diuersa proueni-

proueniant peccatorum genera, dicite eos non simili poena, sed alios duriore, alios mitiore esse affligēdos. Quosdam enim, tametsi deos esse negant, tamen naturæ quadam bonitate, uirtutem amare et improbitatem odisse: qui tales sunt, esse tractandos paulò clementius, & carcere cohibendos, & sermonibus bonorū in meliorem sententiam adducendos. Qui uerò prauæ & impiæ sententiæ malos coniungunt mores, & disputationibus etiam sua propugnant, multò grauius debere puniri. Itaq; propter eos, qui tam faciles putant esse Deos & exorabiles etiam impijs, legem statuit, ne quis in domo priuata sacellum habeat, neue sibi deos aut deorum sacra præter leges fingat, sed ut ad publica quisq; sacrificia ueniat, quæ palàm sacerdotes peragunt. uerū antequam superiorem istam disputationem ingreditur, ait esse ualde arduum, rationibus confutare & persequi receptam ferè ab omnibus, doctis pariter & indoctis, prauam illam atq; peruersam, de dijs et iustitia, persuasionem. Libro undecimo uaria tractat, & primò quidem de non surripiendis alienis thesauris, eamque ueluti regulam ponit,

S V M M A P L A T O N I S

Quæ non deposuisti, ne tollas: deinde, de non asportando eo, quod alicubi relin-  
ctū est ab aliquo. uult enim eiusmodi  
omnia suo loco relinqui, tanquam con-  
secrata deæ itineris. Iubet etiam ut liberi  
suos patronos obseruent & reueren-  
tantur, nimirum ut singulis mensibus  
ter ad patroni domum ueniant, officiu-  
m & obsequium illi suum deferant, il-  
liusq; uoluntate uxores ducant, et ne ma-  
iores habeant opes, quam patronus ipse,  
aut quas habent ampliores, ut eæ patro-  
no cedant. Posthæc transit ad emptionē  
& uenditionem, ac iubet, ut uenditor ac-  
cepto precio rei uenditæ, qd modo trigin-  
ta drachmas excedat, decē diebus in ur-  
be maneant, et emptor eius diuersoriū nō  
ignoret, idq; propter uitium rei emptæ,  
si quod forte deprehendatur, quo qui-  
dem in loco prolixè agit de Redhibito-  
ria actiōe, deq; edictio edicto, et diligen-  
ter distinguit, quid cui præstādū sit. Nā  
si medico uel gymnastæ uenditus sit ser-  
uus uitiosus aut ægrotus, actionem illā  
ait nō habere locū, secus autem, cum  
earum rerū imperito aliquid uenditur.  
Ipsam autem reticentiam, cum uideli-  
cet uenditor emolumēti sui causa, quod  
ipse

ipse scit, id eum celat, cuius interfit id scire, grauitè uituperat, & animaduersione dignam esse, & duplicatum precium emptori dicite esse reddendum. Cauet etià, ne qui uendunt aliquid, aut adulterinum uendant, aut supra iustum precium aliquid exigant: sed & commendationem rei uenalis nullam, nec iusiurandum etià uult interuenire. Qui uitiatam & non synceram rem uendit, eum & mercis iacturam facere iubet, & totidem cadi uerberibus, quot drachmis illam uendidit. his rebus dijudicandis constituit ediles atq; censores. Ad caupones deinde uenit, quod genus hominum ait propter auaritià & rapacitatem haberi minus honestum et liberale, nō tam ipsius rei causà, quàm sit per necessaria, quàm ipsorum hominum uitio. Sic enim esse comparatum in rebus humanis, ut pauci admodum, etià natura non mala præditi ac bene educati, cum uel egestate premuntur, uel alicuius rei tenentur cupiditate, continenter agant, & mediocri quæstu sint contenti. Quia uerò cauponibus omninò carere non possunt ciuitates, hoc consilij dat, ut quàm paucissimi sint, & peregrini

S V M M A P L A T O N I S.

ni solum, atq; hi, quàm minimè malì aut sordidi. Iubet autem, ut ædiles ac rerum uenaliùm curatores, & agris præfecti magistratus, collatis rationibus, emolumentì et sumptuũ, qui in hoc genere uersantur, æquum lucrum & tolerabile cautionibus constituent. Opificibus hanc præscribit legem, ut ad constitutum tempus promissum opus perficiant, item ne quid corrumpant, nèue pluris quàm æquum est, uendant. Fortes ac rei militaris peritos homines, qui rei pub. profuerunt, iubet honoribus affici, ne iustam habeant offensionis & querimoniae causam. Ad testamenta deinde uenit: non permittit autem liberam testandi facultatem, præsertim si testamenti factio dilata sit ad extremum usq; uitæ tempus. Ait enim homines moribundos non solum esse difficiles atq; morosos, uerum etiam sæpenumero testari contra leges atq; mores, & eorum, quos in primis curare debebant, utilitatem, & inepta quædam præcipere non rarò, quando iam cū morte luctantur. hæc autem minimè seruanda esse, ac simul reprehendit priuscos legumlatores, quòd morientibus nimium indulserint. Itaq; legem ipse constituit



constituit de successiōibus uel ex testamento, uel ab intestato: et testatorem ait, posse ex filiis eum quem uelit, hæredem instituere, reliquis aut in adoptionem datis, aut bonorum aliqua parte legata. Quod si filias tantum habeat, iubet ut quem uelit generum, ei, cui uelit filiae, adsciscat, eumque hæredem faciat. Si nullum habeat filium, permittit, ut quem uelit, arroget. Cum quis moritur intestatus & filias relinquit, uult ut proximus agnatus aliquam ex eis in matrimonium ducat, & hæreditatem adeat. Quod si nullis relictis liberis decesserit intestatus, proximis agnatis deferit ius succedendi. Quantum ad tutores pertinet, eos qui testamento sunt dati, primo loco, deinde proximos agnatos, & postremo, datos à magistratu, iubet administrationē obtinere, ipsos grauius commendat salutem pupillorum, ut qui dijs facturi sint rem longè gratissimam, si bene, uehementer autem ingrata, si male in eo munere uersentur: nec enim minus debere illos complecti & amare, quàm suos ipsi liberos amant. Quod si filius emendari nolit & sit intractabilis, iam patri licet conuocatis

primum

# SVMMA PLATONIS

primum cōsanguineis atq; propinquis,  
 eorumq; sententijs condemnatum abdi-  
 care, & ē familia eiicere. Filio quoq; licet  
 patrem decoctorem modestē ac reueren-  
 ter ad magistratum incusare, qui re co-  
 gnita illum cohibeant, nec ei bonorum  
 administrationem concedant. Diuor-  
 tium permittit ijs, qui simul uiuere non  
 possunt: uerum ita, ut si non habeant li-  
 beros, matrimonium denuo contrahant  
 quicum uelint. Ne quis cum serua sua,  
 neuē domina cū seruo suo rem habeat,  
 grauiter uetat, exilij pœna constituta.  
 Parentibus iubet honorem impendi, &  
 deos hoc officium à nobis flagitare, ut  
 qui parentum preces, de liberis conque-  
 rentium, dubioprocul exaudiant. Eius  
 rei documentum adducit, Oedipum,  
 Amyntorem & Theseum: nam horum  
 filios, propter imprecationes ipsorum, in  
 summas incidisse calamitates, demon-  
 strat. Veneficos, qui uel hominibus uel  
 iumentis & pecudibus, quacunq; ratio-  
 ne nocent, ē medio tolli iubet. Maledi-  
 cos & conuiciatores uult coherceri, le-  
 gemq; statuit, ne quis conuicietur, ue-  
 rum ut res corām iudice potius disce-  
 ptetur. Atq; hic per occasionem memi-  
 nit po.

nit poëtarum comícorum & satyrícorū,  
 quos etiam cohercet, nisi cum sine ira &  
 iocose ridiculum quid proferunt. Serí-  
 um aut & stomachosum, nequaquam  
 admittit. Mendícos omneis iubet exter-  
 minari. Si quadrupes pauperiē fecerit,  
 dominum iubet prestare damnum. Te-  
 stem, eum uidelicet qui testificari possit,  
 ait cogendum esse ut testimonium di-  
 cat, aut præstito iureiurando, quod non  
 possit, dimittendum. Qui ter falsum te-  
 stimonium dixerit, eum capite plectit.  
 Postremo, grauiter taxat rabulas foren-  
 ses, qui uel avaritia uel ambitione addu-  
 cti, calumnias neſtunt, & litem ex lite ſeo-  
 runt. Quod si ambitione faciant, iubet  
 illis ad certum tempus interdici omni ac-  
 ctione; si uero avaricia, distinguit, & pe-  
 regrino quidem exilij perpetui poenam  
 indicit, ciuem uero capite mulctat, atq;  
 idem etiam statuit de eo, qui bis per ama-  
 bitionem peccarit. Duodecimus &  
 postremus liber uaria quoq; continet, &  
 primò quidem iubet, ut qui mittuntur  
 aliquò legati, bona fide mandata perſe-  
 ciant: qui ſecus fecerint, ut ij tanquam  
 Iouis atq; Mercurij contemptores, pro  
 magnitudine delicti puniātur. Furtum,  
 siue

# SVMMA PLATONIS

siue paruum sit siue magnum, pari supplicio plectit, & non tam ipsum factum quam uoluntatem punit. Seruum aut peregrinum, furem, iudicis arbitrio permittit: ciuē omnino uult capite mulctari, quod in tali repub. institutus, tanto scelere se contaminauerit. Pecuniæ furtum illiberale esse dicit, rapinam uerò turpissimam. Vitam solitariam improbat, & societatem uult esse hominum inter se. Adolescentes ait inde à teneris annis assuefaciendos, ut quàm parcissime cibo utantur, ut frigus & æstū & cubilis duritiem leniter ferant, ut ne caput atque pedes, alijs, quàm ijs quæ natura dedit, tegumentis corrumpant. Extrema enim illa membra, maximas toti corpori utres præbere ac cōmunicare, cum à sua natura non deducuntur. Eum, qui iubente imperatore militiam aut desertat aut negligit, iubet à comilitonibus accusari, atq; ita puniri, ut nec ad militiam ullam pōst admittatur, nec alios neglectæ aut desertæ militiæ, possit accusare. Qui militiæ fortiter ac præclare se gessit, uult honorari donis & corona laurea, quam deinde belli duces in deorum templis cum inscriptione

ne &

ne & titulo suspendant, ut sit perpetuum uirtutis monumentum. Qui militiam & ordines deserit, qui uero arma proijcit, grauius punit: iudicibus autem & magistratui militari uidendum esse, ne quem temere puniant, sed causam proiectionis armorum diligenter inquirent. qui enim aut casu fortuito uel coactus arma perdidit, eum absoluit. Exempli causa Patroclum adducit, quem interfectum, armis, nudauit Hector. hunc si quis deinde repertum sine armis criminatus fuisset ut ignauum & desertorem, magna sane affecisset iniuria. Transit deinde ad repetundarum iudicium, cui qui praesideant, hos ait oportere esse homines integerrimos. Per occasionem postea meminit Rhadamanthi, eumque fuisse dicit incorruptum iudicem, & celeriter peregisse iudicia, & litigantes iureiurando in omnibus causis adegisse. Magnam enim tunc fuisse hominum integritatem, & peritum illos uehementer exhoruisse, propterea quod de dijs optime sentirent, eosque & regnare, & humana respicere, & impietatem grauius punire crederent. Nunc autem longè aliam esse rationem obseruans

obseruandam in iudicijs, & quia mutatae sint hominū de dijs opiniones, ac corruptiores facti mores, ait leges quoque mutandas. Nam si iurare cuique liceat, fore ut plerique omnes euadant periuri, iudicem ergo non debere permittere litigantibus, ut uel iurent, uel male sibi generique suo precentur, uel turpiter & ignauē supplicent, uel muliebri quadam utantur commiseratione, uerum ut causam suam planē dicant. Peregrinis autem permittit iusiurandum, nec enim esse metuendum, ut alios corumpant, qui in ciuitate non possint inueterascere. Postea loquitur de peregrinationibus, et ait fieri non posse, quin homines ultrò citroque commeent: crudele etiam esse atque superbum, uelle hunc morem inducere, ne uel aduenae recipiantur, uel ipsi aliquò proficiantur, ideoque modis omnibus cauendum esse, ne quā ciuitas in uitium hoc & criminationem incurrat, ut & peregrinorum hostis, & difficilis & inhumana uocetur, neque contemnenda esse aliorum de nobis iudicia. Quapropter eos, qui ocio abundant, & aliorum hominum res atque mores uidere cupiunt, nō uult lege ulla prohiberi

hiberi. Ciuitatem enim, quæ solitaria sit, & quid boni aut mali sit apud exteras gentes, ignoret, à perfectione aut longius abesse. Qui hominum cognoscendorum causa peregrinantur, uult esse non minores annis quinquaginta, neque diutius abesse, quàm decem annis. Vbi domum redierint, iubet diligenter explicare senatui, quid uel in legibus uel educatione uel disciplina egregium & memorabile uiderint apud exteros, ut hoc ipsum deinde, si probatum fuerit, in rempub. recipiatur. A duenas igitur & peregrinos, ab alijs ad nos uenientes, iubet humaniter excipi. sed ex ijs quosdam esse dicit æstiuales, qui tempus idoneum na cti commeant huc illuc, alios bonarum artium causa proficisci: quosdam uerò publicè mitti legatos, ijsq; magnū esse tribuendum honorem à magistratu. Quantum ad possessiones attinet, ita distinguit, ut qui in urbe, foro, sacris & palam aliqua re fuerit usus, anni spacio, qui in agris, publicè, quinquenni, qui in urbe, domi, non apertè, trienni, qui in agris domi & occultè, decenni tempore, ius in eam rem præscriptionis habeat, neque post illud tempus dos

mino sit integrum, repetere, sed extra fines regionis ei liceat recuperare & apprehendere, quouis etiam tempore. Qui rem furtiuam domi suae receptat, in eo est criminis, quo fur ipse. Qui proscrip- tum aut exulem recipit, eum capite ple- ctit. quem enim ciuitas aut resp. inimicū pronunciauit, eum non licet ulli ciui ha- bere pro amico. Cum uel de pace uel bel- lo uel inducijs tractatur, debet interue- nire communis omnium consensus. Iudiciorum alia dicit esse priuata, alia publica. inter priuata numerat arbitros uel conciliatores, uicinos & tribules. Publica sunt magistratus, de quibus an- tea dixit, eosq; uult memoria tenere le- gum decreta. simul ostēdit esse quādam affinitatem et uocis et significationis in- ter νόμος. legem, & νόον, mentem. Mor- tuis uult fieri parentationes, eorumq; ses- pulture iubet deligi locum, non in ferti- li aliquo agro, sed eiusmodi, qui nulli præterea res sit utilis. nec enim terrę ma- tris foecunditatem esse minuendam. Sumptus funebres uult esse moderatos, pro cuiusq; censurā non enim hominē ibi sepeliri, sed simulachrū hominis, corpus ipsum & cadauer: uerum autem homi- nem, animam uidelicet corpore solutā,



proficisci aliquò ad deos, operum suarum rationem redditurā. Atq; hoc quidem in loco finem imponit legibus, sed unum ait desiderari, & illud quidem maximum. Nec enim satis esse, leges constitui, sed oportere, ut firmę sint, & magno studio seruentur, & insit illis quædam vis immutabilis. Causam uerò mutationis legum ait esse, quòd legumlatores nō semper eundem scopum respiciunt. Alios enim eò spectare, ut pauci quidam in repub. dominantur, alios, ut dite seant, siue seruiant, siue non: alios, ut liberi sint, alios ut non solum libertate fruantur, sed imperium quoque suum amplificent, & uicinas urbes subigant. Monet autem, ut respublica sibi proprium semper habeat unum aliquem finem, quo sua omnia consilia dirigat, simul hortatur, ut ex magistratu quotidie conueniant aliqui natu grandiores, qui singuli iuuenem aliquem, triginta natum annos secum adducant, & ante solis ortum prima luce sermonem inter se conferant de republica, & ut iuuenes ea quę senibus probantur, magno studio discant. In Epinomi percurrit uarias artes atque scientias, hominum usui neces-

farias, agriculturam, pistoriam, architecturam, fabrilem, figulinam, texturam, nauticam, uenatoriam, pistoriam, militare, medicam, luridicam, & quęcunq; sunt alia, sed eas inquit non hoc posse præstare, ut aliquis euadat sapiens. Arithmeticen uero & Mathematicen & Astronomiam ait esse tales, ut qui in ipsis bonam operam nauarit, cum efficiant sapientem, ut & de animę immortalitate & de dijs recte sentiat. quo quidē nihil sit præstantius. Nullam enim in humano genere posse maiorem inueniri uirtutem, religione & pietate in Deum. His ergo, qui sic instituti sint, & naturam habeant non uitiosam, ait summos debere committi magistratus, cum ad senectutem peruenerint, et tales oportere esse illos, qui in antelucanum concilium uenturi sunt, in quo, uelut in anchora, salutem reipublicę positam esse dicit. Atq; ut deorum præstantiam demonstraret, multa differit de animę proprietate. Quinq; autem ponit corpora, ex quibus ait cuncta prouenire, terram, ignem, aquam, aërem & æthera. Post, de planetis & syderum ratione uerba facit. eamq; doctrinam ait à Barbaris ad Gręcos

eos esse deportatam, ubi & hoc addit,  
 Græcos habitare in regione, ad uirtus  
 tem longè opportunissima, quòd inter  
 hyemalem naturam & æstiuam media  
 sit: & quòd ab æstiuæ serenitate longius  
 ipsi distent quàm Barbari, idcirco tar-  
 dius apud ipsos, ait hanc scientiam exci-  
 tatam esse: Græcos tamen, quicquid à  
 Barbaris accepissent, melius explicasse  
 quàm illos. Postremò, in ijs, quæ ad De-  
 orum sacrificia pertinent, non uult legis-  
 latorem immutare quicquam, & cauens  
 dum dicit, ne ad nouum minus certè re-  
 ligiōis cultū homines assuefiāt, sed quæ  
 patria lege uel cōsuetudine, de sacrifican-  
 do confirmata sunt, ea iubet immota cō-  
 seruari. In eo dialogo, qui Minos in-  
 scribitur uel de lege, rogat ex Minoë  
 quodam Socrates, quid sit lex? Ille re-  
 spondet esse eam, quæ sit lege recepta &  
 approbata. Definitionem hanc refellit  
 Socrates, ut impropriam & absurdam.  
 Tum ille, esse ciuitatis institutum atque  
 decretum. Ne hoc quidem Socrates ad-  
 mittit, quædam enim esse bona, quædam  
 uerò mala ciuitatis decreta. sed ipse de-  
 mum definiens ait legem esse ueritatis  
 inuentionem. Refutatur hoc à Minoë,

SUMMA PLATONIS

quòd homines non semper eisdem utantur legibus, longè enim alias esse per Græciam, quam in Africa, & maiorum leges multum esse diuersas ab ijs quæ nunc sint in usu. Respondet Socrates, & ait ea quæ iusta sunt et honesta, ubiq; esse iusta et honesta. Legum uerò promulgationẽ non esse cuiusuis, uerum eius tantum, qui sciat quid in singulis rebus iustum & iniustum sit, qui teneat ciuitatis ordinem & gubernandi rationem. Idcirco enim esse et nominari leges, quòd constituantur ab ijs, qui peritiã habent: quemadmodum & medicorum & geometriarum & agriculturæ leges dicuntur, hoc est, decreta, quæ fiunt ab huiusmodi rerum peritis. Posthac loquitur de Lycurgo, qui Lacedæmonijs dederit leges, mutatus eas à Cretenfibus, quorum fuerint præfecti Rhadamanthus & Minos, Iouis ex Europa filij. Cunctus ille diceret, Minoem male audire, ut agrestem & durum hominem atq; etiam iniustum: Socrates eum obiurgat, quòd de Deo minus rectè sentiat, eumq; demonstrat, optimum fuisse uirum, atque id probat auctoritate Homeri, qui dicit eum per annos nouem fuisse ipsius Iouis *δαίμονα*, hoc est

hoc est, collocutorem & auscultatorem.  
Qui secus hanc uocem interpretentur,  
eos errare, nec enim fuisse Iouis aut com-  
potozem aut collusorem, & grauitè il-  
lum præcepisse Cretenſibus, ne compo-  
sarent ad ebrietatem, non eſſe ergo cre-  
dibile, ut cum turpem iudicaret temer-  
lentiam, aliud ciuibz mandarit, aliud  
ipſe fecerit: hoc enim eſſe improborum  
hominum. ſed Minorem, quandiu Cre-  
tenſibus præfuit, collocutum eſſe ſami-  
liariter cum Ioue, ab eoq; leges didiciſ-  
ſe, quibz floruerint Cretenſes, ac poſt  
eos Lacedemoni. Cauſam uero, quòd  
Minos, ut agreſtis & parum etiam iu-  
ſtus, male audiat Atheniſis, ait hanc eſſe,  
quòd bellum Athenienſibus intulit, iſsq;  
deuictis tributum imperauit ualde in-  
humanum, ſeptem ſcilicet pueros, quo-  
tannis. Ad hanc autem ſeueritatem fue-  
iſſe illum adactum criminationibz &  
conuictis poetarum. hos enim perma-  
gnam habere vim in utramq; partē, et ad  
laudandum & ad uituperandum, ideoq;  
illum cui fama & nominis exiſtimatio  
curæ ſit, iubet cauere, ne poetas habeat  
aduerſarios. Minoem uero reliquis o-  
mnibz præfert, & uſum eſſe dicit Rha-

SUMMA PLATONIS

damantho. ueluti legum uindice per  
Gnoson urbem, Tallo autem, per toram  
insulam. Hunc enim ciuitates omneis  
ter in anno adiisse, & ubicunq; opus es-  
set, emendasse omnia, sculptis idcirco le-  
gibus in tabulam æream, & palam pro-  
positis, ut ne quis eas ignoraret. Fuisse  
quoq; uirum bonum Minoem, ex eo  
probat, quòd in ipsius legibus nihil fue-  
rit immutatū, quòd ab omnibus haberē-  
tur magna æquitate esse conscriptæ. Po-  
stremò, quærit quid medicus præcipiat  
ualetudinis tuendæ causæ: cunq; ille di-  
ceret, nutrimentum & corporis agitatio-  
nem atq; motum, nunc remissiorem,  
nunc uehementiorem: rogat, quid le-  
gislator & populi pastor adhibere de-  
beat, quò suorum hominum mores & a-  
nimos meliores faciat: cunq; præsens  
responsum Minos non haberet, ait pu-  
dendum esse, scire aliquem quid ualetur-  
dini & corpori sit necessarium, quid au-  
tem animæ conferat, ignorare. In eo qui  
Politicus inscribitur, uel de regno, quili-  
bros de republica & legibus antecedit,  
declaraturus, quàm sit insignem munus,  
præesse alicui reipublicæ, & quibus re-  
bus oporteat eum, qui bene gubernare  
uelis

uelit, instructum esse, principio diuidit  
 scientias, & aliam esse dicit theoricam,  
 aliam uerò practicam. Eius qui remp.  
 administrat, functionem ait esse theo-  
 ricam magis quàm practicam. Manus  
 enim & reliqua corporis membra pro-  
 pè nihil conferre, prudentiam uerò & a-  
 nimi robur, quàm plurimum: Archite-  
 ctum etiam uix unquàm uti ministerio  
 manuum, sed ijs qui manibus utuntur,  
 præesse. Theoricam deinde diuidit in  
 iudiciariam & imperatoriam, & quoni-  
 am plures in repub. sunt qui mandant  
 aliquid & præcipiunt, apparitores, præ-  
 cones & id genus alij: idcirco, quemad-  
 modum caupo differt ab eo, qui propri-  
 um opus uendit, sic etiam à rege inquit  
 differre præconem, qui regis mandatū  
 alijs ipse pronunciat & mandat. Po-  
 stea descendit ad prolixam diuisionem  
 eorum omnium quæ generantur. Quæ-  
 dam enim, inquit, sunt animata, quædam  
 inanimata, de quibus nihil præterea lo-  
 quitur, sed animata partitur in hominē  
 & bruta, quorum aliud est ferum, aliud  
 mansuetum, aliud aquaticum, aliud ter-  
 restre, & in his aliud uolatile, aliud gra-  
 diens, horum autem aliud solida, aliud

SUMMA PLATONIS

bifida ungula, cornutum aliud, aliud  
absq; cornibus, aliud promiscue gene-  
rans, ut equi, asini, muli, aliud in suo tan-  
tum genere: aliud bipes, aliud quadru-  
pes, bipedum aliud pennatū, aliud im-  
plume, quod ad hominē propriē refert.  
Hoc aut in loco diuertit ad fabulam &  
recitat, quomodo mundus initio fuit gi-  
bernatus à dæmonibus, et quā felicia  
quāq; aurea tunc fuerunt sæcula, cum  
nihil esset incultum aut agreste, cum tel-  
lus ipsa sponte uictū & omnia præberet,  
quum nulla uis, nullum bellum interce-  
deret, cum absq; legibus honestē et ami-  
cē uiueretur. Talem fuisse mundi faci-  
em, quo tempore Saturnus uixit: ab eius  
uero morte aut homines dæmonū custo-  
dia & prouidentia destitutos, cum in o-  
mnium rerum conuersione, mutatis etiā  
brutorum naturis & efferatis, expositi  
essent uarijs periculis, excogitasse in sum-  
ma necessitate, quæ ad tuendam uitam  
conferrent. Sed ne hac quidem in par-  
te aliquid præstare potuisse absque deo-  
rum auxilio. nam à Prometheo fuisse in-  
uentum ignem, artes autem à Vulcano,  
& rationē colendæ terræ feminumq; ab  
alijs demonstratam esse. Redit deinde ad  
proposi-




propositum, & ait functionem eius, qui præest hominibus, ualde esse illustrem. et licet multi alij nomen hoc usurpare sibi uelint, quasi populi sint pastores atq; nutritij, cuiusmodi sunt mercatores, agricolæ, gymnastæ, medici, eo quod uictum subministrant et ualitudini consulant, tamen ei soli proprium esse nomen illud, qui populum legibus moribusq; regit. Eum uerò sic describit, ut dicat arte quadam imperare, neq; referre an uolentibus imperet an inuitis, an ex scripto, nec ne, pauper sit an diues. Vt enim medicus & habetur & uerè dicitur, qui morbos quocunque modo depellit, & ægros ualitudini restituit: ita etiam qui populi salutē procurat, eoq; solum respicit, hunc ait legitimum esse principem atq; magistratum. Posthæc recenset formas reipublicæ, & Monarchiam, si cum legibus coniuncta sit, optimam esse dicit: quòd si uerò legibus non utatur, grauissimā esse populo demonstrat. Inter legitimas reipub. formas, democratiā ait esse deterrimam, inter iniq;uās autem, longe optimam. Post regiam aut ciuilem scientiam proximè ponit artem rei militaris, deinde Iudiciariam

## SUMMA PLATONIS

ciariam & Oratoriam, quas ait legum  
esse custodes atq; ministras. Quod eti-  
am suprâ dixit in libro de legibus, idem  
hic tractat, oportere uidelicet naturam  
esse mixtam atq; temperatam, neq; sin-  
gularem aliquam in nobis luxuriari. qui  
enim ingenio sit nimium pudente atq;  
modesto, euadere molliusculum: in quo  
autem animi robur & audacia paulo sit  
maior, cum ad feritatem magis propen-  
dere quàm humanitatem. Itaq; dandam  
esse operam, ut eorum, qui matrimonia  
contrahunt, naturæ sint dispares  
atq; diuersæ, ut quod in uno  
uidetur esse nimium, al-  
ter coniugum mo-  
deretur atq;  
leniat.

FINIS.



# ERRATA.

	Pag.	Vers.	Lege
B	2	23	tribuni militum
B	8	1	longinquitate
C	4	26	iuris
D	6	10	nobilitatem
E	15	24	quidem illis,
L	13	18	evadere
M	3	11	nirulentam

# ERRATA

	Page	Line	Correction
Chapter I	1	1	of the
Chapter II	1	1	of the
Chapter III	1	1	of the
Chapter IV	1	1	of the
Chapter V	1	1	of the
Chapter VI	1	1	of the
Chapter VII	1	1	of the
Chapter VIII	1	1	of the
Chapter IX	1	1	of the
Chapter X	1	1	of the



